

U KHUN-SYIEM NA
KA IING U DABID

Lane

LAI SNEM HA KA SHNONG BAKHUID

*KA DA IATHUH IA KI JINGIOHI HA KA
JINGIM U JISU UBA NA NASARET*

KITAB I

Ba la pynmih sha ka Khasi

DA U BAH FRANK M. PUGH.

JAIW, SHILLONG.

1967.

Title U Khue Syie^{1444/1} Na
Author In yehum U. D.
Accession No 1444/1
Call No. 223. In. 4. Ukh

Accession No
STATE CENTRAL LIBRARY
GOVERNMENT OF ASSAM
SHILLONG.

- 1 Books may be retained for a period not exceeding fifteen days by members
- 2 Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil tearing or taking out pages or otherwise damaging it will constitute an injury to a book.
4. Any such injury to a book is a serious offence. Unless a borrower points out the injury at the time of borrowing the book, he shall be required to replace the book or pay its price.

U KHUN-SYIEM NA KA IING U DABID

Lane

LAI SNEM HA KA SHNONG BAKHUID

KA DA IATHUH LA KI JINGIOH IIA KA
JINGIM U JISU UBA NA NAYARET

DA

U REV. J. H. INGRAHAM

Kitab I.

Ba la pynwan sha ka Khasi

DA

U BAH FRANK M. PUGH.

JALAW, SHILLONG.

1967

La shon by Shillong Printing Works, Shillong.

State C

1 Library

KA JINGPYNTIP

U Nongthoh jong kane ka jingtrei kaba mynta u kwah ban ong ba kane ka long tang ma ka ka kot, ha kaba u la ai la ka kyrteng ba la thoh da u, naduh 1847. Ki jingpynmih jong ki snem ba la dep ba la pynmih ha iingshon-kot ha ka dor ka batat, kiha don ka kyrteng jong u, ym shym la aibor da u bad la shon khlem ka jingmynjur jong u. Baroh kiba kum kita ki jingthoh la thoh la bún snem ; hynrei ia ka bor ban shon ym shym la bat da u Nongthoh, ka long habar ka bor jong u ban khang ia ka jingiaishon jong ki, bad um don kawei pat ka jingiaada lait sa tang ka jingpyntip kaba kum kane mynta.

U kwah ruh ban ban, ba bún ki jingthoh ki batat, ba la thoh da ki briew ki bam shym ithuh da u, bad ki jingpynkylla ruh na ki Nongthoh ha ka ktien *French* ba iai pynmih khlem jinglehraiñ kum ka jong u hi, da ki briew kiba khlem akor, haba bún na ki kot jong u hi la pynbakla ha ka rukom ka bamynsaw la ha ka kot ne ka kyrteng ; ia baroh ki jingthoh ba la shu leh tuh u Nongthoh hangne u uxor pyrshah.

KA JINGKYNTHOH LAMPHRANG

Shibún na ki jingíohi ía ka jingim u Jisu hamar ki saw snem bakhatduh eh jong ka jingim jong U ha pyr-thei kumba la buh jingthoh ha ka Gospel, la íathuh hangne kum kaba da íohi hí da la ki khmat ía kita.

Ka Adína, ka nongthoh kaba long ka Jiwi, la ngeit ba ka long ka nongshongshnong ha Jerusalem hamar ki saw snem kiba khatduh eh jong ka jingim u Nongpyn-im jong ngi bad ka la thoh sha Aleksandria, sha u kpa jong ka, bún bún ki shithi kiba íathuh ía ki jingjia baroh ki basngewtynnat, bad khamtam eh ka da ai ka jingíathuh ka babniah ía ki jingjia baphylla jong ka jingim u Khrist, ía uba ka jia íohi man ka sngi.

Ka jingthmu bakongsan jong kane ka jingthoh ka long ban pynshisha ía ka jinglong blei jong u Trai jong ngi lyngba ka jinglong briew jong U, namar “*Ym ju don briew uba la kren kum une u briew.*”

DON AIU HAPOH

KA JINGLAMPHRANG

KA ADINA, ka nongthoh jong ki shithi harum—ka iing ka sem jong ka—ka jingleit sha Jerusalem—ki Roman—Ka shnong ka iingdulan iingpaki u Dabid—Ka iing syiem u Pilat—U lum Kalbari—Gethsemane—Ka Bethlehem—Ka khyrdop Damaskos—Ka kynhún nongap Roman—Ka jingpoi ha ka iing ki kha ki man jong ka—Ka jingbatai ia ka jingitynnat jong ka—Ki shithi sha u kpa jong ka.

KA SHITHI I.

Ka jingiathuh lyngkot ia ka jingleit na Aleksandria sha Jerusalem—Gasa—Ka Pung u Joseph—Ka Duriaw Baiap—Ka Jordan—Ki jingpynkhih mynsiem ha kaba iohi ia ka Shnong Bakhuid—U Rabbi Amos—Ka jingpyntngit sang ia ka Templ—Ki jingkñia ia ka pop—U nongiathuhlypa u Blei uba ialap ha Jordan.

KA SHITHI II.

Ka jingleitphai u Rabbi Ben Israel—Ka jingsngewsuk bad u Rabbi Amos—Ka Rebekka—Ka Mary—Ka jingiohi na ka jaka shong—Ka jingiohi na tnúm iing por mynstep—Ka jingkñia bad ka jingmane ha Templ por mih ka sngi—Ka Jingkñia lajan miet bad jingmane—Ka jingmane bleithaw ha ka iing-heh ki Roman hajan ka Templ—Ki Jingiathuhlypa ba la pyndep—Hapoh u lyoh—U nonglamkhubor ba la iathuhlypa da u Malakhi—U Elija u nongiathuhlypa—U Rabbi Amos u kubur ia ka jingleh-thok ki lyngdoh—Ka jingiap troin ka jingsngewburom—U samla uba la ioh sngew ia u nongiathuhlypa thymmai hajan Jerikho.

KA SHITHI III.

Ka jingai ia ki sohnyngkong—Ka lingmot u Antonia—Ka jingleh ibein na ki shipai Roman—Ka jingiada ba la ai da u rangbah shispah Roman ba dang samla—Ka kali ba iphuh iphieng jong u lyngskor Roman, u Pontios Pilat—U nongiathuhlypa bathymmai kumba la batai da u Ioannis u bakha ka Mary—U ai ka jingiathuh ka babniah ia ka jingleit jong u sha Jordan—Ka jingleitpoi ha Jerikho.

KA SHITHI IV

Ka jingiap oh u Rabbi Israel—ka jingshim lyngkot na ka shithi u kpa jong ka shaphang u nongiathuhlypa thymmai—Ka jingbteng ia ka jingwan iathuh u Ioannis ia ka jingleit jngoh kai sha Jordan ban iohi ia u nongiathuhlypa thymmai—Ki Khatar tylli ki Maw jong ka Jordan—Ka jingai jingbatai ia u nongiathuhlypa—Ka jingkren jong u “Mem dei u Elias”—“U Messia”—Ka pateng bynriew ki bsein - Ka jingkordit ia ki lyngdoh—“U Trai jong ka Hok jong ngi”—Shihajar la pynbaptis—U Joseph uba na Arimathaia—Ka jingkren ka baarsien ynda janmiet.

KA SHITHI V.

Kaba kyrkhu ha ka kyrteng u Khún Langbrot U Blei—U Joseph na Arimathaia—Ka jingiakren bad u nongiathuhlypa—U rwai ia ka jingrwai miet jong ka Templ—Ka jingrwai iaroh—Ka jingkren bad u Nongiathuhlypa shaphang u Messaia—Ka jingiap jong U—Ka hima jong U ym na kane ka pyrthei—U Nongiathuhlypa u kynriah ban shong jah thait sha ka ri shyiap—Ka jingwan mihpaw u Lasaros—Ka jingbatai jong u ia ki jingiathuhlypa—Ba la hikai da u lok jong u—Ka jingai jingbatai shaphang une u lok—U Jisu Uba na Nasaret—Ka jingialeh hapoh ka jingmut—Kaba pule minot ia ki nongiathuhlypa-

KA SHITHI VI.

U Ben Israel—Ka jubab ia ka shithi u kpa jong ka pyrshah ia kane ka jingsngew-thymmai—Ka jingshim lyngkot na ka shithi jong u—Ka jubab—Ka jingkhiih bitar pyrshah ia u nongiathuhlypa hapdeng ki lyngdoh bad ki Lebi—Ki nonglamktien la phah ban khot ia u sha Jerusalem—Ka jubab jong u—La pynrem kum uba pynkhiih paidbah—Ki nonglamktien ki pynbna ia ka jingkylla ka bamut bad ia ka jingshah-pynbaptis jong ki—La kem ia ki—Ki jingiakren bad ki jingiasaid pyninia ha ka iing u Rabbi Amos—U Stephan—U nongiathuhlypa um shym leh kambah ei ei—U Rabbi Amos un dang leit sha Gilgal—Ka Adina bad ka Mary kin faleit ryngkat bad u—Ki khmih lynti ban iohi ia u nongiathuhlypa—U rangbah shispah Roman u pule ia ki Jingthoh Bakhuid—Un da la sngewbha ban iohsngew ia u nongiathuhlypa—U Barabbas u rangbah nonglute—Uba faleit synrán.

KA SHITHI VII.

U Messaia U la wan !—Ka jingĩathuh ia ka jingleit sha Jordan—Ka Adina, ka Mary bad u Ioannis ki faleit lem bad u Rabbi Amos—Ba la synrán da u rangbah shispah Roman—U Barabbas—Arngut ki shakri nong-Gibion—Ka jingiohi kaba shu khluk-khlak ia u Kaĩaphas—Ki paro bad ki lyngdkhur khún—U Barti maios u bamatlah bad u khún langbrot jong u—Ka khyrdop Langbrot—U Aemilius—Ki shipai Roman—Ka Bethesda—Ka jingkhiih jong ki um—U mot u Absalom—Ba la iaid lang bad uba asynrán.



KI JINGLAMPHRANG

IA

KI SHITHI KA ADINA

Ka ADINA, ka nongthoh ba la shu tharai ia ki shithi harum, ka long ka khún marwei jong u Manasse Benjamin, uba la long u kynja Israel na ka jait Juda, u la long u trai-shnong jong ka Aleksandria ka nongbah Grik bad Roman. U kpa-tymmen jong u u long u riewnang riewtip ha ka kot ka sla, u Dabid Esdras Manasse, uwei na ki hynñiew phew ngut ba la thung da u Ptolemy Philadelphus, ha ka snem 277 S.K., ban pynkylla ia ka Baibl na ka ktien Hebrw tynrai sha ka ktien Grik. Ia u Esdras bad ia ki lok jong u, ynda la lah ma lah kaba pyndep ia kane ka kam ka bakhraw, la khot sngewbha da u Syiem ban sah ha Ijipt, ha kaba u la iap ha ka rta kaba la tymmen bha, u da bat ia ka kam ba lah ban shaniah bad badonburom Kiba hiar-pateng na u haduh san pateng ki la long ki rangbah bah, bad ki ioh ia ki jingsngewshaniah jong ki nongsynshar ka ri Ijipt, bad ba hapoh jong kita ki la lum spah ia kaba la ioh-pateng khatduh iawai da u Manasse Benjamin, u briew u bam kai ruh da ka jinghiar-pateng kaba pawnám katta. La burom ia u ha Aleksandria na ka bynta ka jinghok jong u, ka jingstad bad ka kyrdan, kumjuh ruh na ka bynta ka jingiari ka jingtip kot tip sla bad ka spah jong u, bad la burom da ka jingialonglok bad u nongsynshar Roman, u Ruphus Lukius Paulinus. Ka jingieit bad ka jingsngewburom jong u ia ka ri ki kpa jong u, bad ia ka Shnong Bakhuid bad ka Templ u Jehoba, kam shym la duna da ka jinglong trai-shnong jong u kum u Jiw ha ri Ijipt; bad kumba la phah ia u ha ka jinglong samla jong u sha Jerusalem da u kpa jong u, ban ioh jinghikai ha ki hukum u Moses, kumta u la kut jingmut ba ka khún kynthei jong u kan

iañoh bynta lem ia kijuh ki bok, bad ban shah hikai kumbai dei rukom ia ka kynthei Jiw, kumjuh kum ka nongioh-pateng ia ka kyrteng bad ka spah ka phew jong u.

Hadien ka jingleit kaba btái jong ki khathynñiew sngi da ki lynti na Gasa, ka Adina babhabriew khatduh khatwai ka la poi kyndit kyndit ban iohi ia ki kynroh bad ka jingtei bajrong jong ka nongbah Seion, ba ka la jan ngong. Ka kynhún ki ut ka la sangeh ha khlieh ka ranab, bad ki nongleit jingleit Jiw ki da pynshongthait ia ki, ki la hiar bad dem khруп ia lade hi ha khyn-dew ha ka jingsngewburom ha khmat ka nongbah u Dabid bad u lúm Moria, ia uba la ñiew kyntang da ki jinguhkijat u Abraham. Ka samla ka la weng ia ka jingkah khmat, bad ka la dem ia la ka khlieh jong ka da ka jingngewkyiuh riewblei ka bakyntang khuid. Ka la long ka jingiohi ka banyngkong jong ka ia ka Jerusalem—ka shnong ki kpa jong ka, ia kaba, naduh ba ka dang khynnah eh, ka la iohsngew ia u ba u kren da ka jingsngewburom ka bajyllicw eh. Katba ka nangpeit halor jong ka, ka la pyrkhat shaphang u Isaak, ia uba la teh la khúm halor ka duwan ha katai ka khar lúm, mynta ka phyrnai da ki kynroh ba la tap najrong da u maw marbl bad ka ksiar; ia u Isaia ia uba la ot kurat lyngkhot lyngkhai ha ka them ba i-ngiew ha ki kjat jong ka: ia u Dabid bad ia ka burom jong u; ia u Solomon bad ia ka jingstad jong u; ia ka kynhún ki nongiathuhlypa kiba la iuh kjat ia ki surok jong ka lane kiba la sakma halor ki lúm. Bad khuk-khuk ka jingkyrmaw jong ka ka la wallam sha ka jingmut jong ka ia ka jingiathuhkhana jong ki jingjia badonbor kiba la dep; ia ki jingkerkut ba ka nongbah ka ieng pyrshah ia ki Assyria, ki Persha, ki Ijipt ba l ki jaitbynriew jong ka pyrthei; ia ka jingpynwir noh sha ka jingringmraw ia ki para-ri jong ka; ia ka jingpynkhyllern ia ki kynroh jong ka bad ia ka Templ jong ka; bad ia ka jingtei biang ia ka da u Esra. Hynrei khamtam eh ka la pynshongkhia ia la ka jingpyrkhat da ka jingsngewsheptieng bakhuid ba ka jingdon u Jehoba ka la don hangta da ki spah snem hadien ki spah snem

ha kaba da lah ban iohi, ha ka Dur jong ka Ding na bneng, hapoh ka jaka kyntang tam kaba kham shapoh ka Templ; bad ba hangta U iakren bad u briew, kum ban ong, markmat markmat. Ka la pyrkhath ruh ia ka synduk ka Jutang, ia ki Mawlyngkniap, ia u Diengduh u Aaron uba shyllu, bad ia u bsein rynong, ia kiba la buh ha ka Templ; bad ka dohnud jong ka ka la khieh da ka jingpyn-khih-mynsiem kaba kam pat ju sngew mynno mynno. Da kaba kham dem bad da ka jingsngewburom kaba nang kham sngewphieng shuh shuh ka la pyndem ia la ka khlieh jong ka ha ka jingsngewburom kaba da ka jingsngewnguh sha Uta Uba la pynpher katta katta ia ka jaitbynriew jong ka halor ki jaitbynriew baroh, halor ki nong bah baroh ia ka nongbah jong ki kpa jong ka bad jong ki Nong'athuhlypa! Te ka la khyllie ia la ki khmat jong ka ha ka jingsarong ba ka la long ka Jiw, bad ka la phai sawdong da kaba sngewsarong halor ki lum ki them badonburom kiba, ha ka jingmut-dur jong ka, ki imat dei ban long kiba ju ithuh ha ki khmat ki angel kumjuh kum ha ki briew, jan haduh katta katta ba ka bneng ka la pynfasoh ia lade hi bad kata ka jaka kaba la jied.

Ki Arab, ki nongbud jong ka, ruh ki la dem ia la ki khlieh bad ki la dem khohsiew ha khmat jong ki jingtei bakhuid ki bajrong, hynrei ka la long ha ka jingburom ia u Abraham bad ia ki kpa-tyminen, ki longshuwa ki manshuwa jong ki lyngba u Ishmael, uba ki la ngeit namar bam da tip, ba u iathiah lem bad u Isaak bad u Jakob ha ki jyngep halor u Lum Moria, ha ka jaka ba ka dei ha Hebron ha ka jaka tep jong ki ha ka krem Makpela, kumba ong u Moses u Nongiathuhlypa jong ngi.

Ia ka jingkhmih sarong kaba sawdong jong ka Adina la kem da ka jingiohi ia ka pyrton shipai kaba la wan da kaba pynmareh artet ia u thieb na ka nongbah bad ka lama kaba don pukni ka da phyrnai ba la rah sha shuwa.

“Ki Romani! Ki Romani!” la pyrta ki nongialam, bad ynda ki la ieng na kaba dem khohsiew, ki la kiew biang da kaba kyrkieh, bad ki la pyndonkam la ka bor baroh ban pyllait jaka ia ka surok ban wan ka kynhún kulai kaba nangtur shajan. U nongñiah kashor na ki Israel katto kattne pruh ba kham harum ha ka lynti, u bam pat lap ba kloï ban pyllait lynti, u la shah iuh, bad kyndat ha khyndew, bad ka kynhún nongshongkulai ka la sar artet sha kliar ki lúm, khlem man khein brieve ia u.

Ka ngab ka Adina ka la thangiong ha kane ka jingiohi, hynrei kam shym long na kaba sheptieng. Baroh ka jingsarong jong ka ka la iap sap ha ka dohnud jong ka, bad ka la klet ia ka burom jong kaba la dep, ha ka jingiohi jong ka jingjah burom kaba mynta. Ha ka jingsngewkob sarong ka banyngkong jong ki jingkhiih-mynsiem jong ka ha kaba peit sah halor ka Jerusalem, ka la klet ba ka ri jong ki Nongiathuhlypa bad jong ki Syiem ba la pynsleh da u Blei, ka la long mynta ka jylla kaba la shah jop hapoh ki Roman. Hynrei ka jingiohi jong ka pyrton Roman ka la wallam ia kane ka jingshisha kaba pynpang dohnud sha ka jingmut jong ka, bad ka da tap da ka jingkah khmat halor ka khmat jong ka, ka la háp sha ka jingsngewsiih ka bajyllew tam.

Ki kynhún shipai ki la iaid lait ia ka bad ia uba iaiaid lem bad ka, kum ka lyer langthari jong ka thma, bad ki nar tuhkjat kulai kiba riew, ki lakam kulai kiba riew khriing khriing, ki stieh kiba iatynghuh, bad ka jingsawa jong ki san spah ki kjat kulai. Kam lah shuh ban peit halor ka shnong da ka jingkmén bad jingsarong. Ki ktien u Jeremaia ki la wan ha ka rymmiang shyntur jong ka.

“Kumno ba U Trai u la tap ia ka khún ka Seion da u lyoh ha ka jingbitar jong U! Hato dei kane ma kata ka shnong ba ki brieve ki ju khot ka jingjanai ka

(xi)

jingitynnat, ka jingkmén ka pyrthei baroh ? U Trai u la bret noh ia ngi na kaba long ka jaitbynriew, bad ia ka kyrteng Israel yn ym kynmaw shuh !”

Ki jingjawummat, kiba mih suk bad bún, ki la pynngen ia ka jingdap ka dohnud jong ka, bad kum ka khún bashisha jong ka Jerusalem, ka la iam halor ka burom ba la leit noh jong ki briew jong ka.

Sa shisien pat ki la nang shongkulai, ki da iaíd tawiar ia u lúm uba la tap da ki maw jyingtep, uwei na kita la kdew sha ka da u Rabbi Jiwi, uba hapoh ka jingsumar jong u ba ka dei leit lynti. ba u dei u jong u nongíathuhlypa Jeremaia. Da kaba ichnoh ia une u maw jyingtep, ki la iaíd lyngba ka them ka barit, ka bajyrngam bad itynnat da ki kper lynnong, ki umpohliew, bad ki lúm ba pom kyrdon kyrdon, bad ba la shlei da u paidbah khleh bad kynthai bad shynrang, kiba imat ba ki íapynsgewbha da ka jingíaidkai hangta, shabar ki kynroh shnong ; la don ruh ki iingtrepi ba la pynbeit ha kawei ka liang jong ka lynti kaba kah syrngiew, ha kaba ki nongkhaíi na ki dong baroh jong ka pyrthei ki íadie jingdie. U Rabbi u la ai daw ia kane ka jingíalang da kaba íathuh ia ka ba ki la poi ha Jerusalem ha ka sngi jingkháwai ka bakhraw. Da kaba kiar ia une u paidbah ki la iaíd ha la ka lynti jong ki na sha kamon bad ki la kiew ía íwei i thieb i balyng kot na kaba ka Jerusalem, ka paw hajan ngong ía ki ha ka jingitynnat baroh jong ka jingiphuh-iphieug bam lah ban jop jong kaba dang sah ; namar ryngkat bad baroh ki jingkylla jong ka jingsniew bok jong ka, ha ki thma, ha ki jingkerkut, bad ki jingpynkynjah, ka Jerusalem jong ki Roman ka shu dang long hi ka nongbah bakynja Syiem bad ha ki bún bynta, ka dei hok ía ka jingkhót ía ka ka “Syiem jong ki jaitbynriew.”

“Ade wow ka jingitynnat!” la pyrta ka Adina.

“U briew um lah ban pynduh ía ka ‘nongbah u Blei,” la ong u Rabbi, da ka jingsngewskhem ka basngewmeng, “Kan neh junom-la-junom.”

“Kdew ia nga, ko Rabbi Ben Israel babha, ia ki jaka kiba paw paw nám! ka iing dulan paki aïu katai kaba peit dom ha lyndet ka Templ kaba i-khlain bad i-riewialehthma kattai kattai?”

“Katai kein ‘ka nongbah u Dabid,’ ka iingpaki ki syiem! Ka iada ia ka Templ bad ia ka shnong. U Dabid u shna kut ia lade hi ha ka, bad kumta ruh ki la leh ki Makabis ki badonburom. La tei ia ka da u Melkhisedek, u syiem u banyngkong eh jong ka Jerusalem bad u lok jong u kpa jong ngi u Abraham. La ap karot mynta da ki shihajar ki shipai Roman.”

Ka khyannah Jiw ka la pynhiar mynsiem jylliew, bad nangta ki khmat jong ka ki la leit shat sha ka jingtei bajrong kaba isuk kynjai ha kaba ki kjat sngi jong ka sepngi ki phalang kum ka ksiar, ka la kylli ka dei kaei.

“Katai kaba bad u dieng tlai u bajrong harud jong ka bad uba lajan kot kat ka?” la kylli u Rabbi, uba imat i-sngewbha ha kaba pynhun ia ka jingleh sngew phylla jong kaba shah sumar babhabriew jong u.

“Hooïd, kato.”

“Ia kato la khot ka iing-mot u Dabid. Ha lyndet katai ka kynroh haneng ka khyrdop u nongap u Dabid u ieng mynba u dang ap khubor ia u Absalom; bad ka khlaw ka bam lah ban iohi nangne, jngai shaphang shatei bad mihngi, ka long‘ka khlaw Ephraim’, ha kaba ki ong ba la pyniäp ia u Absalom.”

“Bad ka iing-syiem aïu katai ha kaba ka sngi kaba lajan sep ka pynphyrnai kattai kattai, la kumba tap da ki pliang rupa?”

“Katai ka long ka iing-syiem jong u Lat Roman, u Pontius Pilat, uba synshar ha Jerusalem kum u syiem. Hynrei balei phi khyññih?” u la kylli haba u la iohi ia ka jingkylladur ka khmat jong ka; bad ynda u la bud ia

ka jingpeit ki khmat jong ka shaphang kamon, u la iohi ym da jngai nangta san kynda ki diengphna ba ki ieng brin halor i kynton lúm i barit marpyrshah ka khyrdop shnong ; bad artylli na ki diengphna ki don ki met kiba dang shu lah sahnar shen ha ki, katba ka kynhún shipai ba ap bad u paidbah ki briew u iaieng hajan ki da iakhmih bad ap ia ka jingsaid jong kiba shah-ia. Ki jingud bad ki jingtim jong uwei na kita ki la poi bha kyndiang shaduh ki shkor ka Adina.

“Katai ka dei ka Jaka Kalbari, khún,” la ong u Rabbi, da ka jingkhmih ka bam-i-lehsuidñiew. “Ka long ha kaba ki Roman ki pyniap ia ki riewdakaid jong ki. Arngut ki shah iap mynta ka sngi. Ka long ka jingpynshitom kaba i-runar, kam suk kum kaba shu lynthem maw, hynrei ki Roman ki don jingsngew tang khyndiat. To ngin nang pyniaid shaphrang.”

Shaphang kadiang ki la iaid tawiar sawdong jong ka kper kaba imat ba ka plie rynghang ia u paidbah, naba ha ki katto katne ki jaka ia ka jingker la pynkhylllem. Bún ki briew la iohi ba ki da iaiaid shaneng sharum, lane ki iaieng shaniah hapoh ka jingkah-syrngiew jong ki dieng olip.

“Katai ka long ka kper u Solomon, ba la khot mynta ka Gethsemane,” la ong uta u Rabbi ; “mynta ka long kumba longlem ki law-syiem baroh ka bakynjah.”

“Pynban kaba dang itynnat ha ka jingkynjah jong ka. Katno kiba iphuh-ipheng kine ki kynroh jong ka Templ ki ieng sha bneng, haba khmied na kane ka them ! U lúm alu une uba itynnat, uba la tap shibynta da ki dieng ha kane ka liang mihngi jong ka kper ?”

“U lúm Olip, u long ruh shi bynta na ki kper u syiem ha ki sngi jong ka burom u Israel. Ha lyndet jong ka don ka Bethany !”

“Ka hangno ka Bethlehem Judia, na kaba u nong-iathuhlypa u ong, ba un mih u Nongsynshar ki Israel?”

“Shaphang shathie ; bad ngi khmih lynti ba ha kawei ka sngi yn pyndep ia kata ka jingiathuhlypa. Ka pyn-tngen ia ngi da ka jingsngewskhem ba ia ka Jerusalem yn nym iuh roit junom da ki jaitbynriew ; hynrei ha kawei ka sngi kan ioh ia u syiem bad u nongsynshar na u symbai syiem jong u Dabid.”

“Bad don kiro kino na ka iing u Dabid kiba dangsah mynta?” la kylli ka Adina, ka da peit shlip ha ka khmat kaba da u niuhmoh jong u Rabbi.

“Hooïd kein, lane ia ka jingiathuhlypa ym lah ban pyndep. Hynrei ki long, katba lah ban tip, ki baduk bad ki bapoh kyrdan ; hynrei ngam artatien ba ha katto katne ki bynta jong ka pyrtnei hapteng ki jaitbynriew, dang sah katto katne na ka jait bakytang ki ban long ki syiem ki ban synshar, kumba u Danial bad u Joseph ki la synshar ha Persha bad Ijpt, nangta kin sa mih kum ki nongjop ban synshar halor ki Israel.”

“Kumno te ki lah ban mih na i shnong rit kum ka Bethlehem?” la kylli kata ka samla.

U Rabbi u la peit shitom jingmut khyndiat, bad u la jan ban jubab ia kane ka jingkylli ka baeh, katba ia ka surok la set kut da ka kynhún ki langbrot, ba la iakhleh bad ka kynhún jyngri, ba la niiah sha ka nongbah na ka bynta ki duwan ka jingknia. Ka la long da ka jingpyndier katto katne ba ki lah ban iaid lyngba kine ki jingpynwit bad ki la poi sha ka khyrdop Damaskos. Hangne la pyn-sangeh ia ki da u nongap Roman bad la pynlong ia ki ban pyni ia ki kot iaid lynti, bad ban siew laiphew ki sbai Roman na ka bynta kawei pa kawei ka ut, bad mar shiteng ia kata na ka bynta kawei pa kawei ka kashor ha ka kynhún ut.

Ka jingiohi ha ki surok ka la long kaba ilyngngoh lyngngain ha ka Adina kaba la leit jingleit la katta sngi lyngba ka ri shyiap ; hynrei namar ka jaka shong jong ki kur u kpa jong ka ka la long hajan ka khyrdop, shen shen ka la long ha ki ksangti ki kha ki man jong ka, kiba, la kim pat shym la iohi ia ka mynshuwa, ki la pdiang ia ka da kaba sngewieit, na ka bynta u kpa jong ka, uba la aiti ia ka sha ka jingsumar jong ki ; shi ban pat na ka bynta ka jingbhabriew kaba ki la mutdur lypa shaphang jong ka.

Ka dang shu dap khathynñiew snem, ka khún jong u nong Aleksandria u bariewsräh, ka la dei ha ka por ba ka dang phuh bha ka jinglong samla jong ka. U shñiuh jong ka u la long u babthuh saw itynnat, bad uba phyrnai kum ka ksiar ; ka khmat jong ka kaba shalatoñ bad kaba bthuh lam jyrngam ha ka rong jong ka, ba la kyllán da khyndiat eh ka rong tiew kulab kat ban iohi ; ki khmat kiba pyllew jong ka ki la long na ka jingshai kaba itynnat tam bad ka burom ka jingpeit, ka khmut jong ka kaba beit bad kaba la ot itynnat, bad ka shyntur jong ka kaba ring dur itynnat eh, bad da ka jingpeit khmat jong ka jingithiang bakynja bneng.

Ynda haba la pdiang sngewbha ia ka bad ynda ka la shem man la ka jingpynkhreh la pynlong na ka bynta ka jingbit jingbiang bad ka jingsuk jong ka, ka la pynleit katto katne sngi ban shongthait, bad nangta ha ka jingwanphai jong ka kynhún ki ut, ka la thoh ia ka shithi harum sha u kpa jong ka. Ia kane ka shithi la pynbud da bún kiwei pat, ha baroh kita ka long ka jinghmu jong ngi ban ai sha ki nongpule, namar ba la thoh ia ki ha ka por ka basngewtynnat tam na kino kino kiwei pat kiba ka histori ka ai jingthoh. Ka shithi ka banyngkong eh la buh tarik, kat kum na ka jingkhein snem ki Jiw lai snem shuwa ka jingsah-narphna ia U Nongpynim jong ngi.

KI SHITHI NA KA ADINA

I. KA SHITHI KA BANYNGKONG.

KO PA BAEIT JONG NGA,—Ka kamram ka banyngkong jong nga, kaba long ruh ka jingsngewbha kaba khraw tam jong nga, ka long ban kohnguh ia ka hukum jong phi ban thoh sha phi shen shen tang shu poi ha Jerusalem, bad ha kane ka shithi, katha ka wanrah sha phi ia ka jingtip jong ka jingpoi jong nga, kan pynskhem ha phi ia ka jingkohnguh kpa jong nga.

Ngan nym pep ban thoh ha man la ka kynhún ut kaba mih nangne man ka bnai sha Kairo, bad lada don lad kham búnsien shuh shuh, ko pa baieit jong nga, bad na ka jingsngewlem na ka bynta jong phi ha ka jingfiahklad jong phi na nga, kan pynleh ia nga ban pyndonkam ia kita ki lad.

Ka jingleit jong nga haduh hangne ka la shim bún bún sngi, u Rabbi Ben Israel u ong khathynñiew sngi, hynrei la nga la buh jingkhein haduh shiphew sngi, shen shen nga la kylla thait noh ban buh jingkhein. Haba ngi dei laid ha ka liang ba ngi lah ban iohi ia ka duriaw, kaba ngi la leh haduh lai sngi, nga la sngewbha ia ka jingitynnat kata ka jingiohi, ka imat la kum ka suinbneng kaba pyiar halor ka khyndew. Nga la donbok ruh ban iohi bún bún ki lieng, kiba u Rabbi, uba la kloibarobor ban pynhun ia ka jingsliang kwah tip jong nga, u la lathuh ia nga ba ki long ki lieng Roman, ba la pynfaiid katto katne sha Sidon bad kiwei pat sha Nail; bad nadien kawei na kine kiba hadien, namar ba ka leit sha phi, nga la pynbud ka jingdwai bad ka jingkhublei. Hamar ba ngi dang iehnoh ia ka rud duriaw ban phai noh sha ri shyiap, nga la iohi ia ka lieng kaba la pait. Ka

la ibamlarkam bad metbah katta katta, bad la ka met baheh ka baiong jong ka baroh shabar um, haduh ba ka i ha nga la kum u mrad kynsha duriaw u bakhrav, uba la shah iehnoh bad ba lajan iap bad nga la lam sngew synei ia u. U Rabbi u la ai jingsngewthuh ia nga ba ka la wan na Aleksandria ba la pynkit da u kew, ba la pynleit sha Italia, bad ba la bret sharud duriaw da ka eriong. Katno kaba ishyrkhei te ka eriong ka dei ban long halor duriaw ! Nga la nang kyrmen ba ngan nang iohi ia u lebiathan, hynrei ym shym la pynhun satia ia kata ka jingkwah. U Rabbi babha, uba imat ba u tip shaphang kine kiei kiei baroh, u la iathuh ia nga ba ki paw teng teng eh mynta ha ka Duriaw Pdeng, hynrei la iohi sha lyndet u Paia u Herculiis ha ka tduh jong ka pyrthet.

Ha Gasa ngi la sangeh ar sngi. Ngi la rung na ka lynti ka khyrdop kaba u Samson u la rong ia ka jvngkhang khyrdop bad la pyni ia nga ia uta u lum kat kum na ka jingiathuh-hiarpateng uba don ar mail shathie lam mihngi ha kaba u la iehnoh ia ki. Bún kiwei kiwei ki jaka kiba sngew sngew myntoi la pyni ha nga, khamtam ia kata ka lyngkha, kaba ngi dei iaid lyngba, ha kaba u la pynher krad ia ki kynhún Philistia da ka jingpyniap bakhrav. Ia ka krem u sing ruh la kdew ha nga, ha kaba la mih uta u sing uba la pyniap u Samson, bad uba u la thaw ia ki jingkyntip badonnám jong u.

Ia ka pukri kaba rkhiang sha kaba ki shiphew ki kpa tymmen ki la pynhiar ia u Joseph syiem, u para jong ki, ruh, la pyni ha nga da u nongialam Arab jong ngi, bad ruh ia u mawsiang ha uba ki rong Ishmael ki la iañiew ia ki sbai rupa. Hynrei u Rabbi Ben Israel u ong ba ka thliw bashisha jong u Joseph ka long shaphang shatei jong ka Jerusalem, hajan ki lum Gilboa ha Dothan. Ki jingiathuh-hiarpateng jong ki Arab ki bakla kumta bún-sien. Nga la sngewbiria ia u Arab tymmen uba la iathuh ia ka jingjia da ka jingsngewtip kaba palat ia kaba dei ban long kumba u sngewsarong ha kaba u iai ban ia ka

jingshisha ba ia u kpa hyndai jong ngi uba donburom la thied mraw shisien da ki. Nga la lap bún búnsien ha ka jingleit lynti jong ngi ba ki kynja Ishmael na Edom ha ka jingiaid kynhún ut jong ngi ki íaleh haba íoh baíoh dong ban pynkiew ía la ka jait jong ki da kaba pynhiar-dor ía ki khún Israel ; havid kein wat u Aben Hussuph, u rangbah jong ka kynhún jong ngi uba la phuh níuhlieh u tmoh, ha ka jingiasaidnia ba bún ktien bad u Rabbi Ben Israel, ha ka Pung u Isaak, ha kaba ngi la sieh dara, u da mon ban ong ba u Isaak u la long u khún ka mraw, bad ba u Ishmael de, u noníoh pateng uba da shisha, hynrei u la duh ía la ka hok hiarpateng bad u la shah beh da ki buit sianti jong ka mraw kaba da mon ba u khún jong ka hi un long u nongiohpateng. Hynrei da shisha la hikai bha than ía nga ha ka jingíathuhkhana jong ki kpa jong ngi kat haduh ba ngam pynshahshkor ía ka jingíathuh shu thaw kaba kum kata ; la ki Arab baroh ki la íarap bad u rangbah jong ki, bad ki íaleh na ka bynta ka jingshisha kaba u kren skhem da kaba shit bad rhem mynsiem kumjuh kumba u Rabbi bastad kot stad sla u íada ía ka jingshisha na ka liang jong u hi.

Ha ka step kaba sa tang shisngi ba ngin pyndep ía la ka jingleit jong ngi, ba ngi íabakla lynti bad íaid sakma bún bún kynta shaphang mihngi, ngi la leit íohi ía ka duriaw Sodom bad Gomorra, jngai jngai eh shaphang mihngi. Katno ki khiih ki thied jong nga ha kaba nga íohi ía kata ka jaka kaba ishyrkhei, ba la buh dak kumta da ka jingbítar shla ka jong u Jehoba ! Nga sngew kumba nga íohi ha ka jingmutdur ía ki bneng ba ki meh ding halor jong ka, bad ía ki thylliej ding bad ka tдем ding ba ka kiew na ka kum na ka lawar ding bakhraw, ha kata ka sngi ba i-shyrykhei ha kaba la pynjot ía ki, bad kata baroh ka madan kaba itynnat baroh sawdong jong ka, kaba la íathuh ha ngi ba ka long kawei ka kper bakhraw jong ka jingitynnat.

Katno kaba jai jai bad jar jar ka la thiah mynta kata ka duriaw ka bajaituh hapoh ka suin bneng kaba khlem

lyoh ! Ngi la lah ban iohi ia ka bún bún kynta bad shisyn-
don ngi la poi iohi khliak ia ka Jordan shaphang shatei
jong ka, ka da i la kum u ksai rupa, la ka paw kumba ka
jan, la iathuh ia nga ba ka long pura shisngi lynti ia ka ut
ban poi ha ki rud jong ka.

Ynda ngi la khyllait na kane ka pung ba isngewsih
ka jyngetep-iit jong ki shnong bad jong ki nongshong
shnong jong ki bam lah khein shuh, ka lynti jong ngi ka
la long lynter ka them ka bajylliew kumba katto katne
por, bad ha ka sngi ka babud, ynda ngi la poi ha uwei u
thieb, ka Jerusalem ka la wan paw ngong kum ka shnong
kaba wan mih napoh khyndew, ka la ieng ha khmat jong
ngi ha ka rukom kaba ngim khmih lynti katta katta ; namar
ngi shu dang long, kum ban ong ha ka ri shyiap ; pyn-
ban jan katta katta na ka liang ka jingwantur jong ngi ba
ka ri shyiap ka wan tur haduh ki kynroh jong ka, haduh
ba kam palat ar mail ka jingjngai na kaba ngi iohi ia ka.

Ngam lah, pa baieit jong nga, ban batai ha phi ia ki
jingpynkhih mvnsiem hapoh jong nga ha kaba iohi ia ka
Shnong Bakhuid ! La sngew ia ki da ki phew lak ki brieve
jong ngi—ki iajan sriem kum ki jong phi hi kumba phi la
iathuh ia ki ha nga. Baroh kiba la dep, bad la ki riew-
radbah badonbor jong ka kiba la iaiaid lem bad u Jehoba,
ki la wan ha ka jingmut jong nga, ki da tyллеp thiaw ia
nga da ka jingsngewkhia mynsiem kaba sngewphylla. Ka
histori baroh kawei shaphang ka jaka bakhuid ka la wan
buk huk ha ka jingkyrmaw jong nga, bad ka la pynbor ia
nga ban dem ka khlich bad ban mane bad ban sngewbu-
rom ha ka jingiohi ia ka Templ, ha kaba u Blei shisien
(wow, hato balei sha Um wan jngoh shuh ia ka pyrthei
bad ia ka Iing Bakhuid jong U ?) U la shong ha ka She-
keina kaba mehding, bad U la pyntip ia ki orakl jong ka
mon jong U. Nga la lah ban iohi ia ka tsem jong ka jing-
kñia ainguh lajan miet ba ka kiew sha ki sahit bneng bad
nga la dwai hapoh mynsiem sha u Jehoba ban pdiang ia
ka na ka bynta jong phi bad jong nga de.

'Katba ngi nang jan ia ka shnong bún ki jaka kiba sngew sngew myntái la kdew ha nga, bad nga la shoh bieij ngain bad ki jaka puta ki bakyntang bad kiba nga la ju tip haduh kane ka por tang da kaba pule da kaba sngewburom ia ki Nongiathuhlypa. Ka imat eh ha nga kumba nga la im ha ki sngi u Isaia bad u Jeremaia, katba ia ki jaka kiba iadei iathuh bad ki kyrteng jong ki la pyni ha nga, ban ia kaba nga don ha ka pateng kaba nga im mynta. Hoodid kein, shisha nga la im tang ha ki por ba la dep ha ki lai sngi ba nga don ha Jerusalem, nga da iai wad jingtip man ka por na ki nongthoh Histori ki bakhuid ban ianujor ia ki jaka bad ia ki jingiohi bad ki jingthoh jong ki, bad kumta nga da pynshisha ia kawei pa kawei da ka jingsngewkyiuh riewblei bad ka jingsngewbha ba shapoh kaba dei ban sngew ia ka ban sngewthuh ; hynrei, pa baieit, phi da lade hi phi la shem hi ia kane baroh, bad namarkata phi lah ban sngewthuh ia ka jingkhieh mynsiem hapoh jong nga.

Ngi la rung ia ka nongbah thik shuwa hynriew baje mynmiet, bad shen shen ngi la long ha ka iing u kur jong ngi, u Amos uba u Lchi : la pdiang ia nga kumba nga don ka hok ka khún ha ki jingkynthup jong ki, bad da ki jingaipahuh-hai da kiba ki la ker tawiar ia nga ha ki kamra kiba la pyndap tiar itynnat eh, nga tip skhem ba ki kha ki man jong nga hangne ki mut ban pynshoi ia nga ban klet ia ki jingkmien jong ka iing baieit kaba nga la iehnoh.

U Rabhi Amos bad kiba ha iing jong u baroh ki kwah ba yn phah ai khublei ia phi. Namar ba ka long ka pud jong u ban shakri ha ka Templ, ngam da kham iohi eh shibún ia u ; hynrei imat u long u briew u bahok bad u babha mynsiem, bad u ieit shikatdei eh ia la ki khún jong u. Nga la leit iohi shisien ia ka Templ. Ka phyllaw kaba shabar ka imat la kum ka jaka pynieng kynhún ut ka bakhraw lane ka jaka iew, ba li shlei da ki briew kiba iadie mrad ban knia, kiba pynkhapngiah ha ki

jaka baroh. Hajar hajar ki paro ha ki rúh ki baheh la die ha kawei ka liang, bad ha kawei pat ka liang la don ki juka set ia ki khún langbrot, ki langbrot, ki khún masi, bad ki masi-dab, ka jingajam bad ka jingpah jong ki ryngkat bad ka jingkawkaw ki ktien, ka la pynlong ia ka jaka ban i la kum kaci-re-kaci lait noh ka Templ u Jehoba. Ka i kumba la pyn-tngit ban pyndonkam ia ka Templ ha kata ka rukom, pa baieit, bad ka imat ba ka pyni kata ka jingluna jong kata ka jingsngewkyiuh bariewblei ia ka ling U Blei kaba la saindur pynpher shisien ia ki kpa tymmen jong ngi. Nga la sngewbha ban ioh leit suk lyngba ka lew, kaba, la ka ai daw ba ka die ia ki nongkñaia ia ki mrad na ka bynta ka duwan, ka shah hapoh kata ka jingpyni ba shabar, ka kynja buit khañi baroh. Ynda nga la poi ha ka phyllaw ba dei jong ki kynthei, nga la sngew shi-sha ba nga la don ha ka Templ, da ka jingiphuh iphieng kaba don baroh sawdong jong nga. Da kaba katno ka jingsngewkyiuh riwblei nga la dem ia la ka khlieh jong nga sha ka liang jong ka jaka kyntang tam ! Ngam ju la sngew jan katta mynno mynno ha u Blei mynshuwa ! Ki lyoh jong ka jingiwbihi ki per sha jrong halor ki khlieh jong u paidbah bad ki wah ba da ka snam ki tuid arsut ia ki kyrdon marbl jong ka duwan ka jingainguu thang. Wow ! haduh katno ki bapli ki miad ki baluilui ki pynmih snám man ka step bad man ka janmiet na ka bynta ki pop ki Israel ! Kaba katno ka duriaw ba da ka snám la nang iai theh ha ki yrta kiba la dep ! Kaba katno ka jingmaian kaba ishyrkhei tad baphylla, ba ka snám jong u khún langbrot u baluilui kan siew ka kuna na ka bynta ki pop ba nga la leh ! Dei ban don ka jingmut kaba kham jylliew aïu-re-aïu ha kine ki jingkñaia, pa baieit, ki bam pat shym pynpaw ha ngi.

Katha nga dang wan phai na ka Templ nga la iakyn-duh bún ki briew kiba iaid bad kiba shongkulai, kiba imat kumba ki la iamih paidbah na ka khyrdop ha ka jingbúnkam kaba ipher aïu-re-aïu. Nga la da lohsngew ba don u briew uba da phylla eh—U nongíathuhlypa u ba

shisha jong u Blei, kumba la ngeit da shibún, uba shong ha ri khlaw shaphang mihngi hajan Jordan, bad uba ialap da ka bor ka bam pat ju tip ha ka ri, naduh ki sngi jong u Elija bad u Elisha. Ka long ban iohi bad ban iohsngew ia une u nongiatuhlypa ba bún katta ki briew ki ialeit man ka sngi na Jerusalem. U shong ha ka krem, u bám da ki jyngthung lane ka ngap khlaw, bad u dih tang ka um, katba ka jaiñphong jong u pat ka long da ka snieh sing, la kumno kumno, kaba kum kata long ka jingwan iathuh. Nga kyrmen u long u nongiatuhlypa u bashisha na Bneng bad u Blei sa shisien pat u lajan kynmaw ia ki Israel, hynrei ki sngi jong ki Nongiatuhlypa ki lah iaid-lait la slem, bad nga sheptieng une u briew u long tang u riewshimam, kum u Theudas nongshukor, lane uta u Judas nong Galilaia, uba la shukor ia ki briew jong ngi bad u la iap jynjar sat : hynrei ka bor ring une u briew halor baroh kiba iohsngew ia u ka long ka baphylla katta katta, kumba ka imat, bad kumta don uba lajan nud ban ngeit ba la aibor shisha ia u da u Mynsiem jong ki Nongiatuhlypa.

Khublei, ko pa baieit, bad to ai nein iai dwai na ka bynta ka burom jong u Israel—Kaba iait ia phi,

ADINA.

II. KA SHITHI KA BAAR.

KO PA BAIFIT JONG NGA—U Rabbi badonburom, u Ben Israel, u la dang shu lah pyntip ha nga ia ka jingthmu jong u ban leit phai sha Ijipt lashai bad u la ap ktien na nga, ban tip la nga don jingong ei-ei ban ai ha u, na ka bynta ki lok jong nga ha Aleksandria. Ha ka jaka kane ka shithi, ia kaba un long u nongrah ha phi, ngan jin la kham kwah ban aiti biang ia lade kaba arsien hapoh ka jingsumar jong u, bad ha ka jaka ban buh ia kane ka kotkli ha ka kti jong phi, ai un buh ia ka khún jong phi pat ha ka shadem jong phi. Hynrei ka long da

ka jingkwah jong phi pa baieit, ba nga don hangne, bad la nga ud jyllicw ban iohi ia phi sa shisien pat, ngan pyrschang ban pynsngewhun ha ka jingbamdon jong nga na phi, haba nga da tip ba ka jingbamsngewhun jong nga kan pynlong ka jingklusai ka ban pyndem ia u niuh-khlieh jong phi.

Kat kiba ka khún ka lah ban sngewsuk ha ka iing ka jinglongsamla jong ka, nga don kiei kiei baroh ki ban pynlong ia nga kumta. U Amos, u Rabbi babha, ha ka jingsbun jong u, u pynkynmaw ia ka khmat badonburom bad bajaikai jong phi, bad ka Rebekka, ka tnga badonburom jong u ka meinah jong nga, ka long shisha ka kmie ha Israel. Ka khún jong ka ka Mary, ka parakha barit jong nga, ha ka jingsngewieit jong ka ia nga, ka pyni ia nga kaba katno ka jingieit nga duh, ha kaba ngamju don para kynthei. Ka long baroh lang ka iing ka basngewtynnatt, bad ia nga la leh ieit da u Blei jong ki kpa jong ngi ha kaba nga donbok, hamar ka jingdon jngai jngai jong nga na la ka iing kaba harud jong ka wah Nail baitynnatt, ba yn pashat ha ka iingshong ka bakhuid bad ka basngewsuk katta katta.

Ka surok ha kaba ngi shong ka long kaba kham kiew, bad na ka tnúm jong ka iing ha kaba ngi ieit ban iaidkai ha ka janmiet, nga da ap ia ki khlur kiba sdien halor ka Ijpt, hangta nga iohi ia ka jingiohi ka basawang jong ka Shnong Bakhuid. Ka Templ kaba iphieng, bad la ki kyrdon ba la kynton ki kyrdon halor ki kyrdon kiba da u maw marbl ha phalang, bad la ki umpohliew ki baphyrnai jong ka ki da kynshait shajrong la kum ki diengtiai ba da ka um rupa, bad la ki kynroh bad la ki iing-mot ki baradbah pynban ki ba-itynnatt, ka don barobor ha ka ba lah ban iohi bha ka shanduwa kaba la suitrong ksiar, kaba tda ia ka jyngkhang kaba lam sha ka Jaka-Kyntag-Tam, katba ka kem ia ki kjat sngi jong ka mynstep, ka meh la kum ka pansngiat bneng da ka burom ka bam i kum ha pyrthei. Ngam nud ban peit shain eh halor kata ka jaka kyntag, lymne mutdur ia ka

jingiphuh iphieng kaba kah hapoh, ia ka jingdon ha ka rukom kaba lah ban iohi jong u Jehoba, ha ka Shekeina kaba shisien ka la don hangta.

Hynnin mynstep nga la don dang step phyrngab ha tnúm iing, ban khmih ia u lyoh u banyngkong eh jong ka jingñia jong ka por sdang shat jingshai ba u mih na ka shadem jong ka Templ. Haba nga la phai sawdong sha ka kliar ka bakytang, la pynkyiuh riewblei ia nga da ka jingjarjar ka bajylliew kaba la don halor ka kinton ka bakhrav kaba la pynphong pansnoiat ia u lúm Moria. Ka sngi kam pat mih, hynrei ka Mihngi ka saw kyrang da ka rong saw tiewkulab, bad u lur step u la shu jah lngaid sha ka jingjylliew jong ka. Ym don wat iwei i jingsawa i ban pynwit ia ka jingkvnjah jong ki shi-spah tvlli ki surok hapoh ki kvnroh jong ka Jerusalem. Ka miet bad ka jingjarjar ki shu dang bat-kti lang ia ka hima bah halor ka nongbah bad ka duwan u Blei. Nga la sngap jar da kaba sngew-kyiuh riewblei. Nga la ieng bad la ki kti jong nga ba la phna ha ka shadem jong nga bad ka khlieh jong nga ka la dem ngon da kaba sngewburom, namar ha ka jingbamdon u briewbad ka jingsawa jong u nga ngeit ki angel ki don baroh sawdong ha ki kynhún bneng, ki kynhún sl ipai ba ap jong kane ka shnong baphylla u Dabid. Ki jingsiat jong ka jingshai te ki siat shatei bad lyngba ka duriaw bajngum shaphang Mihngi, bad ki shñiuh langbrot jong ki lyoh, kiba shong shaniah ha ka la kum ki snep dieng, ki da kem ia ki kjat sngi ki basaw jong ka sngi ka bam pat mih, ki thaba la kum ki lieng kiba pluh. Man la ka khyllipmat ka jingdum ka nang phet, bad ka jingitynnat jong ka step phyrngab ka nang wan bad haba nga dang khmih lynti ban iohi ia ka sngi ba ka mihpaw halor ki kliar lúm kiba la ker kynroh jong u lúm Moria, la pynkyndit thret ia nga da ka jingriew kysan jong ki turoi ki lyngdoh ; ki shihajar tylli ki turoi rupa ba la put kvnsan na ki kynroh jong ka Templ, bad ki da pynkhynñiuh ia ki nongrim ki jong ka shnong da ka jingsawa badonbor jong ki. Shisyndon ia ki tnúm iing kylleng sawdong, la pynkhih im

shaid da ki nongmane ! Ka Jerusalem ka la kyndit, kum uwei u briew, na ka jingiohthiah jong ka, bad, la ki khmat jong ki sha pyrshah ka Templ, shispah hajar ngut ki briew jong u Israel ki iaeng ap. Ka jingriew turoi ka baar, kaba shai bad kaba kynud sngewtynn timer la kum ka jingsawa u Blei haba U kren sha u kpa jong ngi u Moses, ha Horeb, ka la pynlong man la ka khohsiew ban dem khrup, bad man la u thylliej ban iasoh lang ha ka jingrwai step ka jingiaroh. Ka jingkynud jong ki jingsawa ka la long la kum ka jingtyllun ba barobor jong ka jingaphyllung halor ka rud durinw, bad ki kynroh jong ka Templ bajrong, la kum ka riat, ka pynsawa pat ia ka jingsawa. Bam pat ju mlien ia ka jingiohi, kaba kum kane ka jingidonburom ka jingmane ha Aleksandria, nga la khmih kai ha ka jaka ban ialeh lem, kumba ka dei ia ka khun jong phi ia ka ban leh, pa baicit. Kumta marbud marbud bad ka jingkiew ba kum ka jingkhiedew jong ka jingmane rwai nga la iohi ia u rishot uba da ka tdem iong ba u kiew na pdeng jong ka Templ bad u pyiar ia la de hi halor ka iingkut la kum ka jingsop. Ia ka la pynbud da kum i jingdeng kpieng i baiong jngum ba paw kham sting hynrei kham dum rong iba bud pynpur shapoh bad shabar, bad iasur iathain paraki hi, la kum u ksai rupa ba pur kyilain ha u tyllai iong. Kane kaba hadien ka la long ka tdem jingiwbihi kaba pynbud ia ka jingknia ainguhthang. Katba nga iohi ia ka ba ka nang kiew nang kiew ; bad khatduh khatwai ba ka tap khlop ia u lyoh u barben uba la nang heh bad rben katba u nang kiew sha khlieh na ka met-jingknia kaba ing duh, bad ba u nang jah Ingaid noh suki suki shapoh suin bneng, nga ruh nga la dem khohsiew, nga da kynmaw ba ha ki thapniang jong ka jingiwbihi thang ki leit kiew ki jingdwai jong ki briew ; bad shuwa ba kan jah noh baroh, nga la aiti ha ka, ko pa baicit ia ki jingdwai na ka bynta jong phi bad jong nga !

Katno ka baphylla kane ka niam jong ngi ! Katno ka bamaian kane ka jingknia ba man ka sngi, da ki bun spah snem la ia ai jingknia na ka bynta ki pop ki kpa

jong ngi bad jong ngi hi ! Katno, búnsien nga la ju íai kylli ía lade hi naduh ba nga la don hangne, kumno ka lah ka snam ka jong ka masi-lud, jong u khún langbrot, ne u blang ban weng noh ía ka pop ? Kasi ka jingíadei bamáian kaha don hapdeng jong ngi bad kine ki mrad baluilui bad bam nang kren ? Kumno u lah u khún langbrot ban íeng na ka bynta u briew ha khmat u Blei ? Katba nga nang pynshad nia ía kane ka subjek kaba ishyrkhei, katta nga nang sngewlyngngoh. Nga la kren sha u Rabbi Amos shaphang kine kiei kiei hynrei u shu wiat samrkhie bad u phah ía nga ban pyrkhat shaphang la ka suh ka thain jong nga ; namar i para kha Mary bad ma nga ngi dang íatrei ía ka rymmiang kaba da ka ksiar nylla ha ka philakteri, ka jain phong lyngdoh jong u, na ka bynta kawei pat ka snem.

Ka jingkña lajan miet kaba nga íohi hynnin, ka long imat eh kaba kham shongkhia ban ía kaba mynstep. Ka tang shu ngam ka sngi ha lynet u lúm Gibia, uba kah kyn-dúb ía ka them Aijalon, hangta la íohsngew ka jingkynud baslem jong ka turoi ba la put na uwei na ki íing nongap bajrong uba shaphang sepngi jong ka Seion. Ki jing-kynud bajem jai ki poi shaduh ki shkor ki bajngai tum hapoh ki khyrdop shnong. Ka jingtnei baroh shisyndon ka sangeh ! Man la briew u pynháp la u tiar jingtnei, bad u khmied ía la ka khmat sha ka íing u Blei. Ka jingsangeh ka bajylliew, la kumba baroh ki íakan mynsiem da ka jingkhmih lynti, ka wan bud nangta. Shisyndon ki sahit bneng imat kumba ki bthei, bad ba la pynkhynñih da u pyrthat jong ka kynhún nongput turoi kaba pynsawa, ki tyllun ki jingatphyllung jong ka jingsawa, na ki ket jong ka Templ. U lyoh u baiong jong ka jingkña u khh ía kiew ha ka íingitynnat kaba íjaijai, bad teng teng kham khia ban ía ka lyer janmiet u háp la kum ka pyrda kaba hiar sawdong u lúm íaduh ba ía baroh uwei la kah na ka jingíohi ; hynrei haneng jong u la íohi ba ka kiew ka jingiwbihtang kaba kham ikhuid sha u Jehoba ía Uba ngim lah ban íohi, ba la peit pynbud da ki bún ki khmat, bad da ka jingpynmih jong ki jingdwai ka jaitbynriew.

Katba ka jingshai ka sngi ka nang jah noh, ka jingshai jong ka duwan, ba la buhrieh na ngi da ki kynroh bajrong jong ka phyllaw kaba kham shabar jong ka Templ, ka thaba shajrong bad la kum ka ding hajrong lúm, bad ka pynmih ka jingiphieng itynnat kaba kumno-re ha ki iingmot bad ki jingtei bajrong kiha pynphong pansngiat ia u lúm Moria.

La don, la kumno kumno, ko pa baieit, jong nga, hynne mynmiet, kawei kaei kaei kaba la pynpang pynkthang mynsiem ia ka jinglong bakhuid jong ka kynta bak-kyntang! Hadien ba ka jingput jong ki turoi rupa jong ki Lebi ka la sangeh, bad katba ki dohnud bad ki khmat baroh ki nang kiew sha u Jehoba ryngkat bad ki jingpyn-deng kpieng bakiew jong ka jingiwbihtang hangta la wan na ka iing paki Roman kaba marsyndah ka Nongbah u Dabid ka jingriew patied riethma bad ba rieth jam jong ki bikur tama, bad kiwei kiwei ki jingput jingtem thma nongkyndong, katba ka tдем, kum ka tдем jingkñia, ka kiew na kliar jong u lúm uba la ker kut jong u Dabid. La iathuh ia nga ba dei ki Roman kiba dang iamane ia u Jupiter, u bleithaw jong ki! A, lano sha ba ka Shnong Bakhuid kan laithuid na ka jinglehbein jong u nongwei! Wow ia u Israel! Ia ka jingiohpateng jong ka "la pynphai sha ki nongwei bad ia ki iing jong ka sha ki sohshnong." Kaba dei kaba la ong u Jeremaia, u Nongiathuhlypa, "Ki Syiem jong ka khyndew bad baroh ki nongshongshnong jong ka pyrthei kin nym da la ngeit ba u nongshún bad u nongialeh pyrshah un ioh rung sha ki khyrdop ka Jerusalem." Katno kaba shisha mynta ba ia ki jingiathuhlypa la pyndep, ia kiba lah ban shem ha ka Jingrwai Sngewsynei. "U Trai u la kyntait noh ia la ka duwan, u la ai noh ha ka kti u nongshún ia ki kynroh jong ki iingsyiem jong ka: Ki *la pynjam la ka jingsawa* ha ka iing U Trai kum ha ka sngi ka jingiaseng bakkyntang." Na ka bvnta kine kiei kiei nga iam, ko pa baieit jong nga; wat mynta hi, katba nga dang thoh, ki ummat jong nga ki jaw ha ka kot kli. Balei sha kumne? Balei sha u Jehoba u shah ia u nongialeh pyrshah ban shong hapoh

ki kynroh bakhuid jong U, bad ba ka tдем jong ki jingkñia ba-ijli jong u kan iakhleh bad kata kaba bad ki jingainguh jong ki lyngdoh ba la pynkyntang jong Uba Ha Khlieh Tam Eh ? Da shisha u Israel u la leh pop, bad la pynshitom ia ngi na ka bynta ki jingryngkang jong ngi. Ka dei ia ka ri "ban iit bad ban tynjuh ia la ki lynti jong 'ka bad ban phai sha u Blei," ioh lehse Un phai bad sngewsynei bad pynphai pat ia ka burom u Israel. Ki Syiem jong ngi ki long ki shakri jong ki Jentil. Ki hukum jong ngi kim dei shuh. Ki nongiathuhlypa jong ngi kim iohi jingithupaw shuh : u Blei u la leit kiew noh ha ka jingbitar, bad Um iakren syllok shuh bad la kiba la jied jong U. Ka tдем hi jong ka jingkñia ba man ka sngi imat kumba ka sdien haneng ka Templ la kum u lyoh ka jingbitar u Jehoba.

Lajan laispah snem ki la iaaid lait naduh ba ngi ioh ia u nongiathuhlypa—uta u Malakhi bariewblei bad ba dang samla ! Naduh ki sngi jong u, u Rabbi Amos u phla ba u Jehoba u la sangeh na ka kynja jingiasyllok baroh katba ngi tip bad la ki briew bad ka iing bakhuid jong U ; lymne ba U la pynlong ka dak ei ei ha kaba sngap ia ki jingdwai lane shahshkor ia ki jingkñia kiba la ainguh ha U ha ka por jong U ! Nga la kylli na u Rabbi banep jingmut la kan iailong sah kumta ? U la jubab, ba haba u Shailo Un wan, hangta kan sa don ka jingpynthymmai ia kiia kiei kiei baroh ba ka burom ka Jerusalem te kan sa pyndap ia ka pyrthei baroh kawei da ka burom jong ka sngi, bad ba ki jaitbynriew baroh kin wan kiew na ki bakut jong ka pyrthei ban mane ha ka Templ. U kubur "ba ngi don mynta hapoh u lyoh na ka bynta ka pop jong ngi ; bad ba ka sngi kaba kham phyrnai ka nang wan ha kaba ka Seion kan kylla long ka jingkmen jong ka pyrthei baroh." Nangta u la ban ktien, ba la don ka jingiathuh ba la laiphewwei snem mynshuwa u angel u la paw ha u lyngdoh haba u dang ainguh jing-iwbih, ia uba la pynlong bam nangkren da ka jingithupaw.

Ka jingiakren jong nga bad u Rabbi Amos, pa baieit, ka jingiakren kaba mih na ka subjek jong ka kut ap-karot ki Roman kiba kam kynti ia ka kut u Dabid, bad ka jing-inguh ia ka jingkña riewpyrthei jong ki mar khap mar khap ia ki duwan ba mih tдем jong ngi hi, ka la ialam ia nga ban khmih bniah ia ka Kitab jong u Nong-iathuhlypa Malakhi. Nga shem ba ynda u la kdew shai sha ka jinglehruii kaba mynta jong ngi, bad mai ia ki lyngdoh "Na ka bynta ba ki pynlong ia u paidbah ban jynthut," ba kumta ki da pynlong ia lade hi "kiba ibein bad kiba poh ha khmat ki jaitbwnrew baroh," u iathuhlypa kumne; "Ha khmih, NGAN phah ia la u nonglam-ktien, bad un pynkhreh ia ka lynti ha shuwa jong nga, bad u Trai ia Uba phi iawad Un wan kyndit sha la ka Templ jong U, bad Un shong kum u NONGPYN-PHRANG bad u NONGPYNKHUID rupa bad Un PYNKHUID ia ki khün u Lebi, bad Un PYNPHRANG ia ki kum ia ka ksiar bad rupa, ba kin ainguh ha u Trai ia ki jing-inguh ha ka hok "Ha khmih," ban biang u nongiohi uba na u Blei, "Ngan phah ha phi ia u Iija u nong-iathuhlypa ha shuwa ban sa poi kata ka sngi ka bakhraw bad ba itieng jong u Trai."

Ia kine ki ktien nga la pule mynta ka sngi ha u Rabbi Amos—hooid kein nga la dang shu pule ia ki haba u Rabbi Ben Israel u la wan rung ban ong ba un khlad noh lashai. U Amos badonburom u la peit jylliew kham jylliew, ban ia kaba nga la ju iohi mynno mynno. Nga sheptieng ba nga la pynmong ia u da ka jing-hlur jong nga, bad, da kaba leit hajan jong u, nga lajan sa ban piam ia u, haba nga iohi ia ki uminat ba ki khiih khrik khrik ha ki khmat jong u. Kane ka jingshem ka la ktah jur ia nga, phi lah ban ngeit skhem, pa baieit, bad, nga la nang kham jur ka jingshitom ba nga la leit pyndiaw ha ka jaka ba ngan shu pynsgewsih ia u nga lajan ban panmáp na u na ka bynta ba nga leit kynshur ia kine ki subjek bakhuid ha kaba pyniohi ia u, katba u la shim pynban ia ka kti jong nga, bad da kaba wiatsamrkhie, katba i shi-synjaw i baphyrnai i la shad arsut u ñiuhmoh u balich-

For jong u bad u peit sha ki mawkordor um halor ka kti jong nga, u da ong, "Phim shym leh ka bam dei, khún, shongkhop hajan jong nga bad to sngewsuk ha lade hi. Ka long ka bashisha than, ha kine ki sngi, ia kaci ba u Nongiatuhlypa Malakhi u thoh, ko Ben Israel," u la ong da kaba sngewsih, ha u Rabbi uba na Aleksandria, "ki lyngdoh jong ka Templ ki la kylla sniew plak shisha, lait sa tang katto kane ngut hangne hangtai ! Ka lah ban dei ha kine ki sngi ba u nongiatuhlypa u thew ia la ka ktien. Lait sa tang na ka jingleirukom kaba shabar, nga sheptieng ka kynhún habún na ki Lebí jong ngi ki don kham bún khyndat ka niam bashisha bad ka jingtip bahang ia uwei u Blei Jehoba. ban ia ki lyngdoh jong ka jingmane bleithaw Roman ! Wow, nga da sheptieng, u Blèi u ñiew ia ka jingkhúia jong ngi da ka jingpdang sngewbha ka bam shym da palat ban ia kaba U khmih halor ki jong ki ! Mynta ka sngi katba nga dang don ha ka Templ, bad nga dang shakri ha ka duwan bad ki lyngdoh kine ki ktien jong u Isaia ki la wan ha ka jingmut jong nga bad ym lah ban weng shuh na nga 'Ia ka ban lei kine kiba bún ki jingkhúia jong phi ia nga ?' ong u Trai ; 'nga la ngiah ia ki jingainguhthang ki langbrot shynrang, bad ka khlein ki jingri basngaid ; bad ngam sngewbha ha ka snám ki masi-dab, lane ki khún langbrot lane ki langsohmoh. Wat wallam shuh ki jingai bathala ; ka jingiwbihtang ka long ka jingijli ha nga ; nga la thait ban shah ia ki ; hooid kein haba phi kner ia la ki kti, ngan buhrieh ia la ki khmai na phi ; shisha kein, haba phi pynlong shibún ki jingdwai ngan nym sngap ; ki kti jong phi ki dap da ka snám ! To sait phi ; pynkhuid ia lade. Iehnoh ia kaba leh sniew ; hikai ia ka ban leh bha !"

"Kine ki ktien basngewshyrkhei jong u nongiatuhlypa," la nang ban ktien u Rabbi Amos, u da kren ha u Ben Israel uba leh lyngngoh, "kim man jah na ka jingmut jong nga katba nga dang don ha ka Templ. Ki imat kumba la tied pyrthat ha ki shkor jong nga da ka jingsawa na bneng. Bún na ki lyngdoh ba dang kham samla, kiba namar ka jingleh khlem pyrkhath jong ki hamar ka

jingkñia ki la shah mai da nga, haba ki iohi ia nga ba nga imat sngewsih, ki la kylli ia ka daw. Ha ka jubah, nga la iai ban da ka jingsawa kaba imat ha nga kumba la da pyrsad mynsiem, ia ki ktien jong u nongiathuhlypa. Ki la kylla matlieh bad khynñiuh bad nga la iehnoh ia ki.”

“Nga la poi iohi,” la ong u Ben Israel, “ba don ka jingsngewburom kaba kham duna mynta ha ka Templ ban ia kaba nga dang don ha Jerusalem haba nga dang samla ; hynrei nga shem ba ka jingpyniphuh iphieng ia ki jinglehniam leh rukom pat ka nang kham roi.”

“Hooïd,” la phai ktien u Ben Amos, da ka jing-khmih kaba isngewsih, “hooïd, katba ka mynsiem ka jingim hok ka nangduh na shapoh, ki suitrong ksiar ia kaba shabar. Ia ka jingpyni riewspah kaba nang roi jong ka jingmane la bud rukom na ki riewpyrthei Roman. ¹Haduh katta ngi la hiar! Ka jingmane jong ngi, bad la ki jingpyniphuh iphieng jong ka, ka long kum ka jingtep kaba la pushara pynlieh ban buhrieh ia ka jingpyut shapoh!”

Phi lah ban ngeit, pa baieit jong nga, ba kane ka jingphla na kiba kum ma ki, ka la pynsngewrit ria ia nga. Te, lada, ngim shym mane ia u Blei, ia-ei te ngi iamane? Lada u Jehoba ki Paid, u Blei ki kpa jong ngi, jong u Abraham, u Isaak bad u Jakob, U buhrieh ia la ka khmat na ki jingkñia jong ngi, iano te u Israel u mane? ia ka SUDA! Ngila kham sniew ban ia ki nongjop riewkhlaw jong ngi, namar *ngim don* Blei; haba ki pynban ki don ki blei shibún bad ki trai shibún kumba ki long! Wow! wow, ka por jong ka jingbishar ia ka Jerusalem ka imat ba ka la hajan ngong. U Trai u DEI ban wan kyndit ha ka Templ jong U, bad kum u nong-pynphrang bad u nongpynkhuid! Nga sngew shon jur da ka jingsngewkynduh mynsiem ba ka sngi ka la hajan eh ngong! Lehse ngin iohi ia ka ha ki sngi jong ngi hi, pa baieit!

Naduh ba nga thoh ia u lain khatduh la pynwit ia nga da ka Mary, kaba la wallam ban iohi ia nga ia uwei u samla, u pyrsa jong u nongsynshar Ji u badonburom, u Ptolomeus Eliasaph ia uba la pyniap da ki Roman na ka bynta ka jingaiti baieit ri jong u ia la ka ri, U shong hajan ka khyrdop Gasa, bad la ka kmie kaba la shah ichnoh riewkynthei kaba long ka kynthei riewdonburom, ba la kren burom da ki rymmiang shyntur jong baroh kat kiba kren shaphang jong ka. Hapdeng une u samla, uba ka kyrteng ka long u Ioannis bad ka Mary don ka jingiadei lok ka ba-itynnat, kam da jur eh kat ban iaieit hynrei ka basngur bha ia ka jingialang lok ka bakhuid eh, pynban man ka sngi ka jingialanglok jong ki ka nang ih, sha ka jingsngewmysiem ka bajylliew eh. U la dang shu wan phai na ki rud ka Jerikho, ha kaba u la don katto katne sngi mynshuwa, ba la ring ia u shata da ka jingkwah iohi jingphylla, ban leit iohi bad iohsngew ia u nong-iathuhlypa thymmai, ia uba la kdew da nga ha kaba kut jong ka shithi khatduh jong nga, uba ka nam jong u ka la saphriang kylleng, bad uba dang ring hajar hajar sha ri khlaw, ban leit sngap ia ka bor kren kaba tuid na ka shyntur jong u. Uta u samla u la lah ai ha ka Mary ka jingathuh ka basngewtynnat bad basngewmyntoi katta katta shaphang jong u ba ka kwah ia nga ruh ban ia-sngap lem! Ha kawei pat ngan sa thoh ha phi baroh ia kaba nga iohsngew; bad nga shaniah, pa baieit, phin iashah lem bad nga ha kiei kiei baroh, bad nga ngeit ba, la nga nud katno katno, na ka jinglong kwahwad jong ka jingmut jong nga, ban tur ha ki jingmaian bakhuid, ngan nym kham duna haba da lei-lei ka jingieit ia u Blei jong u kpa jong ngi u Abraham, lymne ka *Adina* kaba kham duna ha ka jingieit bad jingbret lut ha me!

Khublei.

KA ADINA.

III. KA SHITHI KA BALAI.

PA BAIEIT JONG NGA,—Ha kane ka step, katba nga dang wan na ka Templ, sha kaba nga la leit ban mane bad ban leit iohi ka jinglehniam leh rukom kaba ishongkhia ha ka jingleit ai ia ki sohnyngkong, nga la leit poi iohi ia ki kynton bakhraw jong ki jingtei ki baheh baheh ba spong pansngiat ia u mawsiang uba iapyrshah ia uba la iathuh ha nga ba u dei u lingmot u Antonia. U imat kumba u peit dom tynggeh halor ka Templ; bad halor ki jingtei kut jong ka ki phyrnai mar mar kylliang, bún bún ki pukni Roman! Nga la ju iohsngew búnsien ia phi ba phi iathuh ia ki jingjia histori kiba iasnoh bad kane ka jingtei ka badonnám, ba nga la nîew ia ka da ka jingsngewtynnat kaba shirukom. La phi, la ju iathuh búnsien ia ka ha nga, nga sngew kumba phi ieng ha syndah jong nga katba nga nang peit shain halor jong ka. Ki saw tylli ki iingmot, uwei ha man ka dong, ki dang shu long hi kumba ki ieng haba phi ialeh na uwei uba na shaphang shatei eh, bad ba phi iada marwei pyrrshah ia ki Roman. Hynrei mynta kine ki riewkhlaw ki pynshlei ia ki iingkut jong ka. bad da ki bikur jong ki, kiba sawa na ki kynroh kiba ki la jop ha man la ka ri ha ka pyrrthei, ba lah ban iohsngew wat ha ki shkor ki nongshongshnong ka Jerusalem. Ka jinggeh rang bad ka bor jong ka karot Roman ka la pynlong ia ka ka jingiaid kai ka ba-itynnat sawdong ka trai jong ka lingmot lajan bam long iaid briew shuh; hynrei ia kane ngam poi lap pyrrkhat, bad ba leit bud tang da i mraw Ithiop i jong nga, i Onia, nga la iaid pynbyrngia ban khmih lyngngoh ia ka jingitynnat jong ka iing ba la ker kaba la ker tawiar shisien sawdong ia ka iing jingkyngshew jong ka Templ, bad la ki kyrdon ba la kyrshan da ki rishot kiba da ki maw marbl balieh, khatsan pruh ka kynjang, haba ar ngut na ki shipai Roman kiba wan mih na kawei na ki khyrdop shnong, ki la nangjan ha ka lynti jong ki pat sha ka iing paki. Tad ynda hangta nga tip ba nga don marwei, ka kynhún kaba la iehnoh ia ka Templ bad

nga ka la leit jngai sha khmat. Nga la ring khlop la ka jingkah khmat jong nga, bad ngan jin da la iaid lait na ki da kaba jam stet, katba uwei na ki u la khang lynti ia nga bad u da kem niat ia ka jingkah khmat jong nga u da pyrshang ban pynsangeh ia nga. Nga iehnoh ia ka bak ha ki kti jong u bad ngi mareh, haba uwei pat u la kem ia nga. Kane ka la long hamar pyrshah phak jong ka iingpaki, bad ha ki jinglynuiar jong nga ki riewkhlaw ha kata ka iing paki ki la iarkhie jam shaid. Ila kane ka kut lad la wan mih u rangbah shispah uba dang samla, uba la shong halor u kulai, u da hiar arsut ia ka lynti bariat kaba kiew sha u Mawsiang Seion, bad da kaba pyrtia ha ki, u la pynmarch stet shaphrang, bad da ka waitlam jong u, u la pynher krad ia kita ki briew kiba la buaid kind, bad u la pyllait ia nga ha kajuh ka por u da phah ia kita ki arngut ki shipai kiba la shah kem sha kata ka iing paki. Nangta te u la kren ia nga ha ka sur-kren ka bajemnud eh, bad u la pan map na ka bynta ka jingleh khlem akor ba nga la iakynduh ha ki kti ki briew jong u, u da ono ba ka dei ban leh tyngch ia ki. Nga la long kumba shoh-bieij da ka jingbha briew ka maiñ rangbah jong u, ka jingdon akor jong u, bad ka jingsngew bor synshar jong u, la um lah ban palat ia ka arphewphra. Klnang ban svuran ia nga da kaba suk sha ki surok hapoh, u la hiar kdom na u kulai bad da kaba ring ia u da u lakam u la iaid syndah syndah jong nga. Nga phla hi phi, pa baieit ngam shym poi ha iing kiba ha ung jong nga, khlem da, kham antad shikatdei eh la ki jingsngew pyrshah lypa jong nga ia ki Roman. Nga la shem pleng ha uwei na ki u briew uba tip akor kum uno uno uba nga ju iakynduh hapdeng ki para ri jong ngi hi, bad na ka bynta jong u nga lam thiah ka mon ban pyrkhath kham bha shaphangka ri riewkhlaw bad ki briew jong u. U la pei lyngba ki jingmut ngiew jong nga, bad kumno nga kynrut na u katba u rang iaid bad nga; bad katba ngi iahiar ia u jur u la kren said-da shitrhem ia la ka ri jong u, ia ki thei bhabriew jong ka, ia ki 'riewstad jong ka, ia ki 'rangkynsai bashlur jong ka, ia ka bor bad ka burom

jong ka, bad ia ka jingsynshar jong ka halor ka pyrthei baroh kawei!

Haba nga iohsngew ia u ba u pyndonkam ia kine ki ktien khatduh, nga la pynnoh mynsiem jylliew, namar ba ka Juda, la iathuhlypa. ka dei ban ioh synshar halor ka pyrthei baroh kawei, bad kine ki Roman namarkata, ki bat ia ka jingsynshar kaba dei hok ka jong ki briew jong ngi. Kumno kane pa baieit? Hato kumno ba ia kine ki riewkhlaw la shah da u Jehoba ban bat ia ka jingsynshar kaba dei hok ka bynta jong u Sing na ka jait Juda? Katno sien ha ka shisngi, naduh ba nga la don ha Jerusalem, la pynkynmaw ia nga ia ki jingpynhiar dor ia ki briew jong nga? Hato kumno ba kine ki nongshun jong u Jehoba, kine ki nongane ia ki blei kiba shukor, ki teng ha ka jaka ka Bakhuid, bad ki knieh ia ka bor kaba u Blei u la ai ha ngi?

Nga buh ia kine ki jingkylli ha u Amos, u lyngdoh babha, ynda nga la wanphai sha la iing; namar ka jing-iathuh jong ka jingshem jong nga ka ialam sha ka jing-iakren shaphang ka jingsynshar ki Roman halor ka pyrthei. Ka paw ba une u rangbah shispah badonburom um dei uba ym shym ithuh da u Rabbi Amos, uba la kren shaphang jong u kum uwei na ki rangbah Roman kiba paw khmat eh ha ka jingsynshar jong ka shnong. Nga sngewbha ban iohsngew ia kane. Ula maham ruh ia nga ban nym tur shlur shuh shajan kitduh ka karot jong ka shnong, namar ba ki shipai ki sngewbha ha kaba pynsalia kai ia ki trai shnong.

Katba nga dang thoh ia katei haneng, ka jingkhieh shabar kum kaei re-kaei ka ham ju jia ka jia, kaba la ring ia nga sha ka jingker phrah, kaba lah ban iohi ia ka surok kaba leit sha ka khyrdop sha Bethany, kawei na ki lynti laid kiba bun briew tam ha ka shnong. Ka jinglohi kaba ki khmat jong nga ki la iohi ka long shisha kaba i-shongkhia, hynrei ka la pynlong ia ka dohnud jong nga ban sngewdiaw da ka jinglehraiñ. Ka dei ka kali pyniphuh iphieng bad la ki lama, ki pukni ki turoi

bad la ki kali ba la ai rong ksiar ! Hynrei ym ka kali iphuh iphieng ka jong u syiem Israel, kum kito kiba pynthaba ia ki surok ka Jerusalem ha ki sngi u Solomon bad u syiem Dabid ! ym ka jingiaid risa jop jong u syiem Israel, hynrei jong u Lat Roman ! Ba la pynlaid na khmat da ka kynhún kulai, u la shong ha ka kali thma kaba la suit rong ksiar, u da shong pynkhihmet lyngngai hapoh ka jingkah jaiñ rusom kaba da ka jaiñ rusom ka bajngum, ba la suh pynpúr na rymmiang da ka ksiar. Ki kulai ki la long ki balieh-ior bad la pynkup da ka jingphongda rupa, bad ba la pyndeng da ki jingsieh sner. Ia u la bud da kawei pat ka kynhún nongshongkulai, kaba la don khamtam eh da ki samla kiba la riam jaiñkordor bha, bad ha khlieh jong ki, uba la i kum u nongsynshar bad khún syiem palat ban ia u Pilat hi uba i-jaituh, nga la iohi ia u rangbah shispah babha jinglong uba la tarap ia nga ha ka jingpyllait na ka kti ki ar ngut ki shipai. Ka khmat jong u ka wad ia ka jingker phrah ha kaba nga ieng bad nga la kynran rut shadien, hynrei u lah lap da iohi ia nga bad peit khublei ia nga. Da shisha, pa, une u samla u long uba donburem bad uba tip akor bha ban long u Jiwi. bad lada jia da kano kano ka jingpyniaid najrong ban pyniashem biang ia ngi, ngan pyrshang ban pynkyila niam ia u na ka jingmane bleithaw jong u ban shakri ia u Jehoba ha im. Ngam sngewbha bad ka dur khmat u Lat. U long u briew u baiong bhabriew, hynrei u basngaid than bad ka khmat jong uba la jih kiad bún bad nga iohsngew ba u long na la ka jinglong tynrai u bajaituh bad uba leh pahuh bad uba duna ka jingiong briew ha kaba rai kam. U long u lok u bakyrpang jong u patsha Roman, bad dei na ka jingshah shiliang jong u ba u ioh ia ka jinglong lat hangne. Ka long, la kumno kumno, kaba kham bha ban ioh u riewbámsuk bad u riewalhia ban long u kynrad jong ngi, ban ia u riewban-bein u basmat basting bad u barunar kum uba ha shuwa jong u, ba ha ka jingiakhieh ialeh pyrshah ia u la háp pyn-iap ia uta u riew-mih-khmat, u kpa u Ioannis, u bakha ka Mary, ia uba nga la kren sha phi ha ka shithi khatduh jong nga.

Bad kane ka pynkynmaw ia nga ba nga la don ei ei ban iathuh ia phi. Phin kynmaw, pa baieit ba nga la kdew sha ka jingshit jingmut kaba nang kiew man ka ngi, shaphang u nongiathuhlypa thymmai, uba dang ialap ha ka ri-khlaw Jerikho, bad uba ka jingim jong u ka long kaba im pyrkhing la kum kata ka jong u Elija! Ha ki lai taiew ba la lah bún bún ki kynhún napoh shnong ki la leit poi sha ka them Jordan ban iohi bad iohsngew ia u, bad la shah rong katta katta da u, kat ban shah pynbaptis da u ha Jordan, ki da phla ia la ki pop jong ki. Hapdeng kine long u Ioannis, u bakha ba iateh-ktien jong ka Mary, uba, haba u la iohsngew shibún ba la ong ia ka bor da kaba une u briew u la kren, da kito kiba la wanphai, u ruh u la leit ban pynhun ia la ka jingsngew-kwah iohi, bad kumba u ong, da ka jingkyrmen ka ha rieh ba u Blei u la kynmaw sa shisien pat ia u Israel, ba U la phah ia ngi ia u nongiathuhlypa ka jingpyniasuk. Ha ka jingwan phai jong u ngi la iohi ba ka khmat jong u ka i im khrik palat ia kaba ka ju long, namar u la ju long uba ka jingkhmih kaba ijemnud bad sngewsih, bad ba ki pyllew khmat ba-itynnat jong u ki phyrnai da ka jingkyrmen ka bajur, kaba imat u briew uba la kha thymmai ha ka mynsiem jong u. Kumne u iathuh ha ngi ia ka jingwan jngoh jong u ia u nongiathuhlypa jong ka Jordan.

“Ynda nga la iehnoh ia ka khyrdop bad rynγκang ia ka wahduid bad ka them Kedron, nga la iakynduh ia ka kynhún bakhraw kaba dang iakiew ia ka surok kaba iaid tawiar ia ka liang kaba shaphang shathie jong u lúm Olip. Kine ki la long ki rangbah, ki kynthei bad ki khynnah, bad la pynbiang jingbám ia ki ha ki shang, bad ki leit jingleit kumba ki briew jong ngi ki leh haba ki wan kiew sha ka Jingkhawai Niam ka Jinglait. Nga la shem, ha kaba iasoh lang bad ki, ba ki pynbeit ia la ki jingjám jong ki ruh sha pyrshah ka ri-khlaw, khnang ban iohsngew ia u nongiathuhlypa bakhraw, uba ka nám jong u ka long ía man la ki rymmiang shyntur briew baroh. Hapdeng jong ki la don ki lyngdoh bad ki nongbishar, ki Saddusi, bad ki Pharisi, bad ki Esenes,

bad ki briew kiba khlem jingngeit : namar wat ha Juda
ngi don bún phew hajar ki bam ngeit ha uno uno u Blei,
haduh katta ka la long naduh ba u Jehoba u la wan
jingoh ia la ki briew jong U !

“Da kaba iaid lait ha shuwa une u paidbah, ngi ba nga
da shong kulai bha, bad ki, ba ki da iaid suki, khatuh
khatwai nga la poi ha klier jong u lum, na uba nga la
phai ban khmih shadien ban shu jngoh iakhlad artat ia ka
shnong Katno kum ‘ka shnong bah u Blei !’ ka la pyn-
spong pansngiat ia ki lum baradbih jong ka. Baroh ka
burom jong ka Jerusalem, jong kaba la lah, ka la wan ha
ka jingkyrmaw jong nga, bad nga la pynnoh mensiem ba
kata ka burom ka la khlad noh, ym ha ka jingpynjot ia
ki jingtei baheh jong ka, namar ka Jerusalem ka shu
dang phuh dang phieng bad i shongkhia pynban ha ka
jingkyllon ka bor jong ka. Nga la iohsngew, jngai jngai
tót la nga long, ia ki jingriew ki bikur Roman, ki da
pynsawa halor ki them ha kiba ki nongiathuhlypa, ki
lyngdoh, bad ki syiem ki thiah hipoh ki jyngleo, bad ba la
pynsawa biang na ki kynroh ka Templ, ia ki jingsawa
bakhuid na kiba, ha ka por mynshuwa la ju pynkyndit
thiah da ka jingsawa u Blei ! Ka Gethsemane, ka kper ba
pyngngad jong u Solomon, ha kaba u la pyrshang ban
thaw ka Eden ka baar, ka thiah ha kjat jong nga, ia ki
kynroh jong ka la pynkhyllon, bad ki lynti-ia’d kai jong ka
kiba la kylla khlaw bad la sañium palat, hangne hangtai u
dieng dumbur lane u dieng olip, lane tang u dieng tlai,
uba sah ban iathuh ia uba iaid nangta ba hangne la don
“ka jingpynsngewmuja jong ki kper, ka jaka shong jong
ka jingshemsngewbha bad ka jinglehkmen, na kaba la bad
noh ia baroh kat kiba khuslai, ba yn ym don ummat ei-
ei ki ban háp halor ki madan kiba la ñiad pynjlih bha
jong ka, ba la pynleit sha ka jingkmén kaba dap kyrhai.”
Kane ka jingaibatai shaphang jong ka, ba la ai da ki
nongthaw jingrwai jong ngi, ka la iaid lyngba ka jingmut
jong nga, katba nga la nang khmih ia ka jingiohi kaba
i-sngewsih bad ba-ikynjah jong ka—Ka da i la kum ka
jaka ki jingjaw ummat ha ka jaka jong ka jingkmén,

kumba ki jingkah syrngiew jong ka kin khot sngewbha pynban ia kiba khuslai ban iam ha ki, ban ia ki kjat rupa jong u nongshad !

“Nga la poi shen shen ha ka shnong ba-itynnat jong ka Bethphage, ha kaba, ha ka iing-thiah-basa, nga la iohi bún bún ki nongshongkulai kiba dang iakiew, ban leit sha ka liang Jerikho. Bún na ki nga ithuh, bad ynda ngi la iaiaidlang bad ka kvnhún nongshongkulai, nga la ioh jingtip ba, kham bún na ki la ring na Jerusalem ha kajuh ka jingleit kwah iohi jingohylla kum ma nga hi Hynrei uwei na ki la kumno kumno, u samla badon burom bad bariewspah na Arimathaia, ba la pyokhih da kajuh ka jingkwah bakhuid kaba rhem kum ha ka shadem jong nga, ka jingkwah ba ngi lah ha u nongiathuhlypa ia uba la khot Ioannis, ban shem ia u briew uba la phah da u Blei Kiwei pat ki leit ban khai, ban iaid sngewbha, lane ban tang shu leit khmih kai, ban iohi ia uta ia uba man la uwei pa uwei u kren ha ka ri baroh jong ka Judia. Katba u Joseph na Arimathaia bad ma nga ngi nang iashongkulai lang, ngi la iakren shachang u briew uba ngi khmih lynti ban iohi, bad ia ki jingwan iathuh kiba iapher iapher ia kiba la pynsawa kylleng shaphang jong u. U lok iaiaid lynti jong nga imat u ngeit ba u long u nongiathuhlypa u bashisha, namar ha u long uba la pule bha eh ha ki jingthoh, u la ong ba ki HYN-NEW PHEW TAIEW jong u Danial ki lajan sa ban pyndep mymta, ha kaba u Messaia u dei ban wan ! Nangta nga kylli ia u la u ngeit ba u Messaia uba dei ban long ‘u Khún-syiem bad u Syiem, bad u ban ioh ka jingsynshar na ka duriaw sha ki bakut ka pyrthei,’ un wan ha ka ri khlaw, ba la phong ha ki snieh jong ki mrad khlaw ? Ia kane u la jubab, ba um lah ban niew ia une u nongia-thuhlypa kum u Messaia namar haba u Khrist un wan, u dei ‘ban wan kyndit sha ka Templ’ bad ba ngi dei khlem artatien ban iohi nyngkong eh ia U hangta hynrei ba u don shibún ki jingkyrmen ba u nongiathuhlypa ia uba ngi dang leit ban iakhmih un pynshisha ba u long u *nongmait-lynti*, ba la iathuhlypa da

u Malakhi. Ba nga don ka kot bakli jong u Nonglathuhlypa Daniel bad nga, namaq nga shim lem bad ki Nonglathuhlypa ryngkat bad nga ban ia nujor ia kaei ba ngan iohsngew na u nongialap ka Jordan ba u pynbna ryngkat bad ki, nga la iohi, da ka jingsngewlyngngoh, ba vm tang ki hynñiew phew taiew ki la sa ban poi ka jingpyndep jong ki, hynrei ba ka jingñaid jong 'ki shihajar arspah khyndai phew sngi' ruh ki la jan eh ngong ! Baroh ar ngut ngi la ialyngngoh ha kine ki jingwan iaháp ryngkhat bad ka jingwan mih jong une u nonglathuhlypa thymmai ; bad ka jingkmén bad ka jingsngew sheptieng ki la pynkhyññuh ha ki dohnud jong ngi, ba la pynjaijai da ki jingkyrmen, katba ngim ñanud ang shikyntien ruh.

“Kito kiba la iohsngew ia u,’ la ong u Joseph, katba ngi nang iashongkulai sha ka nongrit Bethany,’ ki ong ba u pynbna paidbah kdar ia lade hi u nongmait lynti jong u Messaia. Ka jingsngew jong kiba kham duna ka puledangle kiba iohsngew ia u ka long ba u long u Elija hi, uba la wan phai sha ka pyrthci ! Katba kiwei pat ki ia-ong ba u dei u Enok hi, uba la wan hiar na bneng ; bad ym khyndiat ki ngeit ia u ba u long u Isaia.’

“Ha kane ka rukom, da kaba ñakren ñakhana, ngi la laid lyngba ia u lúm, ha uba, ka jinglathuhkhana hiarpateng ka ong, ba u ieng u Dieng ka Jingtip ia ka Babha bad Basniew, bad ruh, ha kaba la pynshaniah ia ka kjat jong ka Jyngkieng u Jakob ; bad na kata hi ka jaka, la ngeit da shibún, ba baroh ki briew ki babha hadien ka jingmihpat kin ñakiew sha ka bneng ka balai pateng, namar ka long ka jingngeit u babún ba ka khet u Jehoba ka don thik hareng jong ka.

“Khatduh khatwai, hadien ka jingshongkulai kaba shi sngi jlang, ha kata ka por ngi da lap bad ñaid lait bún bún ki kynhún bakhraw da kaba phet kyrkieh sha khmat ban iohsngew ia u nonglathuhlypa, ngi da iashem ruh bún kiba wan phai, ki da pynphriang ki jinglathuh kiba phylla phylla ia ka bor kren, ka jingstad bad ka bor jong

u, la wan mih paw ha ka jingiohi jong ngi ka Jerikho. Ka shnong ka long kaba iphuh kynjai, bad la ki iingmot bad iingsyiem Roman, ba ka long ka jaka leit shong pyngngad myntlang kaba ki ieit ki Lat Ka jaka ka shnong kaba i-muja ha ki khmat jong ngi, ka la long ha ka them ka bajyrngam, hadien jong ka jingshongkulai kaba kynjah jong ngi. Ha ka phang kadiang jong ngi, shi mail shuwa ba ngin poi ha ka shnong, ngi la iaid lait ia ki jing-tei bajot jong u mot bad ka iing u Hiel, uba la tei pat ia ka Jerikho ha ki sngi ki Syiem. Shaphang kamon la don ka lyngkha, ha kaba ki kynhun shipai Khaldi ki la jop ia ki kpa jong ngi ha ka thma, bad ki la kem mraw ia u Syiem Sedekaia ; la tap mynta da ki krer ki ba-itynnat, bad ka iwiat samrkhe rymmuin kumba ka jingsuk ka la ju shong ha ki jingkah syrngiew bathiang jong ka Halor uwei u lum, ba shaphang shatei na kaba ngi don, kumba shi mail shiteng ne, u Joseph uba la ju iaid bunsien ia kane ka lynti, u la kdew ban pyni ia nga ia ki jingiot jong ka ri bad ia u lum ka jingap-thap, ha uba la rieh ki riewshlur u Joshua, uba la pynlyngngoh bad dkhat ia ka shnong. Katha ngi nanc iaid hajan ka shnong ngam lah k lem da poi kynmaw biang ia ka por ha kaba ki spah hajar ki Israel, ba la phong da ki khulom kiba ki la ryn-donkam sawphew snem ha ka ri khlaw, ki la iaid tawiar hynniew sien sawdong jong ka. Ha la ka jingmutdur nga la iohsngew ia ka jingiaid riewshlur jong ki kaba da pynkhyntiuh ia ka khyndew hi bad nga iohi ia u Joshua la kum u Khunsyiem, ba u da ieng kham pajih ha uwei u lum rit hajan, u da kdew lynti ia ka jingiaid kaba ikhia. Nga la iohsngew pat ia u pyrthat jong ki turoi ki paid u Blei ba la put pynsawa hynniew sien, bad nga la iohi ia ka kynroh basarong jong ka shnong ba ka khylllem, ka da pyndum tiaw ia ka suin bneng baroh kawei da ki lyoh pui-pui kiba kiew halor ki khlieh jong ki Israel kiba sngew kyidh riewblei ! Hynrei katno ka la iapher na kata ka jingshisha ! Ka sngi ka ban sa jan sep ka la suit-rong ksiar ia ki iingmot, ki mot jrong, ki kliar iing bad ki iingkut kiba dang ieng skhem jong ka nongbah Roman, ka da ai ka jingpynitynnat kaba la pynkhih ia ka mynsiem

sha ka jingpeit sngewlyngngoh, bad ka suin bneng ka ba-long jngum ka pyiar jai-jai khlem u lyoh haneng jong ka ; bad ka them kaba ker sawdong, ha ka jaka ba kan pyn-sawa biang ia ki jingjam joig u paid ba la kieng atiar, kiba na ka bynta jong ki u Jehoba u la ialeh, la pyndap mynta da ki riewshlur Roman bad ki mem ha ki kynhún lehsuk jong ka jinglehsngewbha, bad ki jingiaiaid kynhún ki samla kynthei kiba ialeit bún sha u lúm jyngetep jong ki maw jyngetep, ba la pynsop da ki jingpynkup ki balieh-ior, ki da pashat syntiew ha ki lynti iaiaid jong ki, bad ki da iarwai jingrwai bakhuid ; namar ka leit dei ka sngi ha kaba ki khún kynthei Jerikho ki ialeh pynkynmaw ia ka jingshem pap jong ka khun kynthei ba-ithiang jong u Jephthah da kaba leit jngoh ia ka jyngetep jong ka, namar ia ka la kha bad la tep ha kane ka shnong, ha kaba u Jephthah u la shong slem shuwa ba un kynriah sha Mispah ; bad shata ia ka met-kñaia jong ka la pynkit ba yn buh ha ki maw jyngetep jong ki kpa jong ka.

“Ha ka khyrdop la pynsangeh ia ngi da u shipai Rom, uba la dawa ia ki kot iaiaid lynti jong ngi bad ia ka khrong u nongleit lynti, kaba ynda la pyndep kane ka kam ba pynpohia, ngi la shongkulai shapoh shnong ; namar ka long ka jingthmu jong ngi ban sah-miet hangta, bad la dang step phyrngab ban iaiaid sha ki rud ka wah Jordan ha kaba ngi la sngewthuh ba uta u nongiathuhlypa u dang hikai bad pynbaptis.”

Ha kane ka bynta jong ka jingiathuh jong u bakha ka Mary, pa baieit, ngan pynkut ia kane ka shiithi. Ngi baroh ngi la shahshkor da ka jingshah shkor ka bajylliew eh, ym da dei eh na ka bynta ka jingsngewmyntoi kaba don ha ka, kum ka jingsngewtynnat na ka rukom ha kaba la iathuh ia kaei ba u la iohi : ka khmat jong u ka da i-jaijai itynnat, ki khmat jong u kiba ijem bad kiba pynpaw shai ia ka jingstad iathuh, ka ryndang kaba sngewthiang bad ka maiñ briew jong u baroh kawei kaba pynpaw ia ka jingnep jingmut, ia ka jinglong i-jem, jingi-ieit, jingishithem hok mynsiem kiba dei ia ka

long-briew man-briew jong u baroh kawei. Ynda ha kawei pat ka shithi ngan bieng biang ia ka jingathuh jong nga, pa baieit namar ynda nga la ai lut ia ka sha phi, nga don bin kiei-kiei ban kylli ia phi kiba pynmih ka jingkhieh ha ka jingmut jong nga. To ka jingkyrkhu jong u Blei u Israel kan long halor jong me, ko pa baieit eh jong nga !

KA ADINA.

IV. KA SHITHI KA BASAW.

PA BAIET JONG NGA,—Nga la ioh ka jingsngew-bha myi ta ka sngi, ym tang ba iohsngew na phi hynrei ia ka jingsngewskhem jong ka jingiai manbha jong phi. Ia ki khubor ka jingieit kpa kiba don ha ka shithi jong phi la ri kyndong ha ka dohnud jong nga. Ia ki jingai pynkham pynsoh bakordor jong ka jingieit basbun jong phi ba la phah da phi ryngkat bad ka shithi, bad ia kiba la pynkhamti biang biang na ka kti jong phi ha nga, da u shakri ba lah shaniah jong phi, u Elck, yn iai deng da nga da ka jingsngewsarong baroh ka jong ka khun. Nga sngewtympang mynsiem ban iohsngew ia ka jingiap u Rabbi Israel, katba nga kmen de ba ia ka kam ka bahen ba u la bat da ka jingioh burom kaba katta katta, la ai ha phi da u Prokonsol, namar la phim donkam ia ki tulop ki jong ka, pa baieit, kaba kum kata ka jingjied ka long ka sakhi kaba pynsngewkhyllaw ia ka jingsngew niewkor ha kaba ia phi la niew da u Lat Roman.

Phim dei ban shu sheptieng, pa baieit jong nga, ba yn rong noh ia nga na ka jingrgeit u Israel da kino kino ki jinghikai ba khyllah ; ngar shim jingaisylla na ka jingstad jong phi, bad ngan da husiar bha kumno ngan tur ha ki jingdem kylla iit jong nga ba ka khyndew bakyn-tang. Nga la thoh shai kylluid war ia ka jingaisylla jong phi, bad ngu shaniah ba phin ym khmih ha ki jingkylli iit jong nga kum ki jingpyni artatien, hynrei kum ki jingwad minot ia kaei ka bashisha. Nga tip ba phi long uba la

pule bha ha ka Hukum palat ban ia ki Jiwi baroh, bad ba kino kino ki jingeh, ba nga lah ban iatyngkhuh ha kaba khmih thuh ia kiei kiei hangne ha Jerusalem, khamtam ha ka jingmane bad ki jinglehniam leh rukom jong ka Templ, phin weng bad pynkynriah na ka bynta jong nga.

Ha ka shithi ka bakhatduh jong nga, ka ban nym pat poi ha ki kti jong phi ia katto katne sngi pat mynta nga la sdang da kaba ai ha phi ia ki jingiathuh u Ioannis, u bakha ka Mary, uba la leit hiar sha ri khlaw ban iohi bad ban iohsngew ia u nongiathuhlypa ka Jordan. Ngan nym pat shim ia ka ha lade hi ban rai lane ban ai kano kano ka jingsngew ha kano kano ia dang mynta, pa baieit, hynrei ban shu iathuh ia ki jingshisha bad ai ba ka jingstad jong phi kan hikai ia nga ha ki jingshisha kiba lah ban mih na ki. Kawei kaba ka shithi ka ong, ka pynhun ia nga, bad ai ia nga ka jingsngewshaniah, dei kine ki ktien : 'Wat sheptieng ba ki jingshisha jong ki hukum u Moses lane jong ka jingmane jong ka Templ, lane ka jingiathuhlypa jong ki jingiathuhlypa, lah ban pynkhih da kino kino ki jingwad tohkit kiba u briew u lah ban pynlong ha ki. La seng nongrim ia ki ha ka jingshisha, bad kin iaineh ha la ka rta. Ka jingmane jong u Israel kam sheptieng ei ei na ka jingkylli tohkit. Hynrei katba phi pan bad kylli shaphang kiei kiei ki ba-kyntang khuid, kynmaw ba ki dei ki jong u Blei, bad dei ban kylli tohkit sha kita da ka jingsngewburom ba sngew-shyrkhei bad ka jingsngewrit ka bajylliew. Kino kino ki jingkylli tohkit ba la pynlong sha ki jingiathuhlypa bad ka khmat ban iit ia ka sngi jong ka jingpyndep jong ki, ki long kiba dei bad kiba donkam ; bad kumba kine ki sngi imat ba ki long ki sngi ki jingpyndep ban ia ki jingiathuhlypa, ia ki jingminot jong phi lah ban ai buit bad ialam da ka jingstad ba kynja bneng, bad, lada kumta, yn lam lynti sha ki jingwan jia kiba shisha jong ki. Namar ba nga don jngai eh na phi, ngam lah ban ai rai shaphang une u nongiathuhlypa, ba ka shithi banyngkong jong phi ka ai kyrteng kumba u don ha ri khlaw ; pynban ngan nym sngewlyngngoh lada ka jingdap biang

ka por ba la kdew da u Isaia ka lajan ngong, namar ki jingjia ba phi ñiew kyrteng ki imat ba ki pynbna ia ka jingnangjan jong ka ; kum ka jingmane ba sumor ha ka Templ ; ka jingmane ia ki bleithaw Roman halor u lüm Seion ; ka jinghamñiew kyntang ia ka Duwan ; bad ka jngsynshar jong ki riewpyrthei halor ka hima u Dabid. Ai ba ngin dwai shitrhem, ko khún jong nga, na ka bynta ka jingpyndep jong ki jingiat uhlypa, kiba kular ia u Messaia ha ki briew kibi la pynlwet jong ngi ! Ai ngin iakyrrpad na ka bynta ka jingmih jong u Khlúr u Jakob, u Khúnsyiem ka Jingsuk, u ban pynieng ia la ka khet jong U halor u lüm Seion, bad Uba u Diengsynshar jong U Un long u diengsynshar ka hok ; hapoh ka jingsynsar baiar jong U, u Israel un khyllie la ka khlieh ban synshar ia ka jaitbynriew. Ka jingdwai ba man ka sngi jong nga, bad ka khmat jong nga sha pyrshah Jerusalem, ka long, ba nga lah ban im ban ioh khmih ia ka jingkyrmen u Israel, bad da la ki khmat ban iohi ia ka jingbha briew jong ka burom u Shailo.”

Kine ki ktien jong phi, pa baieit jong nga. ki ai ka jingshlur ia nga. Nga ngeit lem bad phi ba ka sngi jong ka jingpyndep jong ki Nongiathuhlypa ka la sdang shat jingshai, bad lehse khamjan ia kaba ngi ngi ngeit. Ynda nga la pyndep ia ka jingiathuh jong ka jingleit u Ioannis sha Jordan ban iohsngew ia u nongiathuhlypa, phin sngewthuh balei nga kren da ka jingsngewskhem kaba dap da ka jingkyrmen katta katta ; bad phin iamynjur lem bad nga ba une u nongialap jong ka jingkylla ka bamut um long uwei na ka kynhún ki rongiathuhlypa balamler, pyrshah ia ki dur ba shet shukor jong ki ka shithi jong phi ka maham biang kat a katta ia nga.

“Ngi iakhie dang shai byrngut.” la ong u bakha ka Mary, ha ka jingbteng ka jingwan iathuh kaba sngewtynnat jong u, “bad ynda ngi la ia iehnoh ia ka iing thiah basa, ngi la leit la ki lynti shabar ka shnong, na ka khyrdop kaba shaphang mihngi, kaba ngi la shem da kaba jem namar ba shipawa jong ka shnong ka khih

buk bad ki da ialeit sha kajuh ka thaiñ. Hangne la pynsangeh ia ngi da ki nongap Jehuñ kumba shieng kynta pura, tat haduh ba u paidbah u la kylla bún katta katta kat ban ia iuh uwei ia uwei, bad u iashlei ia ka surok baroh kawei. Wat la katta ruh, ngi la donkam ban ap haduh ba u Rangtah u bajaituh jong ka khyrdop un da shah pynthut na ka jingthiah jahthait ba mynstep jong u, bad nangta un da sait ia la ki kti ki kjat ki balung jong u, bad nangta un da khie bâm : baroh kita u da leh kylluid por jai-pa-jai, shuwa ba un shah ia ka khyrdop ban plie ! Ki mraw kiba kum kita ngi long ia kiba kum kita ki kynrad ! A, lano kan poi ka sngi ha kaba, kumba ong u Isaia. 'la ki khyrdop jong ngi yn plie lynte ; yn nym khang ia ki mynsngi lymne mynmiet, ba ki briew ki lah ban wallam ha Me ia ki pyrton jong ki Jentil. bad ba ki syiem jong ki kin ioh wallam mraw ha ki kjat jong ngi.'

'Ynda ngi la ia iaid lait ia ka khyrdop, u lok jong nga na Arimathaia bad ma nga ngi la iakhlad khyndiat na u paidbah, bad ngi la iaiaid lyngba ka madan sha pyrshah Jerikho. Ka step ka la long kaba sngew pynggad bha hir hir, ka sngi ka pynlong ia ka pyrthei ka mariang baroh ban sngewphuhmat. Ka uni-
jer ka la rynphalang ia ki bún phew hajar ki sngi kiba kham rit, bad ka khyndew ka i kumba la ber da ki mawlynnai. Shipor ka lynti ka la don hapdeng ki lyngkha kew bad ki kper ; hynrei shen shen ka la sam lyngba ia ka madan ka baiar, ha kiba la don ki kynhún ki kada khlaw, kita la rah la ki khlieh kiba iai khih bad barit jong ki, ha ka jingnang tur shajan jong ngi, ki la peit-khmat ha ngi da ka jingreit leh lyngngoh kaba thap tieng, bad nangta ki la mastieh sha khlaw shaphang shathie da ka jingstet jong ki kei-rang. Namar ba ka kynhún bakhraw jong ki briew ka leit la ka lynti jong ki khongwiang lyngba ka pyntha, ngi la tip ba u nongiatuhlypa u dei ban don sha kata ka liang, kumba ka paw hadien, namar ngi khatduh khatwai ngi la shem ia u ha ki rud ka wah Jordan,

harum ka jaka kiew ryngkew bad ka lynti ryngkang um, kaba long marpyrshah ia ka Jerikho, ha ka surok bah pynfaid ut sha Balbek bad Assyria, kata ka lynti ka bajngai bad ka babtai ba la iaaid búnsien búnwat da ki kpa tymmen jong ngi haba la ialam ia ki sha ka jingringmraw—ka lynti kaba bún katta katta ki syiem ki la pyndih um da ki jingjaw ummat jong ki. Ngi la khmih halor jong ki da ka jingpynkhih mynsiem ka jingsngewsih, bad da ki jingdwai kiba jaw ummat ba u Jehoba Un wan phai biang ban wan jngoh sa shisien pat ia kiba dang sah na ki briew jong U, bad ban nym bitar bad ngi junom! Ynda ngi la nang jan ia ka Jordan katto katne ka jingjngai haneng ka jaka ryngkang um, ngi la iohi ia u paidbah uba shah shkor ia u nong-iathuhlypa jngai shaphang shathie na ngi, ha ka rymmiang jong ka ri shyiap, kaba tur jan ha kane ka dong hajan eh ka Jerikho. Katba ngi iaryngkang ia ki rud wah jong ka wah kaba tuid, ngi la wan poi shisyndon halor ki rishot maw shiteng shiliang hapoh um. 'Une,' la ong u lok iaiaid lynti lem jong nga, u da sangeh 'u long u kynton ki Khatar tylli ki Maw, kiba ki Israel ki la pynieng ban buh jingkyngmaw ia ka lynti iaaid jong ka Jordan. Nangne ki iaryngkang ha ka dewrkhiang.'

"Nga ñiew ia ki, bad nga la shem sa tang hynñiew tylli na ki kiba dang sah. Katno ki jingkylla, nga la poi siat jingmut, hato ki khún Israel kim shym la iaaid lyngba mynba ki kti ki kpa jong ngi ki la buh lang ia kata ka kynton! Ki pateng jong ki nongbishar bad ki jait syiem baslem jong ki syiem; ki jingringmraw hadien jong ki jingringmraw; ki thma, ki jingjop bad ki jingshahjop. bad jingshah synshar, khatduh khatwai, tat ynda ngim long shuh ka jaitbynriew; kiba don u nongsynshar, shisha, hynrei uba ka bor jong u ka long ba la ibein briew—u Herod, uba bat ia ka bor synshar jong u ha ka jingleh burom jong u Syiem-Patsha Rom. Wow! bad ka jingmut jong ka jingsynshar jong uba tang kum ka syrngiew jong u syiem, u diengsynshar un

khlad junom mo na Juda !" u la ban ktien da kaba kren kthang mynsiem.

"Te u Shailo Un wan !" la pyrta ka para-kha jong nga ka Mary, da ka jingsngew-im mynsiem.

"Hooïd ; ia ka Juda dei ban da pynhiar dor sha ka kyrdan ka bapoh-tam, shuwa ba kan ieng ! bad ryngkat bad u Shailo u Syiem, ka hurom jong ka kan pyndap ia ka pyrthei baroh," la phai ktien u Ioannis, bad ka jingkyrmen sa shisien pat ka da pynphyrnai ha ki khmat jong u. "Khatduh khatwai ngi la wan hajan ka kynhún baïong da ki khlieh briew, kiba ngi la iohi na jngai, kiba la ialang sawdong i lúm i barit hajan ka wah. Halor jong u katto katne pruh kham jrong ban ia ki khlieh jong ki, la ieng uwei u briew sha uba ki khmat baroh ki neh den, bad sha ki ktien jong u man ka shkor dngiang ka pynshahshkor. Ki sur kren ki bashitrhem, bashlei, bad bashai ki la wan poi haduh ki shkor jong ngi katha ngi nang tur shajan shuwa ba ngin lah ban ioh kem aïu u ong. U la long u samla ym palat laiphew snem, bad ka khmat kaba kum ki jingotdur ha ki medal ljipt ba ki ai ia u Joseph jong ka jaitbynriew jong ngi, shisien u Khún-Syiem jong ki. U shñiuh jong u u la long u bajrong, bad u her kalaiñ sawdong u ryndang jong u ; u la phong ka byrni jynsur kaba da u shñiuh ut bad ka kti kamon jong u ka lyngkhuit haduh ka tyrpeng. Ka rukom ieng jong u ka la long kaba i-laitluid bad kaba i riwysynshar kum kata ka jong u riwethma Kaukeshan ; pynban man la ka jingpynkhih kti ka long kaba i lung mynsiem bad i-jem kynjai. Ryngkat bad baroh ka bor-kren kaba lah pynkohnguh bad kaba sawa ud jong u don ka jing-i ka khmat jong ka jingsngewrit bajylliew tam ha ka dur khmat jong u, ka da bynrap lang bad ka jingshitrhem bakhuid tam. Ki briew ki la iashahshkor bha dngiang ia u, namar u kren kum u nongiathuhlypa hyndai, bad kongsan eh ha ki ktien iathuhlypa jong ki ! Ka subjek jong u ka la long u Messafa.

“‘O Israel, to phai sha u Trai uba u Blei jong me, namar me la háp da ka jingleh bamman jong me,’ u dang ong katba ngi nang lakiew, kumba u dang bteng ía kaei kaba la kren sha shuwa, ‘Shim bad phi ía ki ktien bad phai sha u Trai, bad to ong ha U : Shim noh ía ka jingleh bamman baroh, bad to pdiang ía ngi da kaba ai-ei. Ha khmih, U wan u ban pynkoit ía ka jingphaidien jong phi bad U ban ieit kyrhai ía phi ! Un long kum ka umjer ía u Israel ! Un mih kum U tiew-lili, bad Un sam ía ki thied jong U kum u Lebanon ! Ki tnat U kin pynpiar bad ka jingbhabriew jong U kan long kum u dieng Olip, bad u soh jong U un long ka jingpynkoit ía ki jaitbynriew ! Kita kiba shong hapoh ka syrngiew jong U kin wan phai bad kin shongsah ha la ka rta : bad kan jia ba jar u ban khot kyrpad ha ka kyrteng jong u Trai yn pyllait im, namar lait na U ym don u Nongpynim.’

“‘Iano u kren u nongiathuhlypa ía kine kiei kiei ?’ la kylli uwei uba íeng hajan jong nga. na uba hajan jong u bad nangta sa na nga ; namar ha kane ka por ngi la shim jaka hajan ía u nongiathuhlypa katba ngi lah ; namar ngam kwah ban duh kawei ruh ka ktien kaba háp na ki rymmiang shyntur jong u briew uba lah ban pynkhali briew kumta ía ki nongbah, bad ban pynshlei briew ía ka ri-khlaw da ki nongshong shnong jong ki.

“‘Ía u Messaia—sngap !’ la jubab ía u da u Nongthoh uba hangta hajan, kumba um sngewbha ban pynwit ía ka jingshahshkor jong u da ka jingkren syndah jong u ‘Ki ktien jong u ki shai—sngap ía u.’

“‘To put phi ía ka turoi ha Seíon, namar ka sngi u Trai ka wan !’ la nang bteng uta u nongiathuhlypa, ha ka jingsawa kaba kum kata ka jong ka turoi rupa : ‘namar, ha khmih, ka sngi ka jan ha kaba ngan wallam pat ía ka jingringmraw ka Juda. To shim phi ía ka rashi, namar ka jingot ka la ih ! Ka sngi ka hajan ha kaba u Trai un kyrhuh na Seíon bad Un pynmib ía la ka jingsawa jong U na Jerusalem’

“ ‘Mem dei u Elias ?’ la kylli uwei da kaba jam.


“ ‘Nga long uta ia uba la thoh, Ka jingsawa jong uwei uba pyrta ha ka ri-khlaw, to pynbeit ia ka lynti-bah ia u Blei jong ngi. Ka sngi jong u Trai ka hajan Nga long tang u nongpyrta ia uba la phah ha shuwa ban pynkhreh ia ka lynti bah jong u Trai.’

“ ‘Mem dei u Messaia ?’ la kylli ka kynthei, kaba la ieng hajan jong u, bad imat kumba ka mane ia ki rym-miang shyntur jong u hi.

“ ‘Uta uba wan nadien jong nga U kham khraw bor ban ia nga, Uba ki juti jong U ngam iakot-dor ban phong!’ u la phai ktien, ha ka jingpynrit ka jingleh kaba i-jylliew tam. ‘Uta uba wan nadien jong nga U don ka jingpeh ha ka kti jong U, bad Un pynkhuid phar ia ka kyntem jong U, bad lum ia u kew ha u thiar ; hynrei Un thang duh ia u stait da ka ding bam ju lip. Namarkata, to kylla ka bamut phi, to kylla ka bamut phi shim ia ki ktien bad phai sha u Trai u Blei jong phi. To kylla ka bamut bad shah pynbaptis na ka bynta ka jingmap ki pop jong phi ; namar ka sngi ka wan ka ban thang kum ka lawar ding bad sumar ba phin ym ing duh noh. Ia u sdie la pynap ha trai jong u dieng ; namarkata, u dieng baroh u bam seisoh babha yn khet noh bad yn bret sha ka ding.’

“ ‘Kynrad ?’ la ong u Lebi, ‘me kren ia kine kiei kiei ia ngi, kiba long na ki Israel ne sha kine ki Jentil bad ki nong Samaria ?’ namar la don hangta ym khyndiat ki shipai Roman hagdeng u paidbat, ba la ring shata da ka jingsngewkwah iohi, bad bent tuh ki biew na Samaria em, wat naduh Dapiskos.

“ ‘Khie leit bad pyrt ha ki shkor ka Jerusalem, ong u Trai, namar ki biew jong nga ki la leh ar, ki jingsniew ; ki la iehnoh ia nga, ka umpohliw jong ki



um kiba im, bad ki la shna ia ki da ki pipa, ki pipa ba la pait, ki bam lah ban neh um. U Trai u pynlong ia nga ha kane ka sngi u rishot nar bad ka kynroh tama pyrshah ia ka ri baroh kawei—, pyrshah ia ki Syiem Juda, pyrshah ia ki Khúnsyiem-de, pyrshah ia ki lyngdoh de; bad pyrshah ia u paid jong ka ri! Bad pynban me ong, 'Ko Israel, mem shym la leh pop! Ka jingbamman jong me hi kan pynbeit ia me, bad ka jingphaidien jong me kan sneng ia me. To kylla ka bamut bad leh ia ki kam kiba dei hok ia ka jingkylla ka bamut, uwei pa uwei na phi, namar phi la pyntngit ia ka ri; lymne wat ong, hangno u Trai Uba la wallam ia ngi na ka ri ki ljipt? La pynkhih bitar ia nga man ka sngi da ka jingeh dohnud jong phi bad ka jingeh ryndang To pynbha, to pynbha ia ka jingleh jong phi! wat shaniah ha ki ktien shukor, da kaba ong, Ka Templ u Trai, ka Templ u Trai, ka Templ u Trai! Phi la pynlong ia ka ka krem nongtuh! Ki jingknia jong phi te ki la kylla long ka jing-i jli ia u Trai!'

“‘Kane kan ktah ia ngi kiba long ki lyngdoh, ki kynrad,’ la ong u lyngdoh da ka khmat kaba saw kyrang. ‘Ngim long ki nongtuh.’

“‘Kumne u ong u Trai,’ la jubab uta u nongiaihuhlypa samla, sngew la kum u Blei hi, u da kren na Horeb, kumta ba ngi iakhynñiuh katha ngi la nang sngap ia u. ‘Kordit kan long ia ki pastor kiba pynjot ia ki langbrot jong nga; Nean wan khmih halor jong phi ia ki jingsniew ki jingleh jong phi. Kumno ka ksiar ka kylla jngut—kumno ka ksiar ka banylla tam ka kylla! Ki khún ki bakordor jong ka Seion, ba la pynnujor sha ka ksiar banylla, kumno la khein-kor ia ki? Ki lyngdoh jong ka ki la kham khuid ban ia ka ior! Ki la kham lieh ban ia ka dud; ki la long kham sawdoh ha ka met ban ia ki mawkordor rubi; ka jingpynjlib jong ki ka la long da u maw-rong saphaiar! Ka khmat jong ki mynta pat ka kham iong ban ia u dewiong; ki bsa ia ki khún ki briew jong nga da ka dpei ha ka jaka u kpu! Kordit ia ka

Seion, na ka bynta ki pop jong ki nongīathuhlypa jong ka bad ki jingleh bamman jong ki lyngdoh jong ka'. 'Phet phi shaneng sharum lyngba ki surok ka Jerusalem, bad wad ha ki jaka baiar ruh de, ong u Trai, la phi lah ban shem ia u brierw uba leh ia ka jingbishar, uba wad ia ka jingshisha ! La ki ong u Trai U im da shisha ki smai lamler. To sngew phi ia kane, ko ki lyngdoh, bad to shah shkor phi ka iing Israel ! Kordit ia phi, ki lyngdoh, namar phi la ryngkang hukum. Nga la iohi ha ki nongīathuhlypa jong ka Jerusalem ia kaei kaei kaba shyrkhei ; ki klim bad ki iaid ha ki jinglamler, ong u Trai. Ki brierw jong nga ki la ryngkang hukum namar ka jingduna ka jingtip ! Namarkata ngan kyntait ia me, ong u Trai ; men nym long shuh u lyngdoh ha nga namar ba me la klet ia ka hukum u Blei jong me. Kumba long ki brierw, kumta long ki lyngdoh ! Namarkata ba ka ri ka iam sat, bad man la uwei pa uwei uba shong ha ka u swai. Namarkata ba ka jingsmai bad ka lamler, bad kaba pyniap, bad kaba tuh, bad kaba klim, ki bthci ha ka ri, namar ym don ka jingshisha, lymne ka jingisnei lymne ka jingtip ia u Blei ha ka ri. Kordit ia phi, phi ki lyngdoh !' Būn na ki Lebi te ki la wan phai bad iehnoh ia u, bad ki la leit noh ki da khōium shikatdei eh ; bad kin jin da la sngewbha ban pynsniew ia u nongīathuhlypa, hynrei ki la sheptieng ia u paidbah uba la ong ba u la kren tang ka jingshisha shaphang jong ki. 'Hynrei ki tymmen basan ki Israel, ki bam long ki lyngdoh, kiba mih na u Abraham, kin lait-im da u Abraham, kynrad ?' la kren, lane kumba kylli, uwei u nongsynshar bariewspah jong ka shnong jong ngi, hadien ba ka jingīawin ba la pynlong da ka jingkyndiah jong ki Lebi ka la duna khyndiat. Uta u nongīathuhlypa samla u la pynneh ia la ki khmat batong jong u, kum ar tylli ki sngi, halor ka khmat uta u tymmen, bad u la ong da kaba shonkhia, 'Wat sdang ban ong ha lade hi, ngi don u Abraham uba u kpa jong ngi, namar nga ong ha phi,' u la ban ktien, u da kdew sha ki mawria ha ki kjat jong u, 'ba u Blei u lah na

kine ki maw ban pynmih khún ia u Abraham. U long na u Abraham, uba leh ia ka hok : namarkata to kylla ka bamut, bad sei ia ki soh kiba dei hok ia ka jingkylla ka bamut.'

"Hangne la iohsngew katto katne ka jingiakhñium hapteng ka kynhún jong bún ki Pharisi bad ki Saddusi ha kine ki ktien, ha kaba, da kaba phai wang ia ka jingkmih kaba kumba bá ka leilieh sha pyrshah jong ki, kumba imat u lah ban pule ia ka dohnud jong ki, u la pyrta :

" 'Ko ka pateng-bynriew ki sein-puh : Uei uba la mahám *u phi* ban phet iap noh na ka jingbitar ka ban sa lap ? Ka sngi ka wan ha kaba Uta U ban sa wan Un shong kum u nongpynkhuid ha ka lawar ding jong U. To sei, namarkata, ia ki soh kiba dei hok ia ka jingkylla ka bamut. Sait ia ka dohnud jong me na ka jingbamman, ba men ioh lait-im. Bad phi, ki khún kynthei ka Juda, to kylla ka bamut phi na ki jingpyrkhat bathala kiba shong sah hapoh jong phi,' u la pyrta, u da kren ha ki bún ki kynthei ha ki jaiñkup kordor, bad u shñiuh bathaiñ ; 'To kup phi da ka jaiñbyrni, to iam bad to kyang, buh noh kine ki jingijli na khmat jong nga, bad sheptieng ia u Trai. La pha pynphong ia lade da ka jaiñ rong saw, la pha pyndeng ia lade da ki jyngdeng ksiar, la pha kyllán ia ka khmat jong pha da ka jingñiadrong, lehnohei ba pha pynbhabriew ia lade ; namar nga iohsngew ia ka jingsawa jong ki khún kynthei ka Seíon ba ki da iam lynñiar ia lade hi, bad ki da pynpiar ia ki kti jong ki ha kaba mynsngi haba la lute ia ki bad la leh ihein na ka bynta ki jingbamman jong ki. To kylla ka bamut *phi*, naba ka Hima ki Bneng ka lajan !

" 'To sngew, ko Israel ! Nga dei u Blei hajan bad ym u Blei hajngai, ong u Trai. To sngew phi ia ka khubor jong Uba Ha Khlieh Tam Eh, naba ka sngi ka wan poi ha kaba u Jehoba Un wan jngoh biang sa shisien pat ia ka pyrthei, bad Un iakren markhmat markhmat bad la ki

jingthaw jong U. Ha khmih ka sgi ka wan poi, ong u Trai, ha NGAN pynieng ha u Dabid ia u tnat bahok, bad u syiem ban synshar bad b n m n roi, u ban leh ia ka jingbishar bad ka hok ha ka pyrthei.

“Ha khmih ka sngi ka wan, ong u Trai, ha kaba u Juda un ioh lait-im, bad u Israel un shongsuk, ha kaba ngan buh ia ki Nongaplångbrot halor jong ki, ki ban bsa ia ki, bad kin nym duna ei ei !

“To khie ! tyngshain, naba ka jingshai ka wan ! To sngew, ko Israel na ka bynta ka Seion ngan nym sngap jar, ngan nym shongthait tat ynda ka hok de kan mih kum ka jingtyngshain, bad ka jingpynim ruh de kum ka sharak kaba meh. To khie ! tyngshain, naba ka jingshai jong pha ka wan. Ka jingdum ka tap ia ka pyrthei, bad ka jingdum synña ia ki briew, kumba ong u Isaia : hynrei u Trai un sa mih halor jong phi, bad ka burom u Trai kan mih halor jong pha ! bad ka burom jong U yn iohi ha pha. Ki Jentil kin wan sha ka jingshai jong U, bad ki syiem sha ka jingtyngshain ka jingmih jong U. Yn khot ia U U TRAI KA HOK JONG NGI, bad Un long ka pansngiat ka burom ha ka kti u Trai, bad ka pansngiat syiem ha ka kti u Blei jong me. U Mynsiem u Trai u ha nga ban pynbna ia ka snem ba diang hun jong ka jingwan jong U. U la buh ia nga kum u nongap ha ki kynroh jong pha, ko Israel, ngan nym lah sngap mynsngi lymne mynmiet, lymne sngap jar, lymne shongthait, tat ynda U wan Uba la phah ia nga u nonglamktien jong U ha shuwa ka khmat jong U. Kumno ngan lah ban set ia ka khubor jong ka jingkmien jong nga ? Kumno ngan nym kren ia ka nám jong U ? Ki khún shynrang jong U kin wan na sha jngai bad ia ki khún kynthai jong U, yn sumar hajan jong U. Ki briew jong ki kynja bynriew kin her kum u lyoh, bad kum ki paro sha ki jingkhangiit jong ki, ban khmih, ban dem khrup bad ban mane ia U. Ki dewlynnong kin ap ia ka hukum jong U, bad ki syiem kin iashakri ia U, ia U kein. U Bakhuid jong u Israel. U ong, Nga, u Trai, Nga

long u Nongpynim jong me, bad u Nongsiewspah jong me. U Badonbor jong u Jakob. To ong phi ha ki khún kynthei ka Sefon, ha khmih ka jingpynim jong pha ka wan; ha khmih, ka bainong jong U ka long bad U, bad ka jingtrei jong U ha shuwa jong U. Kaw, jar kat uba slang?' u la pyrta hangta, u da pynjam ia la ka jingsawa jong u la kum u rangbah jong ka kynthún paid, kat haduh ba ki bajngai tam ki iohsngew, 'to wan phi sha ki um; hooid kein, to wan to thied ka wain bad ka dud, khlem sbai bad khlem dor. To pyndem ia ka shkor jong phi bad wan sha U. To sngew, bad ka mynsiem jong phi kan im. To kylla ka bamut, sumar ia ka hok bad ia ka jingbishar; bad pynkhreh ia ka dohnud ba la lwet ban aiti ha U haba men iohi ia U; naba kumne ong Uta Uba ha Jrong bad Uba Ha Khlieh Uba shong ha ka bamjukut, Uba ka kyrteng jong U ka long U Bakhuid, Nga shong ha ka jaka ka bakhuid bad kaba ha khlieh bad ha uta, ruh, uba lwet bad uba sngewrit ka myn iem. Ka iingsuk, ka jingsuk ha uta uba ha jngai bah, bad ha uta uba hajan, ong u Trai.

“‘To rwai ha u Trai ka jingrwai bathymmai, bad ia ka jingiaroh jong U ha ki bakut jong ka pyrthei; naba kumne ong u Blei u Trai, Uta Uba la thaw ia ki bneng bad Uba la pynpiar ia ki; Uta Uba la siang ia ka khyn-dew, bad ia kata kaba mih na ka; Uta Uba ai ka jing-pynhiarmynsiem ha ki briew kiba ha ka, bad ka mynsiem ha kita kiba iaaid ha ka; Ha khmih u shakri jong nga ia uba nga kyrshán—uba la jied jong nga ha uba ka mynsiem jong nga ka sngewbha! Nga la buh ia ka mynsiem jong nga hapoh jong U; Un wallam ka jingbishar sha ki Jentil; ia u khah uba la mong Un yin pynkhein bad ia u saihon uba sah tдем Un nym pynlip. Nga, u Trai, ong u Jehoba, U da kren ha u Khún-marwei, Nga la khot ia Me ha ka hok, bad Ngan bat ia ka kti jong Me, bad sumar ia Me, bad Ngan ai ia Me ban long ka jutang ia ki kynja bynriew, ka jingshai ia ki Jentil, ban pynpeit ia ki khmat ki bamatlah, ban pynmih ia kiba la set byndi na ka iingbyndi. Nga long

u Trai, kata ka long ka kyrteng jong Nga, bad ia ka burom jong Nga, Ngan nvm ai ha uwei pat. pynban Nga la pynlong ia U u Khún Nyngkong jong Nga, uba kham ha khlieh ban ia ki syiem jong ka pyrthei. Khmih ha U, te phin lait im, baroh ki bakut jong ka pyrthei, namar ha U man la ka khohsiew kan dem khrup, man la u thylliej un phla. U Nongsiewspah jong ngi, u Trai ki Paid long ka kyrteng jong U, u Bakhuid jong u Israel !'

Ia kane baroh la kren da ka jingshitrhem bad ka ding kaba la pynlong ia u thied snám baroh ban kynthih.

"Kaba kum kata," la ong u Ioannis. "ka la long ka rukom kren kaba palat than jong ka jingialap jong une u nongiatuhlypa u badonbor ; bad ha kito kiba pule ia ki kitab jong ki Nongiatuhlypa, man la ka ktien ka shai da ka jingtyngshain jong ka sngi. Nga la sngew nga donkam sa tang ban khmih tawiar bad ban ioh khmih pyllaw ia u Messaia ! U paidbah u bakhraw u la ieng khynñiuh bad sngap jar haba u la pynkut. Nga la khmih shain ha u da ka jingsngewburom kaba nguh. Ka dohnud jong nga ka la dap da ka jingkmén bakhuid ; namar mynta nga ngeit bad tip ba u Blei u la kynmaw ia ka Seion. bad ba U lajan ban pynpaw ia ki jingleh phylla jong U kham pawnám ha ka pyrthei ban ia kaba ju iohi mynshuwa. Ynda u la iehnoh ia u lúm kyntoit, u la ong, bad nga la tharai u la peit shain ia la ki khmat jong u ha nga, 'Phi kiba kwah ban shah pynbaptis na ka bynta ka jingmáp ki pop, ba ki do^h nud jong phi kin ioh long kiba knuid na ka bynta ka jingwanjngoh jong Une u Bakhuid jong u Blei bud ia nga sharud wah !' Hajar ki kohnguh bad nga uwei na ki banyngkong. eh. Nga la khynñiuh baroh shiryñieng da ka jingsngewbha bathiang. haba u la shim ia nga na ka kti, bad u la kylli ia nga la nga ngeit ha Uta U ban sa wan, bad ban pynkhreh ka lynti na ka bynta ka jingwan shongsah jong U ha ka dohnud jong nga da kaba shah pynbaptis, kata ka rukóm lehniám ruh ka da long ka dak bad ka synjat ba haba ngan iohi ia u Shailo

ba U wan mih, ngan ithuh ia U. Ym duna ia ka shihajar la pynbaptis da u ha kata ka sngi ha Jordan, ki da phla ia la ki pop, bad ki jingkyrmen jong ka jingmáp lyngba ka kyrteng jong Uba ngim ithuh. U ban sa wan. Hapdeng kine la long ki Pharisi bad Saddusi, ki nongsynshar bad ki riwesaïd, bad uwei u shipai Roman uba la phuh ñiuh-lieh. U Joseph na Arimathaia um shym la shah pynbaptis, namar u ong u kwah ban da khmih bniah bha sha ka subjek kaba palat bor ha ka rukom ka babiang bha shuwa ba u lah ban ngeit.

“Hadien ka jingpynbaptis, ka kynhún baroh kawei ka la iasapra ha ki kynhún lynnong lynnong, bad u nong-iathuhlypa u la leit phai sha ri-khlaw haduh ka jingthanda jong ka janmiet, ha kaba ka jingbám jasngi jong u ka la long da ki puit bad ka ngap khlaw jong ka ri-shyiap. Haba u la wan mih biang. u la kren biang sha u paidbah uba la nang kham bún. Ha kane ka jingiathuhkhana ka baar, u la batai kham shai ia ka jingpyniadei jong u kynjri uba phyrnai jong ki jingiathuhlypa kiba u la pynmih mynstep, sha u Messaia, bad kumta u la pynlih ia nga ban kham iohi shai ia ka jinglong ka bashisha jong u Messaia uba ngi khmih lynti ban ia kaba nga la iohi mynshuwa.

Bad kane ka jingkyrmen pynkut ia la ka jingsngew jong u, pa baieit, nga pynkut ia ka shithi bajrong jong nga. Ngam thoh pyntam. Ngan shu ong, ba ki jingkhmih lynti lem jong nga ki khiih-im shaid, bad ba nga dang khmih lynti bad ki hajar kiwei pat, ia ka jingwan paw ka ban sa long noh jong u Messaia.—Ka khún jong phi.

ADINA.

V. KA SHITHI KA BASAN.

KO PA BAIEIT JONG NGA,—La dang tang lai sngi ki la iaid naduh ba nga la dep ia ka shithi khatduh jong nga sha phi, nga sngewkwah katta katta noh ban iohi ia ka jingbishar bad ka jingaisylla jong phi ha ki jingjia ki ba-

phylla kiba shim mynta ia ka por jong ka jingmut jingpyr-khat u paid Israel, ba ngam lah ban set shuh kaba ai ha phi ia ka jingnangiaid stet shuh shuh jong ki jingjia kiba dang sah kiba iasnoh bad ka jingleit jngoh jong u bakha ka Mary, u Ioannis, sha u nongiathuhlypa ba shong Blei jong ka Jordan. Namar ba ki ktien jong u ki la shon jur ha ka jingmut jong nga, bad ki la pynkhih ia nga ban iangeit lem bad u ha ka jingshisha jong ki ktien jong une u nongiathuhlypa, ka long kaba dei rukom ba phin tip lem bad nga ia baroh ba u la iathuh ha nga, bad kiba la ring ia ki jingsngew mynsiem bad jingsngew jingmut jong nga, khnang ha phin lah ban bishar ia ka jingshongkhia bad ka jingkordor ia kaei kaei baroh ba nga la iohsngew ba dei ban niewkor : bad to tip skhem, pa baieit, ba nga kloi ba yn synshar ha kiei kiei baroh da ka jingstad bad jingnang jong phi. Sngap, te, da ka jingbha ba phi ju long, sha kaba sah jong kane ka jingwan iathuh jong une u samla.

“Ynda u nongiathuhlypa u la pyndep ia ka jingkren ka baar, bad u la pynbaptis pura arspah ngut shuh shuh ha ki um bashat phyrynai jong ka Jordan,” la nang bteng shuh u bakha ba pnah ktien jong ka Mary, “u la phah noh ia ki sha shnong ban thiah basa bad ban thied jyngbarr : namar tang khyndiat, ha ka jingshitrhem ban iohsngew ia u, ki la wan rah jyngbarr lem bad ki. Bún, stuwa ban iehnoh ia u, ki la shur shajan ban pd'ang ia ka jingkyrkhu jong ka jingieit, bad ka long kaba ktah mynsiem ban iohi ki riewdonburom, bad la ki jingkdor shñtuh baphyrynai kum ki sai-rupa, bad kiba ieng shaniah ha la ki shándub, ki iadem la ki khlieh riewtymmen jong ki ha khmat u Elias samla, kumba ki iamynjur ia ka jingphah jong u da u Blei. Ki kmie ruh ki la wallam ia la ki khúnlung, ba un ioh ban kyrkhu ia ki, bad ki rang-samla bad ki thei-khyllud ki iadem burom ha ki kjat jong u da ki jingjawummat jong ka jingsngewieit bad ka jingkylla ka dohnud. Da kaba jai jai u la ieng ha ki rud um ki bajyrngam, kum u angel uba la wan biar sha ka pyrtnei ; bad u la kyrkhu ia ki

ha ki ktien ki bathymmai ha baroh ki shkor jong ngi, hynrei kiba la pynkhih syier ker-ker ia ki dohnud jong ngi da ka bor barieh áfu-re-áfu kaba la pynkhih ia ngi da ka jingkmén kaba pynkhynñih.

“Ha ka kyrteŋ jong U KHUN LANGBROT jong u Blei nga kyrkhu ia me.”

“Kaei kan lah ban long ka jingmut jong kine ki ktien?” la kylli ka Mary, da ka jingsngewrhem mynsiem ka bajem jong ka. Uba iateh ktien bad ka u shu lah tang ban jubab ba um tip.

“Khatduh khatwai uwei hadien uwei na u paidbah u la nang iækhlað noh, lait sa tang khyndiat eh kiba sieh dara hapoh ki dieng ha ki rud jong ka wah. Ia u Joseph na Arimathaia bad ia nga la iehnoh lajan sa tang ma ngi kiba ieng hajan uta u nongiathuhlypa, bad kiba ñiew ia u da ka jingleh lyngngoh ka baŋgew-burom. Ka sngi ka la sa ban ngop ha lyndet ki iing jrong ka Jerikho, bad ka da airong da ka rong saw jngum kaba ithiang eh ia ki lúm kiba hapdeng ka wah bad ka Jerusalem. Ka Jordan ka da kem ia ka jingphyrnai saw jong ka, bad ka la tyllun shaphrang la kum ka wah kaba da ka um ksiar ba la ker kynton da u maw rong jyrngam emerald. Ka shyllangmat u nongiathuhlypa, ba la pynshai da ka kjat sngi kaba la tyngshain napdeng ki tnat dieng pomkranet, ka la i kum ka khmat u Moses haba u wan hiar na u lúm Sinai, ka burom jong ka jingshai. U la i-pyrkhat jylliew da ka jingpyrkhat ba kynja bneng, bad ngi la ieng jar-jar bad ngi la khmib shain ha u, khlem nud ban kren. Khatduh khatwai u la p̄bai sha ngi, u la wiatsamrkhié, bad kaba khublei ia ngi u la ksoh ia u diengduh ne shánduh ha uba u la ieng kyrshán, namar u la thait bad kylla thangiong da ki jingtrei jong u baroh shisngi, bad u la iaid suki suki arsut ia ka rud wah shaphang ri-khlaw. Um pat shym iaid bún kynjat ha kaba nga la sngew ia-ka jingpynkhih bam lah ban ialeh pyrshah ba hapoh mynsiem ban bud ia u. Nga rhem

ban iakren bad u—ban shong ha ki kjat jong u bad ban kylli ia u ki jingkylli shaphang kiei kiei ki bakhraw ba nga la iohsngew ia u ba u pynmih ha baroh ar ki jingkren jong u ! Nga la kwah ia u ban batai bad ban pynshai ia kaei kaba paw maian, bad pynhan kaba shlei da ki jing-pynpaw ki bakynsai. Nga la thyngsang ia ka jingshai—ia ka jingtip. Nga la khie kwah jur ba un plie ia ki jingthoh ha nga bad ban ai ha nga ia kata ka jingsngewthuh ka bam kut shuh shaphang kita kiba u u don. Namarkata nga la ong sha u lok baiaiaid lynti lem jong nga :

“Ia ngin iabud ia u, ban nang ioh jinghikai shuh shuh na u ia kita kiei kiei ki bakhraw kiba ngi la ioh-sngew ha kane ka sngi !

“U Joseph, kum ma nga, ba u da thrang ban iakren bad u, shisyndon u la kohnguh, bad ngi la iatur suki suki hadien jong u, katba u nang iaiaid ha ka rukom pyrkhat jylliew baroh shilynter ka lynti ri-shyap. Ka sngi ka lah da sep, bad u bnai u la ieng ha ka rud um kaba marpyrshah, bad u nongiaihuhlypa u la sangeh kumba u khmih shain halor ka jingitynnat synrai jong ka. Ngil shur shajan jong u. U la iohi ia ngi, hynrei um shym la leh kiar na ngi ; ynda ngi iohi ia kata, nga la jam sha khmat da ka jingsngewshaniah kaba leh tieng, bad nga la ong:

“‘Ko nongiaihuhlypa bakhuid jong u Blei Uba Ha Khlieh Tam Eh, men shah arngut na ki samla jong u Israel ban iakren ha me, namar ki dohnud jong ngi ki sngewieit ia me da ka jingsngewieit ?’

“‘Bad ngin da sngewbha ban iaiah-lok bad me ha ka ri-shyap, Rabbi’ la ban ktien u Joseph, ‘namar kam dei ia me ban shong kumne marwei’

“‘Hynrei kongsan eh,’ la ong sa ma nga, ‘ngi da mon ban kylli jingmut na me shaphang ka jingwanmih

jong u Kynja Riew Radbah Uba ia ka jingjan ka jingwan
jong U me iathuhlypa.'

"'Lok' la ong uta u nongiathuhlypa, ha ka rukom
ka bajai-jai bad i kynjai, 'nga long uba shong ha ka
ri-shyap, bad marwei, na ka jingjied. Nga jan sha ki
briew tang ban pynbna ia ka khubor jong nga. Ki
jingsngewbha ka pyrthei kim dei ia nga. Ka kam ba la
phah ia nga ka long kawei. Ka jingthmu jong ka ka iadei-
dor ia u nongiathuhlypa u bakhrawtam jong u Blei,
pynban nga long u harit-tam na ki, bam bitdor ba yn
khot u nongiathuhlypa bad ha khmat ka jingtyngshain
ka burem jong Uta ia Uba nga pynsawa sha ka pyrthei,
nga long ka dewmet jong ka tarajur. Lada me la wad
ia nga ban wad jingtip, alle bad shong bad nga halor une
u mawsiang, bad ai ngan iohsngew aiu me don ban
kylli na nga, ba nga lah ban jubah ia me bad ban leit la
ka lynti.'

"Ia kane la ong da kaba jem jai, i-jem myn-siem,
lajan kumba u i-leh sngewsih, bad ha ka sur kren kaba
la shah ia nga ban nang kham ieit shuh shuh ia u.
La kat ba ngan bret ia lade hi ha ka shadem jong u bad
ban iam hangta ; naba la ktah jur ia nga ba ia uwei ia uba
yn jied da u Jehoba ban long u nongiathuhlypa jong U ha
ka pyrthei, pynban u ban pyni kaba kat kata ka
jingpynrit dohnud bad ka jingsngewrit sngur mynsiem.
Ngi la ia-shong ia lade hi, uwei uwei ha ka krung jong u,
namar um shah ia ngi ban buh ia lade hi ha khyndew ha
ki kjat jong u, u da ong da kaba mai, kumba u la leh ia
kito kiba ngi la iohi ba ki dem khohsiew ia u, 'Nga,
ruh, nga long u briew i' Ka jingi-ohi bad ka kynta ki
biang bha na ka bynta ka jingiakren kaba kum kata ba
ngi lajan ban sdang. Ka lyngknep baiar j. ng u bnai ka
la theh ia ka jingshlei jong ka jingshat jingshai ba kum
ka rong sohñiamtra phak halor jong ngi, bad ka la ai ka
jingi-jem ka bakyntang khuid sha ka khmat riewblei
jong u nongiathuhlypa samla. Ka Jordan, kaba dum

la kum ka rong India, ka suh wia wia ha ki kjat
 jong ngi hapteng ki rud wah kiba la kah syrngiew dum
 jong ka, ka da phah sha ki shkor jong ngi ia ka jingkyndud
 khro khro jong ka lynti ba mawria jong ka. Haneng
 ki khlieh jong ngi la pyiar ka shanduwa bapyllun jong
 ka Templ u Jehoba, bad la ki lak ki putit ki ding
 duwan. Sha kadiang jong ngi la don ka Jerikho, ba shu
 dang lah ban iohi, ba ka da i la kum ka kynton radbah
 jong u mawsiang uba da ki iing-paki bam shym pynshai
 sharak lait sa tang da kawei ka ding nongap kaba meh
 halor ka iingmot ka bajrong tam eh. Shadien jong ngi la
 pyiar ka dew ri-shyiap, ka bam pynngewbha, pynban ka
 ba-itynnat, ha ki jingjingai kiba kynjah jong ka.

“Sha jngai bak la kiew halor ka lyer, bad la
 pynher sha ngi hateng-hateng ka jingsawa jong u nong-
 rwai ha kawei na ki iing-jaiñ, bad hajan jong ngi, halor
 u dieng shittim dieng akakia la shong ka sim bulbul ba
 marwei, kaba la rwai khlem sangeh ia ka jingrwai babun
 rukom bad bathiang sha u bnai uba nang sngap.

“‘Kiei kiei baroh ki iaroh ia u Blei—hato ngin
 sngap jar?’ la ong u nongiathuhlypa ‘To ngin rwai ia
 ka jingrwai lajan miet jong ka Templ.’ Nangta ie u la
 sdang, ha ka jingrwai kaba bang sngewtynnat, kaba kum
 kata ngam pat ju iohsngew na ki lyngdoh, ia ka Salm
 bakhuid jong ngi sha ka jingthaw baroh kawei jong u Blei.
 Ngii la iasohlang ki jingsawa jong ngi bad ka jong u,
 bad ka jingkhii atphyllung jong ka jingiaroh ka la
 her pynper halor ki um, bad ka la pynsawa kylla
 bad iaipynsawa biang na ki rud wah ba marpyrshah
 sngew kumba ki rud-wah bad ka wah, ki dieng, ki lum bad
 ka sahit bneng ki la kem jingsawa kumjuh kum ma ngi :

“Iaroh ! iaroh ! iaroh ! phi ia u Trai !
 Iaroh ia U ia ki bajrong ! iaroh ia U ha ki duriaw !
 Iaroh ia U ko ki Israel ! iaroh phi ia u Trai !
 Namar U kyniew sha jrong ia la ki bried,
 Bad U synshar ha la ka rta !

Iaroh ia U phi ki angel ! iaroh ia U phi ki paid baroh !
 Iaroh ia U sngi bad bnai, bad baroh ki khlur ka jingshai !
 Iaroh ia U ding bad phria ! iaroh ia U eriong bad ior !
 Namar U bishar ia ka pyrtnei ha ka hok,
 Bad U synshar ha la ka rta !

Iaroh ! iaroh ! iaroh ! phNia u Trai !
 Iaroh ia U, sim don thapniang, jyngru bad mrad baroh !
 Iaroh ia U syiem bad briew, khún syiem, lyngdoh bad
 nongsynshar !
 Iaroh ia U rang-samla, bad thei-samla, tymmen bad
 khynnah !

Iaroh ia ka kirteng, to kin iaroh ia ka kirteng,
 Iaroh ia ka kirteng jong u Trai u Blei ki Paid !
 Naba ka kirteng jong U ka long ka bakordor tam,
 Ka burom jong U ka hajrong ki bneng,
 U Israel u long u khún nyingkong-ki briew ba U ieit eh !
 Iaroh ! to ki Israel te kin iaroh ia U !
 Iaroh ia U ha la ka rta,
 Ha la ka rta,
 Junom ha la ka rta !

“Lano lano ngan nym lah klet ia ka jingktah ba la
 pynmih ha ka jinglong ba shapoh tam jong nga da kane
 ka jingrwai, ba la rwai ha kum kata ka por, ha kum kata
 ka jaka, bad ha kum kata ka jingialang. U nongiathuh-
 lypa u la rwai la kumba ialam ia ka kynhún nongrwai ki
 angel. Ka dohnud jong nga ka la khiih ha ka bynta ba
 iarwai lang sngew kum ban btnei, kumba kan thung
 sner ban her, bad iehnoh ia ka pyrtnei ! Haba ngi la khot
 ia ka lyer bad ia ki sim jong ka suin ban iaroh ia u
 Jehoba lem bad ngi, ka lah ban sngewthamula, hynrei
 ka jingsawa bathiang jong ka bulbulimat kumba ka
 theh sei na u pdot jong ka ka jingkyrhuh jingrwai kaba
 jlán, ba kham bang bad kham pynkmen, bad ka lyer ba
 sawa ha ki shkor ka la khun ngon ia ki dieng ban mane
 bad ka lapynlang ia ki jingpasiaw barngai jong ka bad

ka jingrwai Salm ki briew ! Da shisha, nga la pyrkhath, kan bha ia nga ban long hangne, namar kane kam lah dei shuh kaei kaei lait sa tang ka khyrdop sha ka Paradais !

“Ynda hadien ka jingsngap jar kaba shiphang, u nong-tathuhlypa u la kren bad u la ong :

“‘Phi la iawad ia nga, ko ki para na Israel, nga lah ma ban leh ei-ei na ka bynta jong phi ?’

“‘Ngi da mon ban dang iohsngew shuh shuh, ko nong-tathuhlypa bakhraw, shaphang une u briew u bakhraw bor, lada u briew lah ban khot ia U, U ban wan hadien jong me,’ la ong u Joseph.

“‘Nga lah ban iathuh ia me tang maiún-maían, ko ki para jong nga, nator kata kaba phi la iohsngew na nga ha kane ka sngi. Ia ka ban sa wan la kah. Nga rah ka khubor, shisha, hynrei ngam lah ban khlaw ia ka shab bad ban pule. Nga long tang u nonglam khubor jong u Blei sha u bynríew. Ha phi la ai ban tip ia kaba ym shym la pynpaw ha nga mynta. Suk, A katno suk shuh shuh long ma phi ki ban iohi, markhmat markhmat, ia Uba kynja Blei ia Uba nga lah tang ban shu iohi, bangut banget na jngai. Lada shah ia nga ban iohi ia U, kan long tang shiphang por, naba haba U wan, ngan khlad noh—ka kynti jong nga ka la dep. Katno suk long kito kiba im ban iohpeit pyllaw ia ka burom jong U, bad ban sngap ia ka jingsawa bajalijaum jong u Blei, kaba wan mih na ka rymmiang shyntur ba la sleh jong U.’

“‘Lano kan long ka jingwan jong U, bad ha kano ka dur bad ka bor ba Un wan Une Uba kynja Blei ?’ nga la kylli.

“‘Kum u briew, tang ba ym ha ka jingbhabriew ka dur ba ki briew kin ikwah ia U. Ka jingwanpaw jong U kan long kaba lehrít, sngewrit bad balui lui’ :

“Pynban phi la ong hynne ka sngi, ko Rabbi,’ nga la bteng-ktien, ‘ba ka bor jong u kan long khlem jingkut, bad ba ka hima jong U hangta ka ban nym’ kut shuh. Phi la kren ia ka burom jong ki hima jong U, bad ia ka jingpynrit ia ki syiem Jentil hapoh ka jingsynshar jong U.’

“‘Ia kane ngam lah ban batai—ka long ka jingmatán ia nga ! Nga kren kumba u Blei, Uba la phah ia nga, U ai bor ha nga ban kren. Nga tip ba Uta Uba wan hadien, jong nga U kham khraw bor ban ia nga, ia ka jingteh na ki juti jong U ngam dei-dor ban loit !’

“‘Phi la hikai ia ngi hynne ka janmiet, ko nongiathuhl-lypa bakhuid, ba Un long u Trai na Bneng ; bad pynban ba u Isafa u ong ba yn niewbein ia U ba yn shah kyntait da ki briew, ba la pynmong na ka bynta ki jingpalat jong ngi, bad la pynlwet na ka bynta ki jingbammanjong ngi !’

“‘U Mynsiem u Blei u hikai ia nga ba kine ki ktien ki thew ia u Shailo ; hynrei ngam lah ban shemphang kumno kine kiei kiei ki lah ban long,’ u la jubab, da ka jing-isngewsih ba jylliew.

“‘Nga lah ban pynkynmaw ia phi, ko Rabbi babha,’ la ong u Joseph, ‘ba phi la hikai ia ngi kumno ba une u Riew-Ba-Kynja-Blei Un dei ban lap, la U long u Trai ka Jingim, bad ba yn niew ha ka jinglap jong U lem bad ki nongpalat, la u Bakhuid jong u Blei ?’

“‘Bad kiba kum kita long ki jingjia kiba la thmu ban jia ; hynrei wat wad ban tip ia kaei ba ym shym la pynpaw ha uno uno u briew. U Messafa Balong Blei Hi U dei ban long u nongbatai jong U hi. Suk long kito ki khmat kiba iohi ia U, bad kiba shah shkor ha ka jingstad ka shyntur jong U bad ba sumar ia ka aifi jong ki rymmiang shyntur jong U !’

“ ‘Shah ngan kylli ia phi, ko nongĩathuhlypa bakhuid, jong u Trai !’ la ong u Joseph, ‘kumno kata, ba Uta ia uba ia phi la phah da u Blei ban sakhi U lah ban long u Nongpyllait jong u Israel, haba phi iathuhlypa shaphang jong U ka nusip ka basngewsih sat kum kata ? U Messala u long u ban pynloh pat ia ka Jerusalem, bad ka burom jong ka Templ, bad ka jingitynnat jong ka burom jong ka jingmane jong ka, naba kumta ong u Isala, kumta ong u Esra bad Jeremaia. La khot ia U u Khún syiem Badonbor, u Syiem, u Nongpyllait jong u Israel, U ban synshar ia ki jaitbynriew bad foh ka hima na ka duriaw sha ka duriaw, bad na ka wah sha ki bakut jong ka pyrthei ! Ngi, namar-kata, ha u Messala jong ki Nongĩathuhlypa, ngi la khmih-lynti ia u Nongsynshar u badonbor, U ban synshar ha Jerusalem ia ka pyrthei baroh kawei, bad U ban pyndem ia ki jaitbynriew baroh, Un da wallam mraw ia ki syiem sha ka jingluhkjat jong U, bad Un da khúm lang ia ki Khúnsyiem da ki kynjri ; ha khmat jong U ka khohsiew baroh kan pyndem khrup—u Syiem u ban nym shah ia ka khuloin riewpyrthei ban iuh top ha ka khyndew bakyn-tang jong ka Judia, bad U ban sa pynskhem ia ka jingma-ne u Jehoba ha man la ka jaka ha kaba mynta ka leng ka Templ jong ka jingmane bleithaw !’

“ ‘Ka hima jong U kam long jong kane ka pyrthei,’ la jubab u nongĩathuhlypa da kaba shonkhia.

“Kumno te ngi lah ban batai ia u nongĩathuhlypa Dabid, uba pynlong ia u Trai ban ong : Nga la buh ia u Syiem halor u lúm bakhuid jong nga u Selon ? Ruh, kumno ngin batai ia kito ki jingong u Isala uba, ha kaba iathuhlypa ia u Khrist ba la kyrkhu jong u Blei, u don kine ki ktien.

“ ‘Ia ka jingroi jong ka jingsynshar jong U bad ia ka jingsuk yn ym don jingkut, halor ka khet u Dabid bad ha ka hima jong U, ban pynbeit ia ka bad ban pynskhem ia ka da ka jingbishar bad da ka hok, naduh mynta bad shaduh ki bamjukut ?’

“Ngam tip. Kine ki barieh ki long bad u Blei. Ngam lah ban pynpaw ei-ei ruh ém. Nga long tang ka turoi da kaba u Blei u kren ; ngam tip ia ki ktien ba nga pynmih. Ia kane nga tip, ba i khynnah i barit tam bad u nongbylla sngi u bapoh tam uba im ha ka sngi jong u Messaia u long uba kham khraw ban ia nga. Nga long u bakhatduh tam na ki nongiathuhlypa. Nga ieng ha khmat jyngkhang jong kata ka hima badonburom, ka jingkhraw bad jingphyrnai jong ka ki la iohi na jngai bah, kum ka jingithupaw aiu-re-aiu bam shai byrngut byrngut bad ba kynja bneng. Kham jan ban ia ki, la shah ia nga ban kem ka jingiiohi khlik-lik-lik kaba kham shai ia ka burom jong ka, bad lah ban pynioh bok ha nga ban dang iohi shuh shuh ban ia kaba nga iohi mynta ; hynrei ia kane ngam don ka jingpynpaw bathikna. Ka dei ia nga ban plie ka jyngkhang ka bakhatduh kaba ialam na ka miet jong ka jingiathuhlypa sha ka step badonburom jong ka sngi jong ka jingpyndep ; hynrei ym shah ia nga ban rung sha lyndet ka tyngkong jyngkhang, lane ban ioh bynta na ki jingkyrkhu jong ka. Baroh kiba wan hadien jong nga yn niew ha shuwa jong nga. Hynrei ia ka mon u Jehoba dei ban kohnguh ! Nga long u jyngthaw jong U, bad ban khñium ym dei rukom ia ka dewmet. Pynban ai ngan shad kmen ha u Khlur-sngi U ban sa mih, la ki kjat sngi jong U kin phyrnai ha ka pyrtthei baroh kawei, lait sa tang ha nga.’ Ia kane la kren da ka jingsngewpang mynsiem bir kaba ktah jur eh.

“Ngi la khib mynsiem jur eh baroh arngut, nga leilei nga da jaw ummat, ha kaba iohsngew ia kine ki ktien ba la kren da u. Ka dohnud jong nga ka pang dohnud sha u da ka jingsngewlem bakyntang tam. Nga la dem khrup ha ki khohsiew jong nga, bad da kaba doh ia ka kti jong u, nga la pynsum ia ka da ki jingjawummat jong nga.

“U la pynfeng jem jai ia nga, bad u la ong ha ka jingsawa basngewthiang.

“‘Ko para baicit, men sa iohi ia U ia Uba nga phla, bad Un sa ieit ia me, bad men sa shaniah lyngngeh ha ka shadem jong U!’ Ha kane ka jingong,” la bteng biang u bakha ka Mary, uba ka jingsawa jong u ka khih kyih da ka jingkhiih tip-briew katba u nang kren artat, “Nga la jawummat; bad, da kaba ieng, nga la laid jngai khyndiat, bad da kaba khmied la ki khmat jong nga sha bneng, nga la dwai ia u Blei jong ki kpa jong ngi ba yn shem ia nga u babit ban ioh ia kane ka burom ba la kyrkhu.”

“‘Bad nga ruh ngan iohi ia une u Khún u Blei badonbor?’ la kylli u Joseph, da ka jingkyrpad.

“U nongiathuhlypa u la shim ia ka kti jong u ha la ka jong, bad u da pynneh den ha u ia la ki khmat ba-phyrnai jong u nongiathuhlypa, u la ong suki bad ha ki sur basngewrngai bad kiba pynpang mynsiem :

“‘Men sa rah ia U ha kawei ka sngi ha ki ksangti jong me, bad men sa buh ia U ha ka jaka thiah ha kaba me la pynkhreh na ka bynta ka jingjahtait la jong hi. Mem tip mynta ia kaba nga ong, hynrei men sa kynmaw ia ka ynda haba ka wan urlong!’

“Ynda haba u la kren kumta, u la ieng joit, bad u la kaweh la ka kti sha ngi baroh arngut, u la laid stet noh sha phang ri-shyiap, bad u la jah jar ha ka jingbtep jong ka jingdum kaba la sdien halor jong ka.

“‘Me iohsngew ia u?’ khatduh khatwai, ynda hadien ka jingsangeh kaba shiphang arphang, la kylli u Joseph ia nga. *‘Aïu ki lah ban mut ki ktlen jong u?’* Ki long kiba i-lypa ia ka jingjia ba-ishyrkhei afu-re-afu Ki khmat jong u ki pynpaw ia ka jingmut ba-ishyrkhei afu-re-afu. Ka dohnud jong nga ka khih khuslai.’

“‘Bad ka jong nga pat ka kmen,’ nga la jubab. ‘Ngan sa iohi ia U! Ngan sa long hajan jong U! A

ban da U long sriem kum une u nongiathuhlypa bathiang jong u Blei, ngan sa ieit ia U da ka jingim bakynja myn-siem jong nga baroh Katno ka baphylla ba ngin lasoh jan kumta bad une u Briew Bakynja Blei! To wan sngew-bha ko kynta jong ka jingwan ba la kyrkhu jong U !

“ ‘Men pdiang sngewbha ia ka jingwanmih jong u riewshah shitom ?’ la kylli ka jingsawa ka bajan katta katta haduh ba ka la pynkyndit ia ngi da ka jingkren kynsan jong ka ; bad, ha kaba phai khmih sawdong, ngi la iohi, uba ieng hapoh ka syrngiew jong u dieng olip khlaw, ia u samla uba la long u nongwei, hynrei sha uba nga hadien nga la sngew ieit eh. Ka khmat jong u ka la long ka ba-blad bad i-nep, bad u barit-met, hynrei ha ka dur-met u babiang dur bha. Ka jingkylli jong u shisyndon ka la pyndiaw ia nga, namar ka la pynkynmaw biang ia ki jingiathuhlypa basngew sangsot jong u Isaia.

“ ‘U dei ban long ruh u Syiem bad u Nongsynshar jong ka pyrthei bad u babha bad khuid khlem kut-tduh,’ nga la ong. ‘Lada me la don hajan men da la iohsngew ia kiei kiei ki badonburom ba u nongiathuhlypa u la kren shaphang jong U.’

“ ‘Nga la don hajan—Nga la ieng shaniah hajan une u dieng, katba phi nang iashong ia lade hangtai. Wat shah shukor. U Briew Bakynja Blei Uba dei ban wan U dei ban long u briew jong ki jingngewsih bad uba tip ia ka khuslai. U long ia Uba yn kyntait da ki Israel, bad ba la niewbein da u Juda. Kito ia kiba U wan ban kyrkhu kin niewbein ia U na ka bynta ka jingpoh ha ka long-ling bad jinglongrieh ha ka long-briew jong U. Ka jingim jong U kan long ka jingim jong ki jingjawummat, bad ka jingtrei shitom, bad ka jingkhia ka dohnud, bad ia U khatduh khatwai yn sa ot noh napdeng kiba im, bad ka jingpynjahburom kaba dei tang ia u nongpalat. Men pdiang sngewbha ia ka jingwanmih u riewshahshitom ?’

“‘Hynrei kumno me tip ia kane? Me long u nongiathuhlypa?’ Nga la kylli da ka jingsngewphylla bad ka jingsngewlyngngoh.

“‘Em, ko para, hynrei nga la pule ia ki Nongia-thuhlypa. Nga la iohsngew nalog nangta, ia ki ktien jong une u briew bakhuid, ba la phah da u Blei, bad u kham shon khia ha ka jinglehrit jong u Khrist ban ha ka jingiphuh iphieng bakynja syiem jong U. Ngeit ia nga, ka hima u Shailo kam long na kane ka pyrthei. Kam lah ban long jong kane ka pyrthei, lada kaba kum kata long ka jingim bad ka jingiap jong U; bad ba kata kan long ka jingim jong U, u Isaia u iathuh shai. Shah ngan pule ha phi ia ki ktien jong u.’ Nangta u la shim ia ka kot bakli na ka shadem jong u, bad u la pule da ka jingshai-bnai bashat phyrnai na ryngngi, ia kata ka bynta ba maián bad bam lah batai kaba sdang da ki ktien: ‘Uei ba la ngeit ia ka jingpynbna jong ngi?’ Ynda haba u la pynkut, bad la iohi ia *ka jingshongkhia ba ngi iamynjur* ba u la pynlong ha ki jingmut jingpyr-khat jong ngi, u la ban ktien: ‘Kane kam long ka jingiathuhkhana ia u syiem u bariewbha bakynja pyrthel, hynrei pynban ia ka jingai jingiathuh bapynpang nud ia ka jingim jong ka jingpynrit, ka jinglehraiñ bad jingibein’.

“‘Hynrei mem mut ban ong, ko para,’ la ong u Joseph da ka jingsngewshitrhem de khyndiat, ‘ba u briew bakhuid kyntang ba la phla da une u nongiathuhlypa u dei ban long uei-uei ia uba yn ibein?’

“‘Hato u Isaia um ong ha ia U yn ibein, yn pynmong da ki dieng sympat, yn kyntait da ki briew, yn set byndi, bad yn pyniap la kum ia u nongpalat jong ka hukum?’

“‘Ym lah ban ong da kumwei pat hynrei ba u Isaia u kren shaphang u Messaia, nga la kren kyntoh.

“ ‘Une u nongiathuhlypa jong ka Jordan mynta u ai ka jingphla kaba dap biang sha u Isaia, bad u pynladei beit kdar na ki ktien jong u sha Uta ia uba u la wan ha shuwa ban pynbna,’ la jubab uta u samla, da ka jinglait ktien bha ka bajem shirukom ha baroh kaba u ong. ‘To ngi ia kiba la shah pynbaptis ha kane ka sngi na ka bynta ka jingmáp ki pop jong ngi, ngin khmih-lynti ia u Messafa jong ki jingsngewsih, ym ia u khún-syiem ba jop pyrthei. To ngin iakhmih ia uwei uba háp ban pynrit ia Lade hi hapoh ka lyngkor jong ki jinglot briew, ba ia U lah ban kyntiew, bad ba Un ring ia ki briew baroh hadien jong U sha ka hima ki bneng.’

“ ‘Hynrei ka khet u Dabid’—la wohnia u Joseph.

“ ‘Ka long ha ka kti kamon u Blei.’

“ ‘Hynrei ka Jerusalem, bad ka jingsynshar jong ka halor ki jaitbynriew?’

“ ‘Ka Jerusalem ba ha khlieh, kan long halor baroh.’

“ ‘Hynrei ka hima jong U ka ban long bamjukut.’

“ ‘Ka long ha kaba *ka jingim* ka long bamjukut. Kumno U lah ban synshar ia ka hima babamjukut hangne ha ka pyrthei, khlem da im junom, bad ki raïot jong U ruh? Hato ha ki Nongiathuhlypa ngim pule kumta? Kumba u Adam u la háp bad la duh ia ka Paradaïs, kumta u Messaia, kum u Adam u baar, u dei, kum u briew, ban pynrit ia Lade ha ka jinglong briew, ban ai kuna na ka bynta ka jingsniew jong ngi; bad ynda U la pynlong ka kuna kaba dap biang na ka bynta jong ngi da ka jingim jong U bad ka jingiap jong U, Un sa thied kylla ia ka hima ka Paradaïs na ka bynta ka jaitbynriew; hynrei U pynioh pat ia ka sha ngi ym ha ka pyrthei, hynrei ba la pynkylla thymmai shaneng, ha kaba ki angel ki dang lai ker ia ka ha ka hima u Blei.

Ka dei kane ka hima kaba une u nonglathuhlypa u pynbna kumba ka la hajan, bad ia ka lynti shata- u Nongialam bad u Syiem jong ngi U lah ban iuh tang lyngba ka ktieh jong ka pop u Adam, kaba pharait lyngba kane ka pyrthei; hynrei khlem ka jingthoh-dak jong ka pop halor ki jaiñkup jong U. U, ba U da long U nongbah ia ki kam bymman jong ngi, ngin sa iohlait namarkata ia ka jingsympat jong ki. Ba la pynkoit da ki jingmong jong U, ngin sa iohlait na ki jingpynsaja kiba ki pop jong ngi ki dawa. Ba la pynshet halor jong U long ki jingpalat jong ka pyrthei; bad da kawei ka jingkaia baradbah jong U hi, ba la pynkit kumta, kum ka jingainguh ia ka pop, Un sa pynlong ka kuna na ka bynta ka iing bakhraw jong u Adam, bad pynioh pat ia ka jaitbynriew jong ngi sha ka jingpyniasuk bad u Jehoba. Uba kum Uta long u Messaia jong ngi ia Uba ngi ap khmih-lynti. Ani wow! katba ngi nang khmih-lynti ia U, to ngin milai lang ia ki jingjawummat bad ka jingkmien jong ngi, bad pynrit ia lade, ba ia uwei u bakhuid bad bapalat liam katta katta la thmu lypa ban shah ia kine kiei kiei na ka bynta jong ngi, bad haba ngi iohl ia U, to ngin dem khruw ha ki kjat jong U ha ka jingmane da ka jingsngewnguh ia ka jingieit bad jingaiei jong U, ia ka jingisnei bad jingbha jong U, ia ka jingkheinduh ia lade bad ia ka jingaiti mon sngewbha badonburom jong U hi ia lade kum ka jingkaia namar jong ngi, namar ym lah ban don u nongshah-iap uba kham kordor bad kham ha khlich ban ia U ha ka jingthaw baroh kawei jong u Blei, namarkata U la *tyrwa ia lade hi*, katba kum ki ktien jong u nonglathuhlypa kaba ai jingthoh ia ka jingtyrwa mon sngewbha jong U, "Ha khmih, *NGA wan BAN LEH* ia ka mon jong me, A Blei!"

"Ynda haba uta u samla u la kut kaba kren, u la laid noh. Ba la shoh jur da ka jingpynkhih bapalat bor, nga la bud, bad shim ia u ha la ki ksangti jong nga, bad da kaba kdup ia u, nga la ong. 'Da shisha me long u nonglathuhlypa! Ki ktien jong me ki ngam ha ka

dohnud jong nga kum ka jingkyrtoh patoh jingsawa jong ka jingiathublypa hyndai.'

"O ém. Nga la nang ia kine kiei kiei da kaba pule minot ia ka Jingthoh Bakhuid.' u la ong, da ka jingishai ka khmat ba kum u angel bad ka jingsngew bam long ei-ei. 'Hynrei la iarap ia nga, haduh katno ngam don ktien ban batai ia me, da uwei uba don ka jingstad bad ka jingshisha kaba shongsah ha u palat ia ki briew baroh, bad ha uba ka long ka jingsngewkmen jong nga ban ioh kum la u lok baieit thepmynsiem, namar u iajan eh ka rta bad nga, Lada nga stad, ne hok, ne bha, ne tip ia ki Jingthoh Bakhuid, dei namar ba u la long u nongsylla bad u nonghikai jong nga.'

"'Kaei ka kyrteng jong u ?' nga la kylli, 'namar nga ruh nga da mon ban leit shah hikai na u.'

"'U kiar na ka jingialang paidbah, bad u iakren tang bad ki katto katne, bad u kdat na ka jingpeitthuh baroh. Khlem da ioh bor na u, ngam lah ialam ia me sha u. La katta ruh ngan da kylli na u, lada phi da kwah eh.'

"'Kaei ka dur khmat jong u, bad hangno u shong ?' nga la kylli, nga da sngewkwah tip shuh shuh.

"'U sah mynta ha Bethany, ka shnong jong nga hi. La ieit ia u da ngi katta katta, ba ngi bat ia u kum u lok ba wan kai sngewbha jong ngi. Hynrei u shong ha kiwei ki por bad ka kmie jong u, ka riewkynthei bakhuid na ka jinglong kyntang khuid bakhraw bad ka jingikbraw mynsiem ba kum ka kmie, kaba shong ha Nasaret ha ka jinglong duk, bad u kamai da ka jingtrei shitom ia ka ban kyrshan ia ka da ka jingleh hok ba ai nuksa kum u khún ; u da buh ka rukom namarkata ia ki samla ka Juda, kiba ha kane ka juk ki pynlong ka jingrkhie bein ha ka jingbat pyrkhing ha ka jingladei bad ki kmie ki kpa, bad hapoh ki jingpynmlien basniew

kiba ki jingaibor ba lait-lán ka rukom babamman jong ka Korban ka ai, ki khein sting ía ki bad kim leh ei-ei shuh na ka bynta u kpa ne ka kmie jong ki. Ha ka jingshisha, ym don briew uba la ju wan hajan ban íakren bad u, khlem da iehnoh ía u ban shem ía lade hi u briew ba la kham stad bad kham bha.'

" 'Shisha,' ía ong lang u Joseph bad nga, 'phi shu nang pynskuin ía ka jingkwah jong ngí ban íohi ía u, Ka dur-khmat jong u ka dei ban long kaba i-donburom.

" 'Um don lymne ka jingbhabriew ka dur lymne ka jingi ka khmat ka ban shoh ía ka khmat ; hynrei ka don ha ka rengmat jong u ka jingi riewkhrav mynsiem kaba i-eh shynrang, ba la pynijem da ka jinglung mynsiem, kaba kem ía ka jingsngewburom ka juk, bad ka íoh ía ka jingieit ba lah shaniah jong ka jinglong u khyannah. Ki khmat jong u ki phyrnai da ka jingshai, kaba i jajai bad sngur, la i kumba ki phyrnai da ki jingpyrkhat bakhuid bakyrsoi na shapoh, bad ki neh sah halor jong phi, haba u kren, bad ka jinglung dohnud kaba long kum ka jingshai ba háp umjer jong ka jingkhmih shain jong ka kmie samla, haba ka dem ha ka jingsngewkmen bajarjar bad ki jingjawummat halor la i khún nyngkong jong ka. Um ju wiat samrkhie, hynrei pynban ka khmat bnai jong u ka long kawei ka jingphuh sngi bajem jong ki kjat sngi ba wiatsamrkhie, ba la pyn-i jem ha ka rukom bam lah batai da ka jingkhmih ba neh den jong ka jingsngewsih, ka jingkah syrngiew lajan bam lah íohi jong ka jingsngewsih ba neh skhem, kaba imat shat syrngiew lypa ía ka jingim jong ka jingshah tynjuh bad jingshah shitom Haba u pule na ki Nongíathuhlypa, bad u khyllie syrtap la syrtap ha ngi, da ka jingstad ba ngi lah ban khein ba la ai ía u tang na bneng hi, ía ki jingshisha bakhraw kiba íathuh ía Uba ngi khmih-lynti la slem, bad, kumba ngi mynta ngi ngeit, ía u Messaíá uba la hajan eh mynta, u imat ba u kren da ka jingpyrsad mynsiem, pynban khlem ka jingkyndeh

mynsiem, hynrei jaijai kumba dei ban long, ha ka jingsawa ka bajem ka sur, ia kaba ym ju la kyang ne kren jam ha kano kano ka por, lymne ym ju lohsngew ha ki surok bah.'

"'U dei ban long uwei pat u nonglathuhlypa,' la ong u Joseph, da ka jingsngewshitrhem bajur.

"'Um lathuhlypa, lymne ialap,' la jubab uta u samla.

"'Kaei ka kyrteing jong u ?' nga la kylli.

"'U Jisu, u Nong-Nasaret !'

"'Ngi baroh arngut ngi la kular ban kynmaw ia kane ka kyrteing; bad namar ba ka lynti jong ngi sha Jerusalem ka dei ia id lyngba ka Bethany, ngi la iakwah eh ban ia leit jngoh ia u; hynrei ia kane ka bynta uta u samla u la ujur da ka bajai-jai, tat ynda, u la pyntip ia ki jingkwah jong ngi sha u, te ynda hangta u lah, lada u kwah ban iohi ia ngi, ban phah ktien ia ngi sha Jerusalem ban leit sha Bethany.

"Katba uta u samla u lajan ban ia id noh, nga la kylli ia u ia ka kyrteing jong u, namar u la ring tynggeh ia ka dohnud jong nga sha u, bad nga la sngew ba lada nga la lah ban long u lok jong u, bad u lok jong uta u samla bastad na Nasaret, uba iasah bad u, ngan da sngewsuk jai, bad ngam don da kawei pat ka jingkwah,—lait sa tang, ha ka jingshisha, ban im tat haduh ban da wan u Messaia, bad ba nga lah ban khmih ha U, bad buh la ka khlich jong nga halor ka shadem bakyntang khuid jong U.

"Ka kyrteing jong nga ka long u Lasaros, u Nongthoh,' u la jubab, katba u nang leit noh."

"Kaei !" la kem ktien ka Mary, haba u bakha jong ka u la pynmih ia kane ka kyrteing, "kata te nga ithuh

bha ia u. U dei u hynmen ka Mary bad ka Martha, baroh ar ngut ki lok ha Bethany, ha kaba nga la sah shi taiew mynshem snem, thik shuwa ka Niam ka Jinglait."

"Nga sngewbha ban lohsngew ia kata," la ong u Ioannis, "namar kane kan long ka jingteh lok kaba kham jan hapdeng jong ngi. Ha kawei ka sngi ngi la nang pynthymmai ia ka jingia-ithuh ithaw jong ngi, bad hadien lai sngi ngi la iakhlad lang sha la iing la iing. Ynda poi ha Bethany, u Lasaros u la tip ba u lok jong u u la leit sha Kana, ha Galilaia ha ka jingleit jngoh bad ka kmie jong u, ia ka iing jong uwei na ki kur jong ka, uba ka khun jong u sa katto katne taiew kan sa shongkurim."

Te mynta, ko para baieit jong nga, ynda nga la ai lut sha phi baroh ia kaba u Ioannis u la iathuh ha ngi, phin iohi ia ki nongrim aiu ki don ban khmih ha u nongiathuhlypa ka Jordan kum u briew ba la phah da u Blei, lane ban ngeit ba u long u Elias shisha ia uba u Malakhi u la iathuhlypa, bad uba, kumba kiba-stad kot tam na ki Nongthoh ki ong, u dei ban da wan shuwa ban pynbna ia ka jingjanwan jong u Syiem ka Jingsuk, u Shailo jong ka jingkyrmen u Israel. Ki jingkyndeh mynsiem jong nga, ki jingmut jingpyrkhat jong nga, ki jingsngew ki jong nga, ha kane ka por, ki iapakhuh bad shlei da ka jingbamnangrai. Na kawei ka liang, nga kloi ban kylla long kawei na ki synran u Ioannis jong ka Jordan, bad ban shah pynbaptis da u, da kaba khmih kyrmen ha ka jingngeit sha Uta U ban sa wan nadien. Ha kawei pat ka liang, nga khynniuh nger ioh baroh kan long tang ka jingpynmaia, namar kam inat lah long ba ka long ka bynta jong nga ban im ha kata ka juk ba la kyrkhu ha kaba u Messaia U wan, ka por ha kaba baroh ki kpa tymmen bad ki nongiathuhlypa ki lai ap khmih-lynti, ki da kwah ban iohi ia ki sngi jong U, hynrei kiba la iap-noh khlem da ioh bat ia ka kular, ki da iohi ia ka tang na jngai bah. Ka jingkhraw ba

khlem jingkut jong ka bok ka long baroh kein kaba pynsgew artatien ia nga. To hikai pynsgewthuh ia nga, pa baieit; plie ha nga ia ka jingkyshew jong ka jingstad jong phi! Phi long uba la pule bha ia ki Nong-iathuhlypa. Te u nongiathuhlypa samla jong ka ri-khlaw u la pyndonkam shisha ia ki nongiathuhlypa jong ki ha ka jingpynladei ia ki sha u Messaia? Hato ka dei ma kata kaba u Lasaros banep jabieng u la ring dur shisha ia ka jingpeit khmat basngewsih jong ka jingiaid jingieng ba ha kaba dum jong U ha kane ka pyrthei? Kumno sha ki jingiathuhlypa ba iapyrshah lah ban pynlawan *ha kawei pat ka* rukom nalor kata ba u samla na Bethany u la pynshai ia ki? To batai sha nga ia kawei pat ka rukom jingbatai, pa baieit, kumno ba U lah ban long lang u syiem bad u koidi? U Trai ka Jingim. pynban uba shah ia ka jingiap! Bad ka hima kaba khlem pud kat ka pyrthei, pynban uba la ibein bad niewbein da ki briew!

Ka jingai jingiathuh ba la wallam da u Ioannis ka la pynlong ia u Rabbi Amos ban pule minot ia ki Nong-iathuhlypa, bad da shisha baroh ki briew ki la dang ap khmih-lynti ia ki da ka jingthrang kwah tip shuh shuh ia kaba ym pat ju la bna mynshuwa; namar ki paidbah kiba mih noh na u nongiathuhlypa thymmai ki iapynbna ia ki jingiathuhlypa jong u kylleng la kylleng lyngba ka ri baroh kawei. To u Blei da shisha kein Un kyrkhu ia la ki briew jong U bad kynmaw ia la ka bynta lohpateng jong U!

ADINA.

VI. KA SHITHI KA BAHYNRIEW.

KO PA BAIKIT JONG NGA,—Ka jingkoit jingkbiah bad ka jingsuk ia phi, bad ia baroh ki lok ki jor jong nga ia kiba nga niew burom bad sngew ieit ha Aleksandria! Nga la iohi biang ia u Ben Israel bapalat liam, uba bad u, saw bnai ba la lah, nga la iawan na Ijipt, ban shong sah ha Jerusalem. Ym tang ba u la ai ha nga ia ka shithi jong phi, ryngkat bad ki jingai sngewbha ba

diang hun ba phi la phah sbun da ki kti jong u, hynrei
 ruh uba la pyntip skhem ia nga shaphang ka bha ka miat
 ka koit ka khiah jong phi ha kiei kiei baroh. U don
 mynta kumne ha Damaskos, shata u la leit shen shen
 hadien ka jingwanpoi jong u hangne, khnang ban thied ia
 ki syrti Syrian bapawnám jong kata ka nongbah ia kiba u
 leit rah sha Ijipt da ka jingtohnong bakhraw, lem bad kiwei
 kiwei ki mar khañi U kren skhem ha nga ba u dang ioh
 bún ka spah da ki kynhún ut íaid khañi jong u, ha kaba
 nga shadkmen, namar u long u briew badeidor bad ba lah
 ban pyníadei jingmut. Ki jingkren khroh jong u ba ngan
 wan phai noh sha Aleksandria bad u, lajan ba kin tyllép
 ía ki jingkut jingmut jong nga ía ka ban dang sah shuh
 hangne, ban nym dei na ki hukum bashai jong phi ba phi la
 pynshet halor jong nga ban pynsule-kam ía ki kabu bapher
 kiba ka Jerusalem ka pynbiang ía ka ban nang pynsan
 pynrangbah ía ka pyrkhat ka pyrdain; ban nym da dei de,
 ba nga sngew kitkhia shikatdei eh ha ka jingkyrsoi jong
 ka jingkhmihlynti bakhraw jong u Ísrael. Ka shithi jong
 phi, pa baieit, ka hukum ía nga ban pyndam ía kane ka
 "jingsngewphylla" na ka jingmut jong nga, bad ban íai
 mane da kaba sngewrit ía u Jehoba ha ka rukom ki kpa jong
 ngi. Nga shaniah ba ía kane ngan íai leh, ko pa baieit
 jong nga; bad lada nga leit lap ha une u nongíá huhlypa
 kano kano ka jingthap lam' ban pynpoi sha ka jingngeit
 thymmai, kaba íapyrshah bad ka jingngeit hyndai jong u
 Abraham, ngan sngew kyíuh ban pynjuh ía kata lada
 tang shikhyllipmat ruh. Phi ong ba une u briew u dei ban
 long "u nongiathuhlypa bapoh bad bashukor," lymne un
 ym long u sangot ía u kynrad bahiar dor katta katta bad
 ba la ibein kumba u pynbna ba Un long Uta u Khrist ía
 Uba u ai sakhi "La don bún ki Krist lamler bad ki
 nongiathuhlypa lamler, khún jong nga," phi ban ktien,
 "bad u Ísrael u la íaphet hadien jong ki, kumba ki
 íamareh mynta hadien une u Ioannis ka Jordan, bad ka
 jingmih ka la long, ba ki íap ei ha ka ri khlaw lane la
 ot lyngkhot lyngkhai ía ki, lang bad u nongshukor jong
 ki, da ka jingsngewbishni jong ki Lat Roman, kiba la

khmih ha kita ki jinglalang kum kiba shet hima. To bat skhem, ko khún jong nga, sha ka niam jong ki kpa jong ngi, bad wat shah rong noh, kumba nga sheptieng phi don ha ka jingmynsaw mynta kumba ka long, da une u nonglalap riewkhlaw jong ka jingkylla ka bamut. Ka hima jong u Messaia kam long jong ka hima jong ka jingkylla ka bamut bad jong ka jingpynrit, hynrei ka long ka jingjop thiaw, ka jong ka burom bad jong ka bor synshar. Haba ktah shaphang kito ki jinglathuhlypa jong ka jingsngewrit bad jingpynpoh ia kaba une u nonglathuhlypa ka Jordan u pyndei sha u Messaia, kim don jingladei ei ei sha u Shailo bad u Khún Syiem Uba ngi khmih-lynti ma ngi. Ki lah ban kdew ia uno-re-uno u nonglathuhlypa ba kham poh kyrdan u ban sa long u nongprat lynti jong u Khrist bashisha (namar ia kaba Un don u nongprat lynti ki Jingthoh Bakhuid ki kren shai katta katta ia kaba ym artatien ei-ei), lane, kumba don kiba ong bad ngeit, khamtam da ki Pharisi, ba don ar ngut ki Messaia—uwei u ban wan ha ka jingpynrit bad jingshahshitom sha ki *Jentil* kum ka kuna na ka bynta ka jingmáp ei ia ki **pop jong ki**; bad uwei pat u ban sa wan sha NGI ha ka bor syiem, ha ka burom bad ka jingphuh jingphieng, kaba kat kata ym pat ju don nongsynshar pyrthei uba la mih paw, bad u ban sa pynlong ia ka Jerusalem ka nongbah jong ka pyrthei baroh shityllup, bad ki Syiem jong ka pyrthei kin ia ai khajna ha ki kjat jong U. Uba kum uta long u Messaia jong ngi ia Uba u Trai ki Paid to Un phah kloï, ban khyllie ia ka Juda na ka dewmet jong ka jingshah pynrit jong ka ! Lada u briew ba lehrít ba une u nonglathuhlypa jong ka ri-shyiap u pyrta sangot Un long u Messaia, u dei uta tang ia ki *Jentil*, kiba ki jingleh bamman bakhraw jong ki ki donkam ka jingpynsaja lade bad ka jingpynrit jong uta uba wan na u Blei, ha ka rukom kuna namarkata; hynrei um dei u Messaia ia u Israel, lymne u Khúnsyiem badonbor u ban sa shong ha ka jaka shong u Dàbid ha ka khet ha Seion. Namarkata, ko khún jong nga, phi kum ka khún kynthei u Israel wat leit salia ha kane ka jingsngewthymmai kaba wan mih na ka ri-khlaw, bad ba hadien jong kata shiteng jong ka ri

ka la lamareh bieij lamwir lamtham. Ap, laishah ! ka Sngi jong ka burom 'u Israel kan sa mih shisha bad tyngshain, bad baroh ki jaitbynriew kin sa lohi la ka bad shadkmen. Wat pynleit jingmut shuh la kaci ba ka parakha jong phi ka la iathuh la phi. Haba u Messala u wan yn pyrtu sangot la u da u brier uba kham paw nam bad donburom ban ia u samla laiphew snem ka rta, uba la phong da ki snieh mrad. bad uba bam jingbam da ki puit bad ka ngap khlaw, uba ia ka jingsdang bad ka bor iktiar jong u ym don ba bna. Da kaba shaniah ha ka jingsngewthuh brier babeit bha jong phi bad ka jingbisha bajaijai jong phi, ko Adina jong nga, kan lalam la phi shisyndon ban shim ia kine ki jingpyini jingmut jong nga, ngan nym da kyntu eh shuh, kumba nga leit tieng shisha kein ia ka jingphaidien noh jong phi, na ting ki kpa jong phi, ka jingjia ka ban wallam ia u niuhlieh jong nga arsut sha ka jingtep da ka jingsngewsih. Ka long ka jingngeit jong nga ba une u nongiathuhlypa u lalap tang la lade, bad da ki jingpynsngewthuh bashukor bad bamaian shaphang uwei pat u ban wan hadien jong u, u dang lum paid na u paidbah ba ap kmang sawdong jong u ban pyndonkam ia ki kum ki atiar na ka bynta ki jingthumu bathrang bor jong u hi ; bad, ha ka por ba phin thoh biang sha nga, nga khmih lynti ban tohsngew na phi ba u pynbna paidbah ia lade ba u dei *uta* u Khrist, khatduh khatwai ; lane ba ma u bad ryngkat kiba shah lalam baroh da u, yn sa pynjot thiaw da ki waitlam jong ki pyrtu shipai Roman."

Kumno nga lah ban thoh sha phi, pa baieit jong nga, ia kata kaba kyntu ia u khulom jong nga, hadien kaba kum kata ka jingpynpaw ia ka jingsngew mynsiem jong phi kum kaba phi la pynlong ha kane ka jingsot lyngkhot jong nga na ka shithi jong phi ? Hynrei nga tip phi long u bastad, bad ba phim shym said lait na ka jingshisha, lada ha kano kano ka dur ba ka shah ia lade ba phi, bad nga namarkata, da ka jingsngewshngaiñ ha ka jinglehhok bad jingstad jong phi ngan pyntip shaniah ha phi la ki jingjia kiba ladei shaphang u nongiathuhlypa

kiba la jia long, bad kiba lah ban jia ha Judia hamar ka jingsah jong nga hangne. Shahshkor ia nga barobor da ka jingkhuid mynsiem, bad bishar khlem jingsah shiliang ei-ei ; namar kane ka long, khlem artatien, ka sngi jong ki jingpynpaw baphylla. Nga mutdur ba nga lah ban tohi mynta ba ka shyllangmat jong phi ka dum, bad ba phi ong, "Keinnoh shaphang kane. Ngin dang ia loh shuh shuh shaphang une u nongiathuhlypa bathymmai ?" Hooid, ko pa baieit jong nga, dang don shuh shuh pat, bad ia ki jingjia kiba kham phylla ia kiba ngan dang ia-thuh palat ia kiba nga la ju thoh, namar katto katne na ki lyngdoh ki jong ka Templ ki la kylla kiba ngeit ha u nongtohi ba dang samla.

Phin kynmaw kumno ba u Ioannis, u bakha ka Mary, u la iathuh ba bün bün ki lyngdoh bad kiwei pat ki la thut ha ka jingialap babeit sak jong u nongiathuhlypa ia uba ki la ialeit sha ka ri khlaw ban leit khmih. Haba ki la wan phai sha Jerusalem, bad pynbna sha kiwei pat ki dkhot jong ka ling ki Lyngdoh ia kaei ba la kren pyrshah ia ki, da kaba pyniadei ha ki ia ki ktien u Isaia bad Jeremaia, bad sha kiwei pat ki nongiathuhlypa, la khie buk shisyndon ka jingiahyang pyrshah ia u. Bün na ki Lebi ki la iaklet wat ia la ki kamram ha ka Templ, da kaba ia saidthma bad ki Nongthoh bad ki Pharisi, bad kiwei pat, ha ki surok bah, hapoh khilon jong ki khyrdop, bad ha ki jaka lew, shaphang une u nongiathuhlypa thymmai, bad ia ki jingken pynrem bashlan jong u pyrshah ia ki ; ki da kham iasngewsih sat ha kita ki jingken namar, wow ! ki da donhok eh ban toh na ki jingim lyngkar jong ki. Khatduh khatwai u Annas, uba long u Rangbah Lyngdoh lem bad u Kaiaphas, ki la iaphah arngut na ki banang bastad tam jong ka Templ, ki Lebi ki bakhia ka longbriew, ban leit khot ia u sha Jerusalem ; namar u Annas u long u briew u bastad, bad u bam shah rong kloi da ka jingsngew paidbah ; bad, kumba u Rabbi Amos u la iathuh ia nga, u la kham thiah jingmut ban peit ha ka jingialap u Ioannis, namar kata ka long ka kyrteng jong u, da ka khmat ka bakhia bad sngewburom.

Ki nonglam ktien ki la wan phai hadien ka sngi ka basan bad ki la pynbna la ki ripod sha ki paidbah ha ka phyl-law jong ka Templ, ha kaba ki Rangbah Lyngdoh ki iashong ban pdiang ia ki, ki da khmih lynti ban iohi ia u nonglathuhlypa hapdeng jong ki. Khatduh khatwai, ia ka jingialang paidbah la ialum, ki arngut ki Lebi banang bastad bad badonburom ki la iateng lang joit, bad ki la pynbna ba ki la ai ia ka khubor sha u Ioannis, u 'khdn u Sakharafa u nongiathuhlypa jong ka Jordan, bad ba ia ka jubab jong u la ai da ka jingsngewburom badei kyrdan ia u Rangbah Lyngdoh uba la phah sha u.

“Khie leit bad ong sha u Rangbah Lyngdoh badonburom” la ong ma u, “ba nga long ka jingsawa jong uwei uba pyrta ha ka ri khlaw, kumba la thoh ha ka kitab ia ki ktien u Isaia u Nongiathuhlypa, uba, da iohi lypa ia ka sngi jong nga, ‘Ka jingsawa jong uwei uba pyrta ha ka ri khlaw, To pynkhreh phi ia ka lynti u Trai, to pynheit ia ki lynti iaid jong U, Ka doh baroh kan sa iohi shen ia ka jingpynim u Blei. Ka jingaikhubor ia nga kam dei sha ka nongbah lymne sha ka Templ, lymne ban rung sha kano kano ka iing Israel. Uta u ban sngap ia ka jingphla jong nga shaphang jong U u dei ban wan wad ia nga, ai un wad ia nga ha ka ri-khlaw, ha kaba ia nga la h. kum ban rah la ka jingsawa jong nga haduh ban da wan u Shailo.”

Haba ki lyngdoh ki la lohsngew ia kane ka jubab ki la iabitar shla, bad bun kiba iapyrta bitar kiwei da kumne bad kiwei da kumtai; ki katto katne ba dei ban wad bad lynthem maw ba u nud kren pyrshah ia u Rangbah Lyngdoh (ia kaba um shym la leh, pa baieit, namar ka dei ia u ban kohnguh ia u Blei ban ia u briew); kiwei pat ba dei ban tian bishar ha khmat u Lyngskor Pontios Pilat, u Lat ka Judia, kum u briew u bamynsaw bad hapynkiat ia u paidbah bad uba shet pyrshah sorkar. U Kalaphas u don ka jingsngew kum kine kiba hadien, bad u la thoh, na ka shuki bishar jong u, ka shithi bajrong sha u nongsynshar Roman, u da ai jingmudui pyrshah ia u nonglathuhlypa

jorg ka ri-shyap, bad u da aibuit aibor ia u ban pynkem ia u briew, loh ka jingmynsaw shuh shuh kan nang mih nangta ; u da ban ba u Tiberios Kaisar ynda u lohngew ia kane ka kam, un leit poi jingmut ba ka long ka jingkhieh jong ka jaitbynriew Jiw baroh kawei, kaba kwah ban kyn-dat noh ia ka jingsynshar Rom hapoh u sytem rit thymmai, bad ba kumta un wallam ka kynhún shipai halor ka ri, ban pynjot thiaw ia ka. Hynrei u Annas ba kham jem mynsiem u la khmih ia kane ka kam baroh kawei da ka khmat ka bapher bad u la ong :

“Ko ki rangbah bad ki para —wat ai ba yn leh ei-ei kyrkieh. Lada une u briew u long u nonglathuhlypa lam-ler, un sa iap shen, ngin nym lohngew shuh shaphang jong u. Lada, kumno-re-kumno, kumba kan paw ba la phah ia u da u Blei, ngin nym kyrkieh ban pynmynsaw ia u, loh lehse yn shem ia ngi kiba laleh pyrshah ia u Trai ki Paid.”

Kane ka jinglongadkar ka la shem jingsngewbha tang bad ki khyndiat ngut, bad na kine ki khyndiat ngut, u Rabbi Amos u la long uwei. Hynrei lada ia ki Lyngdoh kiba shlei ha ka phyllaw bashabar, ha khmat jong u Rangbah Lyngdoh, la pynkhieh jur da ka jingwan iathuh ia ka jingai jubab u nonglathuhlypa, ka jingshongshit jong ki ka lajan ym lah bat lakam shuh haba baroh arngut, u Melkhi bad u Heli, ki nongrah ktien jong ki, ki la ieng joit, ki da kaweh la ki kti ban pynsngap jar, bad ki la pynbna, ba, ynda ki lah shahshkor ha u nonglathuhlypa sha uba la phah ia ki, ki la sngew dei eh ia ka jingshisha ki ktien jong u bad ia ka jingphah ia u da u Blei bad ba ki la shah pynbaptis da u ha Jordan ki da phla ia ki pop jong ki !

Sa tang ka jingsngewkyntang khuid ia ka Templ kaba la khanglad ia ki sanspah ngut ki lyngdoh na kaba tur iap sha ki, ban shoh ia ki haba ki la lohngew ia kane—Ia ki la phah kem shisyndon da ka hukum u Rangbah Lyngdoh, Kalaphas, na ka hynta ba ki leh ha ka rukom bam dei rukom ia u Lyngdoh jong u Blei Ba Ha Khlich Tam :

"naba", u la ong. "kane ka long ban pynhiardor la ka Templ ha ki kjat jong u nongshet shukor bafaidwir, bad ka long ka jingkubur madan ba ka jingkhuid hok ka la iehnob la ka jingmane jong ka Seion, ba dei ban da leit wad ha ki ri-shyiap ka Jordan. Kano" u la pyrtajam, "kano ko ki rangbah Israel, long ka bakhraw tam, ka duwan jong u Trai, ne ki um ka Jordan?—u Lyngdoh jong Uba Ha Khlieh Tam, ne uta u jong ka ri khlaw? To da shim duh noh la kine ki nongkrenbeinblei bakylla niām, bà dei ban tian bad shah bishar kat kum ki alfi bakhuid jong ngi." Ki paidbah kiba la lohsgew la u Ioannis ba u ialap, ki la shah khanglad noh hangta hangta na kaba pyllait im la ki ar ngut ki lyngdoh da ka jingdon jong ka kynhún Roman kaba ap, ia kaba u Kaiaphas u la pynpoi már már.

Na kane ka jingai jingiathuh, ko pa baieit jong nga, phi lah ban ioh jingmut katto katne shaphang ka jingshongshit kaba ka jingialap jong une u nongiathuhlypa thymmai ka dang lai pynmih hapteng ki jaitbynriew baroh. Ki jait ba kham duk jong u paidbah ki long ki nongiasaid da jong u, bad ki riwspah bad ki nongsynshar, ki lyngdoh bad ki riwkhraw jong ka jaitbynriew, ki lapyrshah la u, lait sa tang khyndiat eh hapteng ki babha tam bad ki bastad tam. Na kine khyndiat long u Rabbi Amos, uba la pyllait la ka por baroh haba um don kamram ha ka Templ, ha kaba wad bniah la ki Jingthoh Bakhuid, ban khmih la kine kiei kiei ki long shisha kumta; bad ha man la ka jingiathuhlypa ba u pule u la nang sngewdei sngewdei ba ka sngi jong u Messala ka la hajan ngong, bad ba une u nongiathuhlypa u long, khlem artatien, uta la uba la phah da u Blei ha "ka mynsiem bad ka bor u Elija," ban pynkhreh la ka lynti ha shuwa jong U. Man la ka janmiet la ialum hangne ha ling jong ngi na ka khatar sha ka khatphra ngut na ki riwrangbah jong ki Jiw, kiba pynleit búnsien shiteng jong ka miet ha ki jingiasaidthma shongshit ha kine kiei kiei; kito hapteng jong ki kiba la lohsgew la u Ioannis, ki lam thiah ka mon ban ai ha u ka kyrdan ba hajrong ba

u kam, kum u nonglamlynti jong u Shailo. Hapdeng kine long u Stephan, u briew uba u kpa jong u u 'la long u Rangbah Lyngdoh, bad uba la long ia lade hi u riwsaid bad u riwpuke kot pule sla u bam kai ha ka jingdonnam. Um pat shym iohsngew ia u Ioannis u nonglathuhlypa, hynrei u la kren madan hynne ka miet ba, hadien ka jinglit bniah bani katta katta ia ki Nonglathuhlypa baroh, u sngewskhem eh ba ka sngi jong ka jingpyndep ia ki jinglathuhlypa jong ki ki la hajan ngong; bad ba, ia u hi shimet, u la kloi ban khot ia u nonglathuhlypa ka Jordan kum u sangot bashisha jong u Messala. Ha kane ka jingong, ar na ki lai bynta jong kata ka kynhun ki iaong ia kajuh hi, hynrei kiwei pat ki ia artatien, bad ki la sumar kti ia kiwei pat ban nym dei ban shu kyrkieh than; ba ka dang don ka por ia ka ban ngeit ha u Messala ynda haba U hi Un wan mihpaw ha ka met jong U hi.

Kaba kum kata, ko pa baieit jong nga, ka long ka jinglong bamynta jong ka jingmut jingpyrkhat jong ki briew ka Jerusalem. Lada u Khun Syiem ka Burom Un wan mihpaw shisha kyndit kyndit, niar eh ba kan kham shongshit palat. la ka lah ban long na ka rukom jinglong kaba fapher. Don ei-ei kaba sngewphieng ban iohi ia u samla briew, uba shong marwei ha ka ri-khlaw, u baduk bad u bam don ba ithuh ithaw, ba un pynkhih katne katne ha ka dohnud bakhraw jong ka jaitbynriew; da shisha ka bor jong u ka dei ban long ba ringbor na bneng. Phi kylli ia nga bad kumta long ka jingkylli ba la lai buh da ki Nongthoh bad ki Pharisi bad ki lyngdoh, sha ki synran u Ioannis! "Hato u la leh kambah ei-ei? Pyni ia nga ia ka kambah bad ngan ngeit ha u; namar kane ka long tang ka jingtynjuh ia ka jingphah ba na u Blei ia u nonglathuhlypa bashisha" Em, pa baieit um pat shym leh kano kano ka kambah, lait sa tang kawei ka kambah balynter, ha kaba u lai pynsblei briew ia ka ri-khlaw man la ka sngi, na ka jinglathsehsei lyngba ki khyrdop jong man la ka sorbah ha Juda, kiba da sngap dngiang ha ki ktien jong

u, bad ki da dem la ki khlieh ha ki um bakylntang jong ka jingpynbaptis jong u la ka ban sngewsih kthang.

Jait ba ha ka tafew ka babud u Rabbi Amos um dei trei ha ki jingkam jong u ha ka Templ, bad namar ba un don katto katne ki kam ki jam ki ban pynpoi ia u sha Gilgal ha kaba u don lai tylli ki lyngkha kiba la byrlieh mynta ia ka ban ot, u la háp kohnguh ha ka jingkwah ka khún jong u ka Mary bad jong nga de ban synrán ia u : namar um buhrie' na ngi ba un da pynbeit jingnut khnang ia ka ban leit jngoh bad sngap ia une u nongiathuhlpa, namar ba kan long tang ar kynta ei-ei ban laid na Gilgal sha ka jaka ha kaba u lalap. Nga sheptieng, phin uxor ia nga ia ka ban leit ha kane ka jingleit lynti. Hynrei lada ka jingmane jong ki kpa jong ngi kam don ei-ei ban sheptieng na ka jinglamler, da shisha kam don ei-ei ban sheptieng na ka jingshisha ; bad lada kumno kumno, nga, kum ka khún bashisha jong u Israel, nga don ei-ei ia ka ban sheptieng Lada u nongiathuhlypa u hikai ia kaei kaei ka balamler ngan long hi ka bashisha ; lada u hikai ia kaei kaei ka bashisha, hato ngan nym Iohnong ? Nga Iohsngew ia phi ba phi ong ba kane ka long tang ka jingseinia kynthei bad batlot. Hynrei kumba phi la ai ka jingiaroh ia nga, palat ia ka shiwat, phi da ong shai ba ka long ka jingngeit jong phi ba nga la san la stad biang bha kat ban lah ban bishar da lade hi ha ki babún ki kam ki dam nga kyrpad ba phin shah ia nga ban sngap ia une u nongiathuhlypa da la ki shkor jong nga hi, khnang ba nga lah ban raila nga dei ban shahshkor sha ki jingkren iathuhlypa jong u, ne kyntait ia ki kum ki jingiohi rngai jong u riewphohsniew. Kawei kaei-kaei ka long ka bashai, lada u Khrist ba u Ioannis u iathuhlypa u long u Khún shisha jong Uba Ha Khlieh Tam Eh bad ba ha ka jingshisha Un sa wan mihpaw ym slem shuh, ha ka jingpynrit bad jinglongduk, ka jingkyntait ia u te da ki Rangbah Lyngdoh, bad da ki riewspah bad ki badonbor jong ka Juda, ka long ka bathikna. To u Blei, te, Un pynweng

noh ia ka jingmatlah na ki khmat jong ngi, ba, lada Une u long shisha u Messaia, u Israel un lah ban ithuh la u Syiem jong ki haba U wan, bad ban nym leh kaei-kaei ka basngewshyrkhei katta katta ha ka jingsarong jong ki kat ban kyntait ia U ha kaba paw ? Lada jia kumne, mano te ban ieng hapdeng u Blei bad ka jaitbynriew basniew nusip jong ngi ? Namarkata. ko pa baieit jong nga ka dei rukom ia man u brieve ha Israel ban iit bha ia kane ka kam da ka jingmut bajaijai bad basngewrit, bad ban laid sumar pyrshah ia kaei *kaba lah* ban pyni ba ki dei ki jingkyrmen baieit tam jong ki paidlang jong ngi. Ynda haba nga la wan phai na ka ri-shyiah sha kaba ngin dei leit lynti da ki jyingthiah bad ki kashor, ngan sa thoh sha phi ia baroh ba nga la iohsngew.

Phin kynmaw ia u rangbah shispah Roman ba dang samla, dei da ka jingdon akor jong u ba nga la kitram ha kaba u pyllait ia nga na ka jingleh eh khar khar jong ki ar ngut ki shipai Jentil. U la pynsah tyngkai, naduh kata ka por, ia ka jingpynithuh ithaw kaba bad u Rabbi Amos, uba kren shaphang jong u da ka jingsngewburom ; bad dang shen mynta u la pynpaw ia ka jingsngewburom katto katne ha kaba tip ia ki jingpule minot alu kiba la bat por ia u Rabbi Amos katta katta barobor man ba u wan kai sha u, ia kaba u ju leh bunsien bunwat, kawei ka kopi ba dei jong ki Nongiathuhlypa la buh ha ki kti jong u ; hynrei kumba u la phla ba um da nang bha katta kat ban pule da ka ktien Hebrw, u Rabbi babba, uba la ngeit ba u iohi ha u ia u nongkylla ka bamut ba i don jingkyrmen sha ka jingngeit u Juda ; u la khot ia ka Mary ban pule bad ban pynkylla ia ka sha u. Hynrei ka jingtip jong ka ia ka ktien Roman kam da biang bha ; bad ha ka jingkyrpad jong ka, u Rabbi u la phah klot noh da nga, ban wan sha ka kamra bah basiang maw marhl jong ka jaka laid sha ki kamra, ha kaba ki la iashong harud ka jaka bak rsoi um. hapoh ka jingkah syrngiew jong u dieng nub shittim ia uba u Amos u ong ba phi la wanrah da la

ka kti jong phi na jyngetep u Isaia, bad phi thung hangne la bún bún snem, bad ia uba namarkata nga khot kyrteng “u dieng i pa.”

“Alle hangne, Adína,” la ong i pakhyannah jong nga, ha ki sur kren ba heh mynsiem jong i; “hangne phi iohi ia u samla Roman badonburom ia uba phi dei ban long sbun mynsiem than eh ban leit klet ia u.” Nga la nguh ngon, bad da kaba eh nga la khyllie la ki irmat jong nga na ka madan bapem sawdong pynlashoh ki rong; namar la mih phylliah ding ha ka jingpeit lieb jong u samla ba-bha rynteng ba ym lah ban peit pyrshah. U la kren katto katne ki ktien khublei; hynrei nga la shu iohsngew tang ia ka jingsawa, kaba la shoh ha ka dohnud jong nga da ka jingpynkhih syier ba sngewphvlla kum ka jingsawa kynud jingtem. Da shisha kine ki riewkhlaw jong ka Italia ki don ka ktien lakren bariewbha tam napdeng ki briew baroh; haba iapyrshang bad ki, ka ktien Hebrw jong ngi ka long kher-kher-khar-khar khyllah-sngi eh. “U rangbah shipai Roman,” la bteng ktien u Amos, u la kwah ban tip ei-ei shaphang ki kot bakyntang jong ka jaitbynriew jong ngi, ia kaba u ong u la iohsngew shibún; bad shaphang ki jingíathuhlypa, na kiba u ngeit la shna ia ki kot kren byrtong bapawnám.”

“Nga la pule minot ia ki kot bakyntang jong ka Etruria, ka Gaul, bad kito ki jong ki Goth bad ki Druid, jong ka Ijipt, bad jong ka Persha, kumjuh kumba nga leh shaphang la ki briew la jong”, la ong u rangbah shispah da kaba kren pynrit, “hynrei ha kine baroh nga shem ki jing-leh niam leh rukom, ki jinghikai shong tynrai bad ki aifi ki kanun, ki bam sngewdeidor ba kin mih na u Blei Job bakynsai jong ka pyrtheisuin batar katne katne. Ngí, ki Roman, ha ka jingpynbún tylli ia ki blei jong ngi, ha kaba khein blei ia man la kano kano, ha ka jingshisha khlem khein blei ei-ei! Ia kawei-pa-kawei ngi khot blei; hynrei ngim lap Blei haei-haei.”

“Te me la pynbeit bha la ki jingtohkkit ba iadei sha kane ka kitab,” la jubab u Amos, da ka jingsngew shit mynsiem. bad da kaba peit ha u Roman da ka jingisngewlem haleh burom. “**Hangne** yn shem ka jingpynpaw bashisha ba tang ma ka hi shaphang u Jehoba ki briew. **Hangne** la nang pynfar suki suki ia ka jinglong bakynja blei, badeidor ia u Nongthaw jong ka pyrthei-suin balar. **Hangne** la buh ia ki aih bad ki niam ki rukom ki jinglehniam bad ki jinghikai shong tynrai, ki hukum bad ki jingbthah jinghikai, ki badeidor ban mih na u Kpa bad u Blei jong ki kynja bynriew baroh. Men sa iohsngew bad bishar hi da lade. Ngam da tbit bha ha ka ktien Roman lait sa tang ha kaba iusngewthuh iakren baja man ka sngi, hynrei hangne don ka samla-khyllud na Ijipt, kaba lah ban ai jingbatai ktien na ka bynta jong me ha ka ktien tymmen ki Grik ne Italia, bad ngan buh ia ka kot bakli bakytang ha ki kti jong ka katba nga nang sngap. Alle, Adina, plied bad pule ia ka basdang jong ka kitab u Moses.”

Nga la kohnguh kumba ka dei ia nga ban kohnguh ia phi, pa baieit; bad nga la shong ha ki kjat jong u Amos; nga la pule bad kylla jam sha ka ktien Grik, ia kaba u samla Roman u la ong ka kham shai ha u ban ia ha ka ktien tynrai jong u (kumba ka long sha baroh ki riw-loh jinghikai ha ka pyrthei), ia ki sanspah lain ki banyngkong. Kine, kumba phi tip, ki ai ka jingfathuh shaphang kaba thaw ia ka pyrthei, ia u briew, ia ka jinglaid bakla jong u, bad ia ka jingshah beh jong u na ka Paradais; ia ka jingkular shaphang u Messafa ban pynwan pat ia kata ba la duh; ia ka jingtim ba la pynngat halor ka jingthaw, bad ia ka jingpyniap ia u kpa tymmen Abel, ryngkat bad ka jingshong briew jong ka pyrthei, ka jingbam man jong ka, bad ka jingpynjot da ka jingshlei um.

Sha kane baroh ka jingai jingfathuh u samla riwethma u la shahshkor da ka jingsngew burom bajylliew tam bad da ka jingshahshkor bha dngiang; bad haba u la kren sngewnguh ia nga, bad pan bor ban dang wan shuh bad

ban shah hikai shuh shuh na ki sla kiba u la ong imat, shisha, la thoh da ka shynriahti jong u Trai Ba Ha Jrong jong ka pyrthei-suin batar, u la kylli la u Messala U la lah wan Uba dei ban pynbeit ia kiei kiei baroh, bad lada ém, lano ia U yn khmih lynti. Kane ka jingkwah tip ka la ialam sha ka jingiakren lakhana shaphang ka jingialap u Ioannis ha ka ri-khlaw, bad ia ki jingiathuhlypa jong u shaphang ka jingnangjan ka jingwan u Shailo. U Rabbi Amos, ba u iohi ia ka jingsngew bang tynggeh jong u ha kane ka jingiakren, u la pynlong ia nga ban phai sha ki jingiathuhlypa ba kyrpang jong u Danial, Isala, Dabid bad kiwei kiwei, bad ban pule ia kita sha u ; baroh shaphang kito kiba la batai, ha ki ktien ksiar bakordor, ia ka burom bad ka jingkhlain bor jong ka bor jong U, bad ia kito de kiba kren shaphang jong U kum Uba la ibein bad kyntait. Ynda nga la pule lut baroh ia kaba u Rabbi u la bthah ia nga ban pule, une u samla u la shong pyrkhat jliang shipor. Khatduh khatwai u la ong, da ka jingileh shongshit ; “Nga lah ban shemphang mynta pléng balei ki briew ki iaphet sha ka ri-khlaw. Nga sngewkwah ban iohsngew ia une u nongiathuhlypa.”

Haba u Amos u la iathuh ia u ba u thmu leit laid lynti sha Gilgal lashemtaiew, bad u mut ban leit ingoh ia ka ri-shyiap ban leit sngap ia u, shisyndon u la pán bor ba un iasynrán lem ma u ; hynrei haba nga la kynthoh tiak ba ka Mary bad nga ruh ngin ialeit, ki pyllew khmat dum jong u ki la shat phyrnai da ka jingsngewbha, bad u la ong kumta kumta hi.

“Ngan synran ia phi da ka kynhún nongshongkulai, namar ki surok laid lynti ki mynsaw ; wat baduh hynniq ngi la ioh ktien wer-wer ba u rangbah nonglute bapaw-nám, u Barabbas, ha khlieh jong ka kynhún bakhrav, u la wan mihpaw biang ha ki lúm hapdeng Ephraim bad Jerikho, bad u la lute ym tang ia ki ar kynhún laid ut, hynrei ruh bún na kito kiba la dang leit lynti ban leit sngap ia une u nongiathuhlypa. Ngan pynlong ka jingbenmrud pyrshah ia u, ynda la pynpoi ia phi ha kaba suk ha Jerikho.”

Haba ngi la iohsngew ia une u nonglute ngi la iasngewwit jingmut ym khyndiat shuh ban sangeh noh kaba leit lynti ; hynrei u Rabbi Amos u la khublei ia u, bad ong ba da kaba sngewbha eh un pdiang ia, ka jingialeit synrán jong u ;. “kumba,” u la ban ktien da kaba wiat samrkhie, “nga tip ba phi ki radbah iada Roman hangne ha ka karot phi don tang khyndiat ban pyndonkam la ka por, bad phin khein ka long ka kabu ban ioh ka jingleit khmih pyrthei kaba da kane ka jait. Shuh shuh, phi ong phi dei ban leit pyrshah ia une u nongiaid lute, kumta ngim shym da ringbor eh ia ka jinglong don akor jong phi ban iashim jingda hapoh ka jingpyndep kamram jong phi.”

La rai, namarkata, pa baieit, ba ngin iamih kloï la-shemtafew ban poi sha Jerikho bad Gilgal, bad ban leit ruh sha ka ri-khlaw ban iohi bad leit sngap ia une u nonglathuhlypa. Ha ka jingwanphai jong nga, ngan nym pep ban thoh sha phi khlem da pynslem shuh. Haduh kata ka por tyngkan la ka jingbishar jong phi, bad buh jingshaniah ha nga. Da ki jingthrang bakhuid na ka bynta ka jingwan jong ka hima u Dabid, bad ka jingpynwan pat ia ka khet jong u ha Seïon, nga sah bad ka jingieit kpa, ka khún jong phi,

KA ADINA

VII. KA SHITHI KA BAHYNNIEW

KO PA BAIKIT JONG NGA, —Ki shvnriahti ba kyihuh jong nga da kaba eh ki bat ia u khah sting da uba nga sdang ban thoh sha phi shaphang kiei kiei ba sha palat liam ba nga la leit iohi bad iohsngew ; hynrei ki kyihuh tang da ka **jingkmén**. O, ko pa jong nga, ko pa baieit, baieit jong nga, u Messala u la wan ! Nga la iohi ia U ! Nga la iohsngew ia ka jingsawa ka ktien jong U ! U la wan shisha ! O, ka jingkmén, ka jingkmén ! Ki khmat jong nga hi ki la iohi ia Uta ba u Moses bad ki Nonglathuhlypa ki

la thoh ! Hynrei wat ai ngan pyrkhat kyrmen lypa. Khnang ba phi lah ban ngeit kumba nga ngeit, la phimpat shym tohi la U ; ngan ai ha phi ka jinglathuh la kita ki jingjia kiba la jia nadien ki jingjia ba phah sha phi la ka shithi khatduh jong nga. Ngan pyrshang ban thoh kaba lait war na ka jingkyndeh mynsiem, bad ban pynthanda la ka jingkhieh kyndeh dohnud jong uga, bad pynjaijai la ka kti katba nga buh beit la baroh kaba la jia, ba ka jingsngewthuh jong phi ka lah ban bisbar shaphang jong ki da kata ka jingbeit mynsiem bad jingstad kaba pynlong la ki brieve ban tohi ha phi la u nong Israel bastad tam ha ka ri Ijpt.

Phin kynmaw ba ha ka shithi khatduh jong nga, kaba la leit da ka kynthún ut Kairo, nga la kdew hangta ba u Rabbi Amos, u da shim ka kabu ia ka jinglait por jong u na ki jingpyndep kamram jong u ha ka Templ, ka por leh jong u Elihud ba ngi khein ñiewkor ka da dei ap mynta ha ka duwan, u la kut jingmut ban pyndep la ka jingleitjngoh shisien shisnem ha ki lyngkha kew la kiba u dei shim bynta hajan Jerikho, bad kiba, kumba phi tip, kim dei ki khyndew jong u hi, hynrei ki long hapoh ka jingaisumar jong u na ka bynta ki nongtohpateng jong u shipai bashlur Manasse, jong ka jait Benjamin. ia uba la shah pynlap ha kaba u pyrshang pyllait ia ka Jerikho na ki Roman. U Rabbi Amos, ruh um shym duna ka jingthrang kwah leit sngap ia u Ioannis ka Jordan, kumba la khot ia u uba ka nám jong u ka la phriang kylleng la kylleng. Ha ka jingkyrpad jong ka Mary bad jong nga, u la mynjur ba ngin lasynrán lem bad u. U Ioannis, uta u samla uba iateh-ktien bad ka parakha jong nga, ynda u la leit sha ka Duriaw Galilala ban leit khmih shaphang katto katne ki lieng kiba la don hangta ha ka kti u hymmen jong u, u Jakob, bad jong u kpa jong u, u la pynbeit ban lashem bad ngi ha Gilgal, bad ban synrán ia ngi sha Jordan ; namar um nang pyrkhat bad iakren ei-ei mynta lait sa tang shaphang u nonglathuhlypa jong ka ri khlaw, na uba u sngew ba u la duh shibún eh ban jah na u wat tang shisngi ruh.

Ka lynti bah na Jerusalem sha Jerikho ka la kylla long ka bamynsaw dang shibit mynta, na ka jingshlur tap jong u rangbah thaw kulmar ba la khot u Barabbas, uba mynshemnem u la pynkhih ialehpyrshah ia ki Roman, hynrei u la shah jop, bad ka kynhún jong u ka la sapra sha ki lumbah kiba don shathie jong ka Duriaw Sodom ; hynrei khatduh khatwai, ba la shop sha ka shah thngan, u la poi sha kaba lute ia ki kynhún ut ; bad namar ba ka kynhún nongleit jingleit ka la nang bún ketra katta hapdeng Jerusalem bad Jordan, ban leit sngap ia u Ioannis ba u ialap, bad ban shah pynbaptis da u, u la kynrup ha ki kynhún baheh jong ki, bad la shim na ki baroh ki mar ki mata bad ka tyngka ka paisa Na kane ka daw u Rabbi Amos u la pdiang ia ka jingtyrwa don akor ia ka jingleit synrán jong u rangbah shispah samla, ia uba la hukum da u Lyngskor, u Pontios Pilat, ban íai pyllait lynti ía ki surok hapdeng Jerusalem bad Jerikho ; ba wat ía ki nongphet-dak Roman la pynsangeh da une u nonglaid lute bam sheptieng briew, bad don ruh ba la shah pyníap da u. Ka jing-sngewsarong u Rabbi Amos ka la ran ruid na kane ka jingháp shaniah ha ka jingiada shipai Roman, ban pynlong ka jingleit lynti basuk kynjai lyngb, la ka ri la jong ; bad ym don, wow ! ko pa baieit, mano mano mynta napdeng u symbai u Abraham u ban pynleitkam la ka hok trai khyndew la jong. Ngi lah tang ban shu dem ká khlieh jong ngi ha ka lyngkor kaba u Blei uba u Trai u la buh halor ki ryndang jong ngi.

Ka dang ngui-ngut mynstep haba ngi la khie na ki jyingthiah jong ngi ban khreh leit la ka lynti jong ngi. Ia ki kashor ha kiba ngi dei ban íashong la wallam sha ka phyllaw da ki arngut ki shakri Nong-Gibion badum snieh-doh, ía kiba u Rabbi Amos u bat ha ka jingpyntrei kam jong u, bad ba la pynriam pynbeit da ki jin kordor ba la tap halor da ki jaiñ jin Persha, ba la suh ; pynpúr rong ksiar. Ia ki ar tylli ki kashor kit jingkit ruh la pynkhreh, ha uwei na kita la don ka riam ka beit leit lynti jong ka para-kha jong nga ka Mary, bad ka jong nga, ía kaba u Rabbi Amos u la ong wiat samrkhié ba ka

la kham shim jaka palat ban ia ki mar ki mata bad ki jingkit jingbah leit lynti jong u mahajon radbah Damas-kos. Ha ka por mih ka sngi, ynda ngi la iadem khohsiew halor tnúm iing, pyrshah phak ia ka Templ, bad la phah la ki jingdwai jong ngi shalor ryngkat bad ki jingkña bad u lyoh jong ka jingiwbi thang ba kiew sha suin, ngi la iahiar sha phyllaw iing ban iakiew nob ha ka lynti laid jong ngi. La don u kashor bakhlain bha na ka bynta u Rabbi Amos babha, la u rangbah shispah u la phah lam ia u da u kulai Persha baitynnat tam ban shong ; hynrei i pakhynnah jong nga i la ong ba im ju lah shaniah mynno mynno ia lade hi ha u mrad bam sngewthikna katta katta kum u kulai ha ka jinglong samla jong i, bad i la pyrkhath ba da kaba eh in shlan ban leit leh kumta ha ka jinglong tymmen jong i ; kumta i la jied ban shong la u kashor.

Ynda ngi la iashong ia lade lade halor ki jin ba la pynrben syngkhlieh-shong, bad la ki jingkah-khmat ba la pynkhreh ban da la ki khmat jong ngi, ngi la iakhmih lynti man ka khyllipmat ia ka jingwanpoi u rangbah shispah bad ka kynhún shongkulai jong u ; hynrei u mraw Numidian u la wan phei da kaba mareh, u da nguh ngon haduh khyndew ha khmat u Rabbi Amos, u la ong ba u rangbah shispah un sa iakynduh ia ngi ha ka dong jong ki ar lad, ha lyndet ki kynroh, kiba hajan Bethany. Ba kumta ngi la iakiew lang baroh, bad la ialeit la ka lynti sha pyrshah ka Khyrdop Mihngi ia kaba u Pilat u la dang shu moromot shen, bad ai kyrteng ka Khyrdop u Kaisar. Ngí iadon an ngut baroh—u Rabbi Amos, ka para-kha jong nga ka Mary bad ma nga, bad ar ngut ki Nong-Gibion —baroh arngut na ki ki long ki samla shynrang, kiba ki kpa jong ki da ki bún spah snem ki la long ki shakri ha ka iing ka sem u Amos, bad naduh ka por u Joshua, ha kaba kine ki jait briew ki la shukor ia u da ka jingleh sianti jong ki, bad la rai pynrem sha ka jing-longmraw junom. La shoh shibún ia nga da ka durkhmat jong kane ka jait bynriew ba khyllahsngi. Ki don ki durkhmat ki badum snieh-doh eh, ki khmut shyntur

pukni, ki mat-peit ba'long shat phalang, bad ki rynleng rynñiot bajem jri bad barat ryngking. Ki peit siantuh bad shet-shukor, hynrei ki ileh tiengpud, bad lah ban khúm ia ki katba mon da kaba leh pyneh triang. Kim don kano kano ka jingsnoh jingieit, bad ka jingsngewnguh ka imat kumba shu bret lehnohei ha ki. Nga la iohsngew ka jinglathuhkhana hiarpateng kaba sngewkhyllah shaphang jong ki na uwei na ki Lebi uba wan kai búnsien sha u Rabbi Amos, kaba long, ba ki hiarpateng na ki *shakri* u Noah, ia kiba la pyllait im ryngkat bad u ha ka iinglieng, hynrei ia kiba ym shym la kynthup kein ba ki long na ka kyrdan bapoh, ha ka jingbuh jingthoh jong ka iing ka sem Noah. Hynrei khlem artatien phi la iohsngew ia kajuh ka jinglathuhkhana hiarpateng ba sngew biria rai.

Ka step ka la long ka baphyrnai sngi bad kaba rang bha kdiar bad ka sngi rong-ksiar kaba theh la ka jingshai jong ka halor ka templ bad ka iingmot, ka iingdulan iingpaki bad ka tnúm, ka kynroh bad ka kut, u lúm bad ka brisoh, ka phudwah bad ka wahduid, baroh kita la pynshai da ka burom jong ki kjat sngi jong ka step. Katba ngi phai sha ka surok kaba lam sha ka Khyrdop Langbrot, ngi la laid lait ia ka iing u Kaiaphas, u Rangbah Lyngdoh, ia uba nga la iohi ba u leng haneng ka batsha marbl jong ka lingsyiem ba-ithiang sat jong u. Um shym la riam la beit ha ki jaiñphong baremdor jong u, bad la ka jingda shadem kaba da ki maw phyrnai, bad ka tupia syiem, kumba nga la iohi ha ka Templ, hynrei u la riam ha ka jaiñphong iong bajynsur, halor jong kata la tawah ka jaiñ ryndang kaba da ka jaiñ linen balieh ; bad haneng ki shñiuh-kdor balieh ior u la phong ka jingtap rong saw-syngiang, ka riam kaba iadei lang ia baroh ki lyngdoh, kumta ba lada nga n shym la lap ithuh ia u na ka rynleng rynñiot bajrong bad ba i maiñ ryngbah jong u, bad u shñiuh lieh ba her kynthar bad ka mat-peit banep thyrnia, katba u nang-jngoh ia ngi, ngan nym da la tip ba u dei u Rangbah Lyngdoh U la kren sha u Rabbi Amos, uba la leh burom ia u, bad ngon nga la

nguh la ka khlieh jong nga ha khmat ka kyrdan syiem
jong u nongmihkhmat jong u Blei ha ka pyrthei.

Sa kham barum shuh shuh ngi la lakynduh la ka
kynhún kaba wan na ka ri kaba sha lyndet ka wah
Kedron, bad la ki ruwh baheh halor ki kashor jong ki, ba
la pynkit da ki lyngdkhur met-itynnat bad paro-lud, la
kiba ki dang leit kit sha Templ, ban die hangta la ka ban
kña. Ka dohnud jong nga ka la sngewsynei la ki
jynghaw baluilui, kiba ki khlieh baitynnat rong-thwei
jong ki ki phngoid da ki dorjon lyngba ki phrah pharuwh
phareh jong ki ling phatok jong ki, katba ki shat la ki
khmat jem jong ki ha nga, kumba ki kyrpad la nga ban
pyllait la ki na kane ka jingtehmraw. Bad haba nga la
puson ha lade ba ki dei ai jingknia la ki jingim baluilui
jong ki na ka bynta ki pop jong ki briew, kynthai bad
shynrang jong u Israel, ka ngab jong nga ka la saw
kyrang da ka jingsngewlehraiñ, ba ngi iapop sang katta
katta ha khmat u Blei u Trai, ba ki baluilui ki dei ban
iap na ka bynta jong ngi. Namar ba ka Mary ka shong
kashor hadien jong nga, khnang ban pyllait lynti la ki
kashor kiba la kit jingkit da ki ruwh bah, kawei na ki
lyngdkhur, ba ka tieng iap la ka jingjam jong ki surok, ka la
ksaid pyllait la lade napdeng ki phrah, bad, da kaba pyiar
la ki thapniang jong ka, ka la her soit sha suin, bad
nangta ka da suh wia shabar sor, ka da kiew swait jngai
jngai shaneng ki kynrbh shnong, bad ka kliar bajrong
jong ka lingmot baphra-dong jong u Psephinos bad la
jah ngain sha jngai bak. Nga la sngewkmen napoh lade
ha ka jingiohlait ka sim baluilui, bad nga la phah leit
suk la ka sha la ka jaka shong jaka sah ha khlaw. Thik
shuwa-ba ngin poi ha ka Khyrdop Langbrot, da kaba ngi
dei khlad sha ka lynti Jerikho, ngi la lakynduh la uwei u
matlah baduk ba u lalam la i khún langbrot, lane pynban
ba shah lalam da i khún langbrot ba la pynjuh bha. U
ruh u la den ar tylli ki paro ha ka shadem jong u. La
kylli la u da u Rabbi Amos, uba la ithuh bha la u, shano
u leit. U la jubab, ba u dang leit sha ka Templ ban ai

jingkūia la ki. "O, ém," la ong u Amos, da ka jingsengew lyngngoh, "men nym ai jingkūia la i khún langbrot jong me, Bartimaos !"

"Nga la kular ia ki sha u Blei, Rabbi Amos, bad ngam lah ban pynkhein la ka kular khlem sah pop."

"Hynrei i langbrot jong me i ialam la me kylleng kylleng, i long ki khmat ia me. Mem lah leit khlem ma i."

"U Blei Un pynbiang ia nga da uwei pat u khún langbrot," u la jubab, ka khmat jong u ka da shai jingshai da ka jingkyrmen.

"Hynrei ki paro jong me pat ? Me kamai ja da ki bún paisa ha ka shisngi, la hikai bha ha ki la ki buit shalak bad bapynsgewbha ia ki khynnah rit Lada me dei ban ai jingkūia kat kum ka jingsmai jong me, to tyngkai la kine kiba donkam katta katta ia me, bad hih kane ka paisa ban thied paro bad uwei pat u khún langbrot," la jubab i pakhynnah babha mynsiem jong nga.

"Sngap alu nga don ban ong " la jubab u Bartimaos. "I pa jong nga i la kem pang, bad sa ba in iap, bad nga la smai ka jingsmai sha u Blei ba lada Un pynkoit la u tymmen, i pa jong nga, ngan ai jingkūia ha U la uwei na ki paro jong nga. Ha kawei pat ka sngi i mei jong nga, iba la bsa la btiah ia nga naduh nga dang rit, bad iba la icit ia nga, la la kha matlah ia nga, da la ka dohnud jong i baroh, i ruh i la kem pang. Nangta nga la smai sa iwei pat i paro. Ha kajuh ka miet i khún rit kynthei jong nga, iba ki khmat jong i ngam pat ju la lohi, bad i bam ju la lohi la ka khmat la i kpa jong i, i la kem pang sa ban iap. Te dei hangta ba nga la smai ia baroh kaba sah bad nga, wat ia i khún langbrot baieit naduh shadem jong nga, la uba nga icit marbud ia ka khún jong nga ! I pa jong nga, i mei jong nga, ka khún jong nga ki la koit bha pat, bad ha ka jingkmén jong nga nga don ha ka lyati jong nga

sha ka Templ ban ai ia kine ki jingai jong u Blei sha U. Kan long ka bach, kynrad, hynrei bato ngan nym pyndep la ka jingsmai jong nga ? Kan long ka bach ban khlad na ki, ngan duh shikatdei eh ia ki ; hynrei u Blei un nym pynshah shitom ia u Bartimalos matlah, haba Un lohi ba u tyrwa, ha ka jingainguh thang jong u la ki paro rit jong u ar tylli bad ia u khún langbrot, baroh kein kat kaba u don."

Bad kine ki ktien u la nang laid, u khún langbrot u da kohnguh ia u tyllai da uba u bat u da laid suki jem jai ha khmat jong u ; katba nga lah ban lohi ia ki khmat matlah jong u khún bahok bad kpa riewblei ba ki tuid ki ummat, katba u doh-pa-doh ia ki paro bakordor kiba shaniash ha ka shadem jong u. Ine i khún khyndiat i jingjia i la pyndiaw ia nga ; pymban nga ia sngewburóm ia ka jingkut jingmut bariewblei jong une u briew baduk, uba ki khmat jong u, la kim lohi briew, ki imat ba ki lohi ia u Blei bad ki sngewthuh ia ka jingdon ryngkat jong U. Dang don pléng ka jingriewblei basngewrit ha ka ri, ko pa baleit jong nga, bad bam shem ia ki hapideng ki lyngdoh basarong bad ba leh phuh leh phieng, ngi dei ban wad ia kata ha ki dohnud jong ki baduk bad ki bapoh kyrdan, kum u Bartimalos.

Ynda poi ha khyrdop ia ngi ym shym la bat slem da u kapten Roman, uba la bat ia kiwei pat, u da khmih ia ki kot laid-lynti jong ki, bad u da shim ka khrong khyrdop na kito ki bam don ia ki ; namar la ki nongleit lynti laid-kjat ki lah ban faleit iawan khlem siew, la katta ruh na kito kiba shongkufai ne kashor la shim khrong tyngka, lymda ki don lypa ki kot ai-bor ba la soi da u Lyngskor. Hynrei u kapten jong ka khyrdop tang shu lohi ia ngi da ka jinglehburom bakhraw, u la pyllait ia ngi ban laid lyngba ka khyrdop sha khmat kiwei pat kiba la khreh ban laid lyngba, u da ong ba u rangbah shispan uba ka kyrteng jong u nga tharai ngam pat shym la lathuh ia phi, u long u Aemilius, u la ai hukum ia u ban nym bat slem ia ngi. Ki shipai Roman ba i-eh ka khmat ba la

phong da ka riam nar kiba la ieng tawiar ka khyrdop, ki la shoh ha nga kum kiba don ka maiñ bad ka rynleng rynñiot briew kaba lah ban jop pyrthei. Haba nga la siat jingmut ba ym shym la don ka nongbah ha ka pyrthei, ha ki khyrdop jong kita bam shym la ieng kiba kum kine ki briew, kiba la riam bad phong jaiñ, bad basaphup ñiuh-moh kum ki, ngam lah khlem ñiewburom la ka bor basalonsar jong ka Hima Bah Roman, bad ka jingtieng de la ka.

Shisien ba ngi don shabar ki khyrdop shnong, ka lyer ka la beh sngewpyngngad na ki lúm Olip, ba la pynkit da ka jingsieng iwbiñ. Ba la shah set kut slem slem hapoh ki kynroh bad surok khim, ki la paw ha nga ba nga la shu dang lait napoh ka ruwh, kum ka lyngdkhur rong suin-bneng itynnai ka khlieh, bad nga la sngew kumba nga kaweh thapniang ha ka lynti jong nga ruh sha ki ri-shyap balaitluid, lada la ki thapniang jong ka lyngdkhur, kumba la thrang jur da u Syiem Dabid, lah ban ai lem ha nga. Sha kamon jong ngi, ym jngai na ka khyrdop, u Rabbi Amos u la kdew ha nga la ka pung Bethesda, bad ynda nga phai la ki khmat shata nga la leit lohi ka jinglohi kaba ktah mynsiem jur. Ia ki batsha baroh san la shlei da ki bapang bajhia, ki dkoh ki dkia, ki tyngjang-kap, ki matlab bad ki khrew ki khriap ba ki laap, kumta lathuh i pakhynnah jong ngi la ngi, na ka bynta ka jingkhieh jong ki um, namar, ha ki por ki por, i la lathuh ba u Blei u phah la u angel arsut sha ka pung ban king la ka um, ha kaba, jar kat uba poi shuwa, u shah pynkoit joit na kano kano ka jait jingpang kat kaba u don. Ngam lah khlem pynsangeh la u kashor ban peit phylla ha ka jinglohi ba i phylla katta katta jong kane ka jinglalang paidbah jong ki riwshemjynjar, kiba dei ban don ym duna shuh la ka sawspah ngut briew; don kiba lateng shaniah, ba i-matlieh bad thapngab, ba ki kyrshan ha ki pala; don pat kiba par kylleng kylleng ha ka jingisnei hi khop, kum ki mrad khlaw kiba pyrshang ban jan la ka pung, katba kiba

kham khlain ki shop shadien ; don kiba thiah dem lyngngiah ha la jynghthiah, ki da ap lehrít la ka por u Blegi ; katba la kiwei pat la bah tynrong shata ha ki tyrpeng ki briew. Kynsan kynsan, katba nga la dang sdang ban shong kashor biang, bad ban khaprip ki khmat na kane ka jingtohi ba i sangsot, kawei na ki jingtohi ba palat bor than ba ka khmat briew ka lah la ka ban peit ka urlong. Ka sla-um jong ka pung, kaba la long jajai baroh shikatto, shisyndon ka la kylla khiih kyndeh, i kumba ka thnam, bad ka la sdang ban sieb, ban khiedew, lane ban had phaloh shane shatai ha ka rukom ka ba-iphvlla. Tang tohi ym pat lap ba tohi la kane ba shuh hep la khie kynsan, na ka kynhún jong ki riw pang bashem jynjar kiba la tyllun ha ki mawkyrdon jong ka, ka jingiakyang ki saw spah tylli ki ryndang shisyndon, ki jingialynñiar ka jingkmén, ki jingpyrta jong ka jingsngewphylla, ki ktien jong ka jingiakyang ba pynkyndit, katba ka jingkhiih ha kajuh ka khyllipmat ka la jia long ha ka jingialang lymbung jong ki met briew, la kiba la pynshad lamwir shane shatai kumba shad phaloh ki um. Kito kiba hajan eh ki la tur lamwir shapoh, katba kito kiba nadien ki la iakhynñiat arsut, don kiba ialynñiar lamwir ha ka jingiakyarkieh ba i-shitom sat, bad don kiba da tim da tla da ki ktien tim ba sngewshyrkhei, haba ki shem ba la ka lynti jong ki la pynwit da ki jingialang lymbung bam lah phrung lyngba ha khmat jong ki. Ki batlot tam bad kiba khlem bor ki long kiba da thrang than eh, bad ba ki don jngai jngai, ki la pynlong ka jinglaksaid lap bapalat briew ban poi ha pung, ki da jléw, bad kyrsih bad kti bad kjat halor ki ingdong jong kiwei pat, tang ban shu shah kyndat ei ha madan bad shah kyrdem da kito kiba nang tur na shadien. Don ki bakhlain, kiba la pyrshang ban pyllait lynti na ka bynta kito kiba ki bah, kiba la sei la ki tari, bad la tur sha khmat ban kraeng lynti lyngba ki shem jynjar ba i-kyriap bad baseityrtho ka shyntur kiba la shlei ha lynti, haba la ka jing-pynmysaw la tohi da ki Roman na khyrdop, ki la hiar arsut, kumba saw kynda na ki, la ki waitlam ba

la sei, ban pynjem ia ka jingiakbih kulmar; namar ka pung baroh kawei ka la don ha ka jingkhieh kulmar. Bam sngew lah shah shuh ban lohi ia ka jinglohi ba-ishyrkhei, ngi la lapynher kashor noh kloishah khmat; hynrei hadien pat nga la lohsngew ba shuwa ban pynthanda ia ka jingiakulmar, shibun ki brieve la pynlap, bad ba san na kito kiba hapoh pung ki la lap jyllop hapoh ki kiat jong kito ki brieve kiba la rypsied ruma rutit nalar ki khlieh jong kiwei pat halor jong ki.

"Ka long kaba lah," nga la kylli ia u Rabbi Amos, ynda ngi la lap i ha ki rud jong ka wah Kedron, "ba ka long ka kam u angel kaba lah ban pynmih ia kane baroh ka jingkulmar bad ka jirgbthei jong ki jingkwah brieve basniew jew tam?"

"Ym don jingartatien ba ka jingpynkhih ha ki um ka long hi ka kambah," u la jubab. "Ka kam jong u angel ka long ka babha shisla. Ka jingktah jong u ka ai ka bor pynkhiah sha ka um kaba pynkoit ia ki jingpang; bad hato ka jingbha mynsiem jong u kan kit khlieh na ka bynta kine ki jingmih ba ishyrkhei bad isaitmet ia kiba ngi la dang shu lohi?"

Nga la shu sngap noh jar; hynrei nga la ud jylliew na ka bynta ka jingbamman u brieve, kaba lah ban pynkylla kat ia ki jingai Blei sha ka jingsniew ha kaba pdiang ia ki.

Nangta ngi la faphai khyndiat shaphang kamor, bak na ka lynti laid paidbah; namar ba kumba ka jynghieng, da kaba ia ka surok sha Jerikho la ju laid, la dang shu te pynskhem thymmai da ki Roman, ngi la hap ban bud ia ka rudwah haduh ngin da poi hajan u Pala mot u Absalom, uba nga tang shu lohi, u la pynwan sha ka jingkynmaw jong nga ia ka jingla-thuhkhana baroh kawei jong uta u khunsyiem samla ba la lalam bakla. Katno ka baphylla, ba ka khlieh

donburom kaba da u shñiuh ksiar, ia uba u sngewsarong, bad ia uba ki nongthaw jingrwai jong kato ka por ki kren palat ia ka shiwat ar wat, un kylla long pynban u atiar jong ka jingshah, pynlap jong u ! Katba ngi la naag leit ha la ka lynti la don hangto ki diengsning tymmen ha khmat jong ngi, ia kiba u Rabbi u la ong ki la tymmen katta katta ban long shibynta jong ka lawbah batar lyngha jong kata ba u la shong kashor sha ka jinglap kein, bad khlem artatien ki la da katta shisha. U la pyei ia nga hadien shipor, bad katto katne ka jingjingai na Jerusalem, ia ka krem ha kaba ki shiphew ngut ki samla kiba pynlap ia u Absalom ki la bret ia u, ki da kynton ki mawbah halor jong u. Une u khunsyiem u la dei ban long u bashlur kumjuh kumba u long u babha briew bad u batamsneng, ba haba ynda la sdien ia u da u shñiuh jong u hi ha u diengsning, bad u bam lah ban pynmynsaw shuh ia ki, kan dang donkam "shiphew ngut ki samla ban ker tawiar bad ban shoh lap ia u." Lane, lehse, kumba pyrkhat u Rabbi Amos, kane ka kynhún ka iasnohkti, ryngkat lang, ban shim ia ka jingshahkynnoh ha khmat u Syiem Dabid, ia kaba ym don tang uwei na ki uba sngewbha ban kit hi marwei shimet ! Katno ka basngewthiang ia nga, ka long ha man la ka jaka puta sawdong ka Jerusalem ! Nga sngew kumba nga im biang ha ki sngi hyndai hynthai, ha kaba nga iohi ia ki jingiohi ha kaba la thoh ia ki jingjia bakhraw kiba kynthup ia ki jingiathuhkhana bad ka burom jong ka jaitbynriew jong ngi

Ym slem ba ngi tang shu poi ha ka jaka ha kaba don ar lad, ba ngi la iohsngew sha sepngi ia ka jingsawa jong ka jingkyrdem patoh jong ka kynhún kulai bakhraw, bad ha kawei pat ka khyllipmat, u rangbah shispah samla Roman u la wan mih ngong, na ka surok kaba na ka Khyrdop Kulai, u da shongkulai ha khlieh jong ka kynhún nongshongkulai, uba ka maiñ shipai jong u, bad ka jingsawa mew jong ka jingkieng atiar jong u, bad ka jingud sngewtynnai ki bikur jong ki,

ka la pynpatoh ia ka snám jong nga ; bad nga sngew-skhem lada nga lah ban iohi la ki khmat la jong ngan lap kem ha ki ia ka jingphyrnai shipai. U Aemilius u la i kum u khúnsyiem, bad ka jingkieng atiar ba shut phyrnai jong u ka la phyrnai phalang ha ka sngi kum ka jingkieng atiar ba da ka ding. Ha syndah jong u la shongkulai u samla uba la rah ia ka dur pukni jong ka kynhún jong u ; hynrei u rangbah shispah hi u la rah ha la ka kti la jong tang ia ka shab jong ka kyrdan shipai jong u, kaba la lon ; u lvnghot dieng-wain ba la teh da ki satí ksiar. U la khublei nguh ia ngi da kata ka jingleh don akor kaba pynpher ia man la ka jingkhíh talaiñ shane shatai jong u, bad nangta u la pynkhlad ia ka kynhún shipai jong u sha ki ar khlad, shiteng na kita, kiba íaid pashop na khmat, ki íalam ia ka kynhún, bad kawei pat ka shiteng kaba ran shadien, ka la ker, kum ka jingda na shadien. Nangta u la ai ktien ban íaid shaphrang. U rangbah shispah hi u la shongkulai teng-teng ha syndah u Rabbi Amos, ne hajan ki lakam jong u, hynrei um shym pynlcit jingmut eh tang ha ngi kat ban klet la ka kamram kum u kapten, ía kaba u la pyndep da kaba phikir thikna eh.

Khublei, ko pa baieit, tat haduh kawei pat, ha kaba ngan bteng la ka jingai jingíathuh jong nga ía ki jingjia kiba la jia naduh ba nga la íehnoh ía ka Jerusalem. U Blei jong u kpa jong ngi u Abraham to Un long ka jingda bad ka stieb ía phi—Ka khún thepmynsiem jong phi.

ADINA.

Ka bakut jong ka Kitab I.

Ki Kot Khasi na ka iing na ka iing na ka iing
na ka iing na ka iing na ka iing
na ka iing na ka iing na ka iing

Do Hong Beatrice Mitao,
Jaw Shillong.

1. Ka Histo^{ry} jong ka iing na ka iing (IV-VI) ... 1T. 10 P.
- Do u Bok Frank M. Fugh,**
Jaw Shillong.
2. Ka Kot Hygiene (IV-VI) ... 1T.
3. Ka Kot Geography (IV-VI) ... 1T.
4. Ka Drama u Shakespeare, Katha phi moos 1T. 10 P.
5. Ka Dalalok Naagno u Khasi u hiar pateng 1T.
6. U Khun Syiem na ka iing u Dabid Kitab I 1T. 10 P.
7. U Khun Syiem na ka iing u Dabid. II & III 1T.
8. Ka Phawar-Rwai Khasi ... 1T. 10 P.
9. Ka Shang Syntlew .. 1T. 10 P.
10. Ka Kot Geometry Thymmai (IV-VI) .. 1T. 10 P.
11. U Khun Syiem na ka iing u Dabid IV & V 1T.
12. U Romeo bad ka Juliet .. 1T.
13. Ka Histori jong ka Assam (IV-VI) ... 10 P.
14. Ka Gulabpi (Ka Khana India) ... 1T.
15. U Elija, Ka Prosodi bad Retorik ... 1T.
16. Ka Jinglarp la ki Kot B.A. Khasi I 1T.
17. Ka Jinglarp la ki Kot B.A. Khasi II ... 1T. 10 P.
18. Ka Shang Khmih-Pyrchei u Lord Glwyd 1T.
19. Ka Tem Ding la ka Shla-Baw ... 1T.
20. Ka Bact Lynne Kitab I (A) ... 1T. 10 P.
21. Hngai Mynta Ngai iing Khristan ... 1T. 10 P.
22. Ka Bact Lynne Kitab I (A) ... 1T. 10 P.
23. Ka Bact Lynne Kitab I (A) ... 1T.
24. Ka Bact Lynne Kitab I (A) ... 1T.
25. Ka Bact Lynne Kitab I (A) ... 1T.
26. Ka Bact Lynne Kitab I (A) ... 1T.
27. Ka Bact Lynne Kitab I (A) ... 1T.
28. Ka Bact Lynne Kitab I (A) ... 1T.
29. Ka Bact Lynne Kitab I (A) ... 1T.
30. Ka Bact Lynne Kitab I (A) ... 1T.

U Khun Syiem nā ka iing u Dabid

Shibūn na ki jingiohi la ka jingim u Jisu hamar ki saw snem bakhatduh eh jong ka jingim jong U ha pyrthei, kumba la buh jingthoh ha ka Gospel, la iathuh hangne kum kaba da iohi hi da la~ki khmat la kita.

Ka Adina, ka nongthoh, kaba long ka Jiw, la ngent ba ka long ka nongshorgshhng ha Jerusalem hamar ki saw snem ki bakhatduh eh jong ka jingim u Nong-pynim jong ngi bad ka la iloh sha Alexandria, sha u kpa jong ka, bun bñn ki shñhi kiba iathuh la ki jingjia baroh kiba sngewtynnai, bad khamtam eh ka da ai ka jingthuh kaba bñiah la ki jingjia baphylla jong ka jingim u Khr̄st, ia uba ka jia iohi man ka sngi.

Ka jingthmu bakongsan jong kane ka jingthoh ka long ban pynshuha la ka jinglong blei jong u Trai jong ngi lyngba ka jinglong briew jong U; namar "Ym ju don briew uba la kren kum une u briew."

Na ka jingthoh lamphrang, da u Rev. I H. Ingraham